

MANDATUM
EPISCOPI SANCTI PONTII
DE PUBLICATIONE

SENTENTIÆ PLURIMORUM
Sacræ Facultatis Parisiensis Docto-
rum, quos de variis propositionibus
consuluit.

*Quæ ad Dogmata, Moralem, & Ecclesiæ Disciplinam
spectant.*



BITERRIS,
Apud STEPHANUM BARBUT, Typographum
& Bibliopolam Regis, Illustrissimi Episcopi. 1699.

CUM PRIVILEGIO.

MEMORANDUM

RECEIVED BY THE SECRETARY OF THE

NAVY DEPARTMENT

WASHINGTON, D. C.

NOVEMBER 10, 1901

TO THE SECRETARY OF THE NAVY

FROM THE SECRETARY OF THE ARMY

SUBJECT: [Illegible]

[Illegible]

[Illegible]

[Illegible]

[Illegible]


[Illegible]

[Illegible]

[Illegible]

[Illegible]

[Illegible]



MANDATUM

EPISCOPI SANCTI PONTII

AD FIDELIS SUÆ DIOECESEOS.

CUM Recollecti Provinciæ Sancti Bernardini continuò enitantur ut Doctrinæ nostræ simul & disciplinæ in hacce Diœcesi jussu nostro observatæ Fidem abrogent, iidemque pessimis suis atque errore scatentibus sententiis quas repugnandi nobis libidine in medium attulerunt quantam possunt auctoritatem maximam conciliaturi, nullum finem faciant rumores disseminandi in vulgus, quibus nonnihil commoventur populorum animi, postulat sanè Officii nostri ratio ut huic malo remedii quicquam adhibere & pravis quæ inde nasci possent effectis quoad possumus occurrere studeamus dum istud quidquid est mali editis à Summo Pontifice

de utrorumque Doctrinâ definitionibus
radicitus tandem evellatur. Quamob-
rem cum Diœcesis nostræ fidelibus, vel
iis ipsis quibus adversariorum calum-
niis Fides nostra maximè in suspicio-
nem venit, nihil suspectum minus offerri
possit tutiusque lato à plus centum è
Sorbonicis Doctõribus de pravis isto-
rum Recollectorum opinionibus judi-
cio Typis illud mandari curavimus.
Itaque ut quam poteritis accuratè at-
que attento, uti par est, animo perle-
gatis hortamur vos obtestamurque: rati
nimirum hanc elucubrationem eam
esse quæ hinc sanâ Doctrinâ jam imbu-
tos novâ quam affert luce magis magis-
que confirmet, illinc vero imbecillio-
ribus & imperitis adversus pravarum
horum Religiosorum opinionum vene-
num Antidoti loco esse valeat. Datum
in Castello nostro Sancti Aniani. Die
26. Aprilis 1699.

† PETRUS - JOANNES - FRANCISCUS.
Episcopus Sancti Pontij.

De Mandato Illustrissimi ac Reverendissimi Domini.
RAPHAEL.

DE SCRIPTURA SACRA.

I.

SOLI, qui planè sunt in Theologiâ rudes ac Novitii, excusari Possent si definitionem hanc ignorarent Concilii Tridentini sess. 4. nimirum vulgatam editionem solam esse authenticam, Canonicam, & omnis erroris expertem.

II.

Id institutum est, ea mens Genevensis quidem & Bavicæ, non verò ejus quæ Christi est, Ecclesiæ ut Scripturam Sacram manibus promiscuè omnium permittat, cujuscumque tandem ætatis, sexus, ingenii, conditionis, ac capacitatis illi sint, sinè ullâ restrictione.

III.

Concilium Tridentinum certas leges ac regulas fixit, easque authenticas & ab Ecclesiâ universâ receptas quibus Scripturæ Sacræ lectio in vernaculum sermonem translata prohibetur.

IV.

Digna est ea cogitatio quæ vituperio & risu excipiatur, si quis dicat omnibus æque fidelibus ab Ecclesiâ proponi cohortationes Sanctorum Patrum quæ in Divinis Officiis leguntur illam v. g. B. Chrysostomi concionem, quæ legitur in secundo Nocturno secundæ post Epiphaniam Dominicæ, quandoquidem Officium Nocturnum in quo leguntur ad solos Ecclesiasticos homines pertinet solique illi ejusmodi rebus imbuì tenentur.

V.

Quantumvis antiqui Doctores Scripturæ Sacræ lectionem omnibus commendassent, eam tamen nostris temporibus non commendarent. Si facerent, *quod quisquis in mentem induxerit gravem ipsis injuriam faciat ac rebellionis in Ecclesiam insimulet*, illos audire non deberent, quidquid est veri nominis Catholicorum.

VI.

Dubitari non potest quin fidelibus multò utilius esset, si remissâ ad Theologos, Concionatores, Pastores, Rectores, Confessarios & Professores, Legendorum Bibliorum Curâ ipsis aliorum piorum librorum lectio proponeretur.

Nihil tùm ab Ecclesiæ mente , tùm ab ipso Poenitentia Sacramento æque abhorret ac si quæratür , revoceturque in dubium possitne ad illud plus semel in vitâ utiliter recurri , præsertim cum ad istam adeò suspectam quæstionem nonnisi verbulo uno defunctorio ac summis labris frigide emissio respondetur , *posse* , eaque extorta responsio postmodum destruitur , dum palam docetur , hanc fuisse primis sæculis Ecclesiæ mentem ac consuetudinem , ut illâ potestate , saltem vulgò , plus semel in vitâ non uteretur erga eos homines qui essent in peccata quædam enormia revoluti.

VIII.

Poenitentia & Eucharistia Sacramenta funditus eruunt qui absolutionem differunt & à communione remonent eos homines qui veniales tantum maculas contraxerunt.

IX.

Poenitentia Sacramentum abolent , innuuntque absolutionem quæ in eo conceditur non esse nisi declaratoriam qui piis tum hominibus tum mulieribus Sacram communionem permittunt non impertita prius absolutione.

X.

Qui dicunt inesse in Sacerdote veram remittendorum peccatorum potestatem , sed tamen gratiam reconciliationis peccatoris cum Deo non hominis operæ tribuendam , sed à Christi Redemptoris Sanguine proficisci , id illi furtim ac callidè insinuant quod adversus Catholicam Fidem Calvinista semper objecerunt , nimirum , si inesset in Sacerdote vera hominem Deo reconciliandi facultas , inde secuturum illam reconciliationem opus hominis fore non Christi Redemptoris Beneficium.

XI.

Qui dicunt Sacerdotes nostros simplices tantum ministros esse meraque divinæ potentia instrumenta , qui ad instar actûs judicialis declarant quod in Cœlis à Christo efficitur , ii opponuntur ex adverso Synodo Tridentina in quâ definitum est absolutionem non esse simplex ministerium declarandi peccata esse remissa.

DE AMORE DEI IN SACRAMENTO POENITENTIAE

XII.

Concilium Tridentinum ita expresse definivit sufficere ad absolutionem recipiendam, attritionem quæ vitam animæ non tribuit; imò quæ amorē Dei omni vacua esse supponitur, ut anathemate feriat qui contrariam opinionem deffendunt.

XIII. XIV.

Qui dicunt absolutionem validè conferri non posse nisi iis qui contritionem habent aliquā charitate animatam, perinde est, ac si dicerent absolutionem validè conferri non posse nisi iis qui prius sunt in gratia constituti, & Deo per contritionem perfectam quā vitæ restituitur anima, reconciliati.

XV.

Falsum est ab Ecclesiâ Catholicâ formam Græcorum deprecativam approbari.

XVI.

Qui docent ab Ecclesiâ Catholicâ formam deprecativam quā Græci absolutionis loco utuntur approbari, easque ex ipso consensu Doctōrum in rei naturā unum & idem quid esse, ii ab usitatis Ecclesiæ tramitibus defleunt, Doctrinam insolentem profitentur, eoque adducunt ut credatur posse formam illam in Ecclesiâ Latinâ legitimè usurpari.

XVII.

Juxta Fidei regulas non potest formæ Poenitentiae, nisi imperativus sensus attribui, aut, quod tutius est, absolutus, nequaquam verò deprecativus.

DE SIGILLO CONFESSIONIS.

XVIII.

Confessio Peccatorum Secreta ita est ex Christi Domini instituto ut si palam illa fieret hoc ipso desineret esse Sacramentalis, juxta Decretum Concilii Tridentini.

XIX:

Concinunt cum Calvinistis & Doctrinam infinito à veritate spatio distantem amplectuntur qui volunt posse Ecclesiam ob secreta Peccata publicas poenas imperare.

XX.

Doctrinam deffendunt Arcano Confessionis & Synodi Tridentinae menti è Diametro oppositam qui tametsi fa-

teantur maximam semper fuisse criminum Sacerdoti declarandorum necessitatem, volunt tamen ad Confessionis essentiam non pertinere utrum publica sit an secreta sed ad aliquod disciplinæ caput quæ fuerint Episcoporum autoritate immutata, quod perinde est ac si dicatur posse Episcopos hoc in negotio agere ad libitum, eorumque arbitrio relinqui ut vel secreta peccata palam declarari jubeant poenâ nullitatis Confessionis vel secreto tantum declarari permittant.

DE SATISFACTIONE.

XXI.

Periculum est ne irritæ omnino & nullius ad satisfactionem pretii sint quæcumque ante absolutionem poenæ luuntur, nisi præcedat reconciliatio cum Deo per contritionem: Siquidem nullum opus satisfactorium esse potest, aut meritorium nisi quis in statu gratiæ sit constitutus.

XXII.

Qui dicunt hunc esse ordinem maximè rectum ac simplicem idque prioribus Ecclesiæ sæculis constanter fuisse observatum, ut ne detur absolutio nisi post expletam satisfactionem, ii rem affirmant ab omni specie veri remotissimam quæ nullatenus possit cum sanâ Theologiâ & ipsius Ecclesiæ decretis conciliari. Est hic unus è reliquis Petri Uxamenfis erroribus, quem errorem Sixtus IV. in Bullâ suâ Eversâ anno 1471. & Sorbona die 1. Julii an. 1641. hæreseos notaverunt.

XXIII.

Errant vehementer & turpi ac despondâ ignorantia laborant qui cum absolutione Sacramentali fori interioris permiscet & confundunt ritus antiquos publicæ, Canonice & Cæremonialis absolutionis quæ vigente priorum severitate sæculorum, palam & extra Pœnitentiæ Sacramentum ob scandalosa quædam ac publica flagitia quorum punitio ad forum exterius pertinet, nonnisi post perfectam omnino satisfactionem scandali emendandi causâ concedebatur, quæve nullatenus erat Sacramentalis.

DE CONFESSIONIBUS EXTRA PARÆCIAM FACTIS.

XXIV.

Sublatum eunt omnem Pœnitentiæ & Eucharistiæ usum.

qui persuadere volunt non licere peccata sua confiteri extra Diocesim imo ne extra paræciam quidem suam. Efficax est dura huiusmodi atque imperiosa lex ad conflandum Pœnitentiæ Sacramento odium.

*DE VSU SACRAMENTORUM RESPECTU
eorum, qui recens ab hæresi conversi sunt.*

XXV.

Rem molitur si qua fingi potest, horribilem, atrocem, infert Sacramentis contumeliam, adeoque viam munit ad ea penitus subruenda, præripit fidelibus eam quæ ipsis inest Confessarios sibi eligendi facultatem, spernit auctoritatem Summi Pontificis, deflectit ab Ecclesiæ consilio & voluntate conceptis vocibus in Jubilei Bullis expressâ super illa Confessarios eligendi potestate, qui vetat, ne quis ad Catholicam Fidem recens conversus, aut quivis alius de hæretico genere peccata sua per Paschale tempus concionatori Monaco confiteatur, eâ nimirum prætentâ ratione quod cum ille vulgo ibi non commoretur brevique sit, post expletum muneris sui stadium discessurus, per temporis angustias non possit probatam habere illorum hominum Fidem, religionem, pœnitentiam neque penitus indagare sintne, ut par est ad recipienda Sacramenta comparati.

DE COMMUNIONE EUCHARISTICA.

XXVI.

Fateor equidem bene agi cum illis hominibus qui nulum Pietatis sensum habent, qui eousque sunt divinæ gratiæ rebelles ut in letalia flagitia præcipites ultro ruant, si per breve aliquod tempus a Sacrà Christi mensâ removeantur ad injiciendam ipsis Divinæ illius escæ venerationem. Id potissimum observari debet cum quis in turpium atque atrocissimorum flagitiorum cæno diu hæsit & præsertim in impuditiæ criminibus consenuit a quâ maximè abhorret Divina Virginum sponsi castitas ac sanctimonia. Id tamen nullatenus patrocinari debet consuetudini novatorum, hostium Eucharistiæ insensissimorum qui per quatuor, per sex menses, per annos quandoque integros Sacramentorum aditum Pœnitentibus intercludunt, ut illi nimirum miseri omne desiderium, sensum omnem, omnem divini illius alimenti recordationem abjiciant, postremo ut in iis facti-

dium quoddam , quædam ab Eucharistiâ imo & Confessione ingeneretur aversio. Sacræ Communionis dilatio iis hominibus præcipienda qui in gravissimis ac maxime portentosis sceleribus diu jacuerunt & inveteratam contraxerunt sædissimorum peccatorum consuetudinem ultra decem aut quindecim dies protrahi non debet. Nonnumquam quatuor aut quinque sufficient , ne illi maximo quod eorum infirmitati afferri possit , subsidio hoc est Sacram Communionem priventur.

DE BACCHANALIS TEMPORIS OBLECTATIONIBUS.

XXVII.

Saltationes , profanæ cantilenæ , aliæque id genus nugæ bacchanales , eo nomine appellat *Author propositionis infames illas choreas ac tripudia , insanos larvatorum hominum concursus , aliasque scandalosas ac criminosas actiones quæ ea de quibus agit facinora comitabantur* ludi sunt innoxii , voluptates honestæ , ita ut propter illos nemo sit à Parochis vel Confessariis , neque absolutione fraudandus , neque rejiciendus à communione , neque ad publicam ullam satisfactionem cogendus.

DE DISCIPLINA ECCLESIAE.

XXVIII.

In eo loco qui ad Sacram Missam divinaque Officia celebranda consecratus est , possunt ex ipsis Ecclesiæ regulis nulla alia præmissâ benedictione sine ullo singulari privilegio corpora humari Christianorum ; cum enim ille locus ad sacratissimum Religionis nostræ Mysterium sit inauguratus , ejusmodi consecratio alterius cujuscunque vices supplere potest. Quod si Episcopus istud improbet dici potest majori apud eum in honore ac studio esse putidum cadaver , quam Augustissimum Eucharistiæ Sacramentum , nihilque tum vivis tum mortuis , injuriosius , nihil nec in sæculares iniquius excogitari posse quam si tales sepulturæ prohibeantur.

DE EPISCOPALI JURISDICTIONE.

XXIX.

In hominibus Religiosis id immerito reprehendit Episcopus tanquam pravum ac noxium , quod in eorum Choro , diversæ extent Sanctorum è suo ordine virorum Tabulæ quæ expressos præterea gerant eorum Religiosorum vultus

qui tum aderant cum Imagines illæ pingerentur ; imo neque improbare potest quod in Tabulis Sanctos tertii , ut vocant , ordinis sui homines exhibentibus intersint laïcorum , ejusdem loci species adumbratæ. Illud tanti non est ut reprehendi debeat aut refelli.

X X X.

Non stultè , neque impiè , sed ad summum inconsultè ac minus prudenter egerunt illi Religiosi qui novum Testamentum Montibus hannoniæ impressum affixis ad muros ac valuas Tabulis , aliisque hujusmodi præmissis apparatibus , palam , in Templi sui vestibulo , quò frequens populorum multitudo confluxerat ad excipiendam Sanctissimi Sacramenti Benedictionem , privatâ autoritate cremaverunt. Dicoesano Antistiti Factum istud iisdem Religiosis in aliquo suo mandato exprobandi non immerito quis regefferit ipsum in libros suos eam impietatis ac stultitiæ labem traduxisse quam iis Religiosis inurere voluerat.

X X X I.

Qui existimat Episcopalem Dicoeseos lustrationem signum esse quoddam publicum ac Solemne Catholicæ Societatis , is opinionem sibi fabricavit singularem omnino ac novam , nulloque innixam fundamento. Ea opinio Papas ac Reges Catholicæ Societatis destructores constituit.

X X X I I.

Est hoc novæ prorsus & inusitatæ Theologiæ genus nullius neque concilii , neque Doctoris autoritate corroboratum , quod Episcopus universos familiæ cujusdam Religiosos ideo schismaticos apellaverit , quia nimirum illi præfulem ædes suas lustrare ac recognoscere cupientem admittere noluerunt , objectisque ad id templi sui foribus scripto ei publico renuntiaverunt illum se ad Sacram Missam celebrandam nullatenus posse admittere nisi tanquam privatum Sacerdotem. Ea schismatis nota in Sedem Apostolicam ac Reges nostros refunditur , eosque schismatis fautores facit.

X X X I I I.

Vexationem ac Tyrannidem cum manifestam omnibus , tum novam omnino & institutis Ecclesiæ contrariam exercet is Episcopus , qui publico mandato sanxit , intentatâ

excommunicationis poenâ ut ne ulli è Dioecesi sua fideles
Divinis Officiis interfint in eorum Religioforum templo qui
ei ad inspiciendas ædes suas venienti templi ejusdem adi-
tum obturaverunt.

X X X I V.

Non potest Episcopus mandatum ejusmodi emittere quod
censuras in refragantes indicat , quodque ea quibus ad
illud edendum adductus fuerit , delicta verbis acribus ac
asperis denotet , quin charitatis leges infringat & ab illâ
mansuetudine declinet quam & inculcavit aliis Christus
& in omnes ipse exercuit.

DE STATU RELIGIOSO

X X X V.


Qui asserunt Principum Sæcularium auctoritatem simul
cum Ecclesiâ conspirasse ad retundendos Regularium co-
natus & consilia dissipanda ii Reges , Summos Pontifices
sequè ipsos , hostes totius Religiosi ordinis infensissimos
profitentur. Præterea universo Regularium ordini singulis-
que Religiosis familiis , ne unâquidem exceptâ contume-
liam inferunt , quam quæ maxima , qui regulares novorum
consiliorum Architectos appellant : inurunt quoque turpis-
simam opprobrii labem Regibus , supremis Senatibus , ac
ipsæ Pontificiæ Sedi quos fingunt ad retundendos Regu-
larium conatus & consilia dissipanda conspirasse. Quin etiam
duplex fit Apostolicæ Sedi injuria unde illorum immuni-
tates fluunt ac permanant. Uno verbo ministri Calvinistæ
nihil unquam in Ecclesiam probrosius evomuerunt quam
quæ leguntur in mandato Antistitis Sancti Pontii , videli-
cet Principum sæcularium auctoritatem simul cum Eccle-
siâ conspirasse ad retundendos Regularium conatus & con-
silia dissipanda.

DE PIETATE ERGA BEATAM VIRGINEM.

X X X V I.

Non faris est si quis errorem summoperè excretur.
Debet etiam pari in omnes quos illius venenum , infecit
odio ferri. Etenim fieri nullomodo potest ut , B. Virgini
placeamus absque Fide vivâ , quam Fidem repurgat ac
vividam facit summum in homines erroris fuligine affatos
odium.

CONSULTATIO



CONSULTATIO.

REGULARES IN GALLIA QUIDAM
 præfulis sui Doctrinam ac rationem totam admi-
 nistrationis conati sunt sparsis in vulgum Libel-
 lis suspiciosam facere ac dilacerare. Is Episcopus
 cum ex ejusmodi Libellis, tum ex alio quodam
 libro ejusdem authoris sequentes sex & triginta
 Propositiones excerpfit quibus præcipua accusatio-
 num momenta contenta esse videantur. Eas ille
 Propositiones Sacræ Facultatis Parisiensis Docto-
 ribus excutiendas committit, oratque ut suam de
 illis mentem aperiant, simul de variis quæ in dictis
 Propositionibus impetuntur Doctrinæ ac Disci-
 plinæ capitibus, quid sentiant, scripto declarent.

I. PROPOSITIO.

*Soli qui planè sunt in Theologiâ rudēs ac Novitii
 excusari possent si definitionem hanc ignorarent Con-
 cilio Tridentini sess. 4. nimirum vulgatam editionem
 solam esse authenticam, Canonicam, & omnis erroris
 expertem.*

P R I M A Propositio defendi non potest, perinde falsa
 tum in jure, tum in facto.

In facto quidem, nempe definitum esse à Conci-
 lio Tridentino vulgatam editionem solam esse authenti-
 cam, canonicam, & omnis errores expertem.

Quod ut falsitatis convincatur, necesse non fuerit
 aut recurrere ad Historiam Concilii Tridentini à Pala-
 yicino conscriptam lib. 6. cap. 17. aut ea legere quæ ab

illis temporibus Theologi ac scripturæ sacræ interpretes docuerunt. Sufficiat sola citatæ sessionis lectio , ut luce clariùs appareat nihil ibi quidquam definiri , vel declarari , nisi inter latinas omnes Scripturæ Sacræ editiones, eam quæ vulgata nuncupatur habendam esse pro authenticâ , & à nemine rejiciendam. *Insuper eadem Sacro Sancta Synodus , considerans non parum utilitatis accedere posse Ecclesiæ Dei si ex omnibus latinis editionibus , quæ circumferuntur Sacrorum Librorum quanam pro authenticâ habenda sit , innotescat , statuatur ut hæc ipsâ vetus & vulgatâ editio quæ longo tot seculorum usu in ipsâ Ecclesiâ probata est , in publicis lectionibus , disputationibus , prædicationibus & expositionibus pro authenticâ habeatur , & ut nemo illam rejicere quovis prætextu audeat vel præsumat.* Sess. 4. decret. de edit. & usu Sacr. Lib.

Ibi ne ullum quidem vestigium extat ejus (quod tamen insinuat propositio) videlicet editionem illam esse omnis erroris expertem. Quamquam verissimum illud est si erroris vocabulo intelligatur aliquid quod vel Fidei vel bonis moribus adversetur. Non ibi præterea declaratur , vulgatam illam editionem solam esse authenticam ac canonicam , neque innuit Concilium velle se eos titulos ac nomina primigeniis codicibus aut versionibus græcis præripere , aut aliis ejusmodi probatis editionibus cum quibus latinam versionem comparare nullatenus instituit.

Jam vero ius ipsum , ipsa propositio in se spectata , editionem scilicet vulgatam solam esse authenticam , canonicam , & omnis erroris expertem falsa quoque est & ab omni prorsus specie veri aliena.

Ut nulla mentio fiat de genuinis utriusque Testamenti textibus : græca antiqui Testamenti versio quæ septuaginta interpretum appellatur per quingentos & amplius annos pro authenticâ canonicâ , &c. ab universa Ecclesia habita est : neque ex eo tempore quidquam accidit quod auctoritatem ei suam potuerit derogare. Hæc unâ versione etiamnùm Græca Ecclesia utitur. Narratur in Romana illius editione , hanc fuisse Synodi Tridentinæ voluntatem atque consilium ut illa versio de novo typis

mandaretur. Quin etiam Sixtus V. quo Pontifice absoluta est ea editio quæ Gregorii XIII. præfessoris sui tempore fuerat incepta, magno studio fidelibus præcipit ut eâ versione ad clariorem vulgatæ & sanctorum Patrum intelligentiam utantur, jubet ab omnibus recipiatur & retineatur, ac tandem diligentissimè vetat ne quis quid ei vel addat, vel detrahat.

Hinc patet turpis ac crassus error propositionis de quâ agitur, solos in Theologiâ rudes ac novitios, &c.

Equidem post Concilium Tridentinum non defuerunt authores quidam qui non aliam esse editionem authenticam præter vulgatam existimarint. Sed contraria opinio non modo ab Ecclesia nusquam damnata est, sed ne notata quidem, uti Palavicinus observat *n. 9.* & hanc multi non infimæ notæ Theologi à Palavicino *n. 10.* nominati & in ipso Concilio & postea quoque tenuerunt, vixque jam repèriantur qui aliud sentiant.

Nec sine turpissimo errore tria hæc, editionem authenticam canonicam & omnis erroris expertem propositio ita jungit ac confundit, ut postremæ duæ voces non nisi ad primam explicandam, quæ ex tribus una in loco citato extat, usurpari videantur. Verumtamen latum inter ea verba discrimen intercedit, quæ usu & significatione à se invicem omnino dîstita sunt & aliena. In eum errorem multi è protestantibus impeerunt. Vvalto scriptor alioqui sincerus ac diligens canonicitatem videtur cum authenticitate confudisse eo loci ubi arguit Concilium Tridentinum quòd sibi jus arrogaverit authenticitate vulgatam editionem donandi *prol. 10. n. ult.* Sanè minus feliciter intellexisse videtur quid significet ea vox, authentica, dum ait Ecclesiam posse quidem versionem declarare authenticam, facere autem non posse, quomodo non potest Librum canonicum facere, sed declarare. *Ut enim librum non Canonicum non potest Canonicum facere, sed tantum testificari vel declarare quosnam libros ipsa pro Canonicis habeat, & à majoribus receperit, sic non potest versionem authenticam vel cum textu originali æqualem facere (hoc enim soliùs Dei est qui divinam auctoritatem cuilibet scripto conferre potest) sed tantum declarare versionem fi-*

delem esse & fonti suo conformem , vel si menda irrepperant ea corrigere , & in publicis Ecclesiæ Officiis usum ejus imperare.

II. PROPOSITIO.

Id institutum est, ea mens Genevensis quidem & Batavica, non verò ejus quæ Christi est, Ecclesiæ ut Scripturam Sacram manibus promiscuè omnium permittat, cujuscumque tandem ætatis, sexus, ingenii, conditionis, ac capacitatis illi sint, sinè ullâ restrictione.

CENSURA quâ in hac propositione notatur sententia Orthodoxi sensus patiens & maximè capax, ea, inquam, censura, immodica est, injusta, imò falsa & temeraria.

Si illius censuræ authores se intra hos fines continuissent, ut dicerent tantummodo Ecclesiæ menti maximè consonum & consentaneum videri ne omnibus omninò hominibus Scripturæ Sacræ lectio indiscriminatim suadeatur, esse enim metuendi locum ne multi eâ, ingenii sui vitio abuterentur nihil quidquam protulissent quam quod in iis censuris extat quibus Sacra Facultas Parisiensis Erasmi scripta ac versionem Biblicorum à Renato Benedicto factam perstrinxit.

Sed eadem quoque retinenda moderatio fuisset, eo temperamento tractandæ res quo usâ in hac occasione est Sacra Facultas Parisiensis.

Neque enim ut hæreticas, aut etiam hæreticum ingenium redolentes eas propositiones notavit quas Erasmus super Scripturæ Sacræ lectione ediderat. Illud tantum declaravit ratione habitâ temporum iniquorum hominumque malignitatis quorum præceptis in novitatem animus ejusmodi lectione multoties abusus fuisset, non esse eam quibusvis temere hominibus permittendam. *Quamvis in quamcumque linguam vertantur sacrae litteræ suapte naturâ sanctæ sint & bonæ, quanti tamen sit periculi permittere*

passim lectionem earum in linguam vulgarem traductarum absque ulla explicatione idiotis & simplicibus eis abutentibus, nec eas piè & humiliter legentibus, quales plurimi nunc reperiuntur satis indicarunt Uvaldenses, Albigeneses & Turelupini qui inde occasione sumptâ multos errores disseminaverunt quare hac tempestate, perspectâ hominum malitiâ; periculosa ac perniciosa existit hujusmodi traductio, loquendo de omnibus scripturæ libris indifferenter, nec scibi paucis esset utilis propterea temere esset omnibus permittenda.

Si Erasmus redarguit qui minus ex regulis sanæ doctrinæ locutus sit tum cum eam lectionem mulieribus coriariis, agricolis, fabris & latomis commendavit, hoc est generi hominum rudiori ac simpliciore. Exclamant indignum facinus si mulier vel coriarius loquatur de sacris literis, me authore sacros libros leget Agricola, leget Faber, leget, Latomus. Eò demum severitatis devenit perspectâ multorum tunc temporis impudenti temeritate, innuitque illud sibi consilium nunquam improbandum fuisse si Erasmus quasdam ad id conditiones adjecisset.

Hæ porro sunt conditiones. 1. Ut homines hujusmodi legerent quosdam duntaxat è sacris libris. 2. Ut explanatione uterentur aliquâ, cujus ope faciliores illi & ad captum suum accommodatiores evaderent. 3. Ut ei se lectioni pio ac devoto prorsus Ecclesiæ Pastoribusque animo, dederent. 4. Ut ne inde occasionem arriperent conciones ac reliquas id genus institutiones publicas spernendi aut negligendi. Neque eis interdicat usum quorundam sacrorum librorum qui cum explicatione convenienti ædificationi morum sint accommodi, si sic tamen tales libri ab ipsis legantur piè ac sobriè, citra supercilium & arrogantiam, ut non inde contemnant prædicationes nec à crebrâ verbi Dei auditione retrahantur; proinde hæc propositio absque præscripto moderamine posita, sui assertorem sanæ doctrinæ non satis consentire demonstrat.

Ea vero de qua agitur propositio longe dissimilis est & majorem multo præ se fert audaciam.

Ac primo quidem ibi ut hæreticam, aut saltem ut hæresi vicinam, ut Genevensis ac Batavicæ Ecclesiæ menti congruentem omnino sententiam eam arguunt, posse ma-

nibus omnium Scripturas Sacras permitti, quam profectò sententiam nusquam Ecclesia condemnavit, aut inter cæteros Calvini errores recensuit. Generalibus quidem & quæ in alienum sensum perperam detorqueri possent verbis exprimitur relata in propositione sententia. Id tamen facile omnes animadvertunt, non eo tendere voces ejusmodi vagas ac generales ut piam illam moderationem ac cautionem excludant quibus nonnunquam in certis occasionebus uti expedit, quæ si cautio ac moderatio adhibeantur certo certius est Scripturæ Sacræ lectionem ab Ecclesia non prohiberi. Præterea cum eadem sententia verbis prope modum æque vagis & generalibus apud B. Chrysostomum, apud alios Patres, apud Authores catholicos enuntietur, privati hominis non est hæretici eam ingenii arguere, etiam si aliquid in illa reprehendendum animadvertere se arbitretur.

Deinde vero timendi locus est ne ex illa quæ ibi fit Genevensis ac Batavicæ cum Ecclesiâ Christi oppositione detur hæreticis occasio Catholicam Ecclesiam calumniandi quasi quæ Scripturam Sacram parum necessariam imò periculosa existimet palamque dictitandeam apud nos non tantam venerationem, existimationem, amorem quanta apud se obtinere. Quod Catholicam Ecclesiam inter & hæreticorum sectas discrimen intercedit, quod Scripturam Sacram spectat, illud præcise desumi non debet à versionibus aut libertate legendi sed à facultate illam interpretandi ac de illa judicandi, quam potestatem Calvinus & Lutheri sectatores cuivis homini privato tribuunt, Concilium vero Tridentinum ad Ecclesiam solam pertinere definivit. *Sess. 4. Decr. de edit. & vers. sacr. lib.* Hanc ob rem insurgamus si lubet in Calvinistas, non autem ideo vituperemus quod Scripturam Sacram lectionem atque ediscant. Illud sapienter est à Pelissonio observatum in suo de Eucharistia tractatu qui mortuo demum auctore in lucem editus est. *Scripturas Sacras legunt ac sciunt fratres nostri: Neque ipsis crimini verti debet quod sciant, quod legant, sed quod in suo quisque sensu legat, seque solos eos esse arbitrentur qui illas intelligant. Sect. 11.* Is liber à pluribus tum Episcopis, tum Archie-

piscopis probatus est tum etiam quadantenus ab Innocentio XII. summo Pontifice cui dedicatus fuerat. Hujus namque nomine Cardinalis Albanus ad Abbatem Faureferarium scribens asserit eo libro stabiliri ac explicari Ecclesiæ doctrinam, illumque maximè idoneum esse ad revocandos ab erroribus Calvinistas. *Ad id genus scriptio-
num pertinet quibus præcipuè delectatur sanctitas sua, quod
videlicet non ad inutiles & supervacaneas contestationes ex-
citandas, sed ad stabilienda elucidandaque Catholica fidei
dogmata revocandosque ab erroribus heterodoxos collimat. Id
profecto egregiè præstitit hoc in opere Pelissonius.* Epist. scrip.
Roman. 20. April. 1694.

Cardinalis quidem Richelius eo loci ubi statum controver-
sæ vel quæstionis exponit quâ Catholici à Calvinistis dissident super Scripturæ Sacræ lectione, his eam quæstionem verbis enuntiat: sit omnibus indifferenter Scripturæ Sacræ lectio permittenda, nec nè, fateturque hæc in re fieri à nobis personarum temporum ac locorum exceptionem. *Lib. de præcipuis fidei articulis cap. 4.*

Ex his vero quæ locum hunc statim præcedunt ac sequuntur liquidò constat non subduci ab Ecclesiâ fidelium manibus Scripturam Sacram nisi ob pravas quas in iis agnoscit aut timet dispositiones, illudque tantum hæreticis ab eâ exprobari, quod dum omnibus hominibus promiscuè sacrorum librorum lectionem permittunt, tacitè declarent faciles ac planos etiam simplicioribus eos esse omnesque id assequi posse nullo alio adjumento præter internum quo se afflari putant Spiritus S. instinctum ut suam in illis salutem clarè ac distinctè agnoscant.

Eò referuntur omnes quæ à Cardinali invehuntur personarum temporum ac locorum exceptiones.

In eo consistit illa quæ fit à nobis, inquit, personarum exceptio quod iis duntaxat hominibus sacrarum litterarum lectionem concedamus qui sufficienti capacitate instructi sunt ut possint aliquam inde utilitatem haurire, non vero illis qui ejusmodi lectione suo damno abuterentur. Ubi per illam quam postulat in iis quibus Scripturæ Sacræ lectionem concedit capacitatem non ingenium aut scientiam intelligit, sed fidem, docilitatem, postremo ita affec-

rum animum ac constitutum, ut edoceri amet summò studio, & interpretationes ultrò admittat illorum locorum quibus hæretici contra veritatem abutuntur: quod clariùs patebit si legantur eæ quas Paulo post affert rationes cur integrum sit omnibus catholicis Scripturas Sacras certis temporibus ac locis legere.

Eodem principio nititur temporum ac locorum exceptio. Id autem observandum diligenter est Galliam hic à Cardinali Richelio inter ea loca recenseri, in quibus catholicis licet Scripturas Sacras legere. Tum ut iisdem se tueantur armis quibus impugnantur, tum quia fidei suæ tenaces cum sint haudquaquam timendum videtur esse ne ejusmodi lectione abutantur, quæ una res propositionem à fundamentis eruit, ab authore videlicet Gallo & in ipsâ Galliâ scriptam iis temporibus cum adhuc multum laboris exhauriendum superest ut profligentur omnino & radicitus extirpentur funestæ hæreseos reliquiæ, in eâ vero regione ubi roborati in suâ fide catholici non jam ita prono ac labili in pristinos errores animo sunt, sed in id prius incumbere debent ut scripturarum ope ac præsidio muniant se contra morum dissolutionem seque ab illusionum novarum contagione servant incolumes.

Tertiò in hac secunda propositione, ratio cur sacrarum litterarum lectio prohiberi debeat petitur, ex ætate, sexu, ingenio, conditione, capacitate, non autem inde, unde potissimum petenda esset ex defectu fidei, docilitatis, obsequii, & aliis id genus pravis affectionibus animi quæ non tam ab ipsa natura hauriuntur quam culpâ nostrâ procreantur in nobis atque invalescunt.

Ea quidem quæ damnatur in hac secunda propositione sententia Scripturæ Sacræ lectionem quibusvis promiscuè hominibus permittit, sine ulla restrictione. Sed illæ voces nullo negotio explicantur ac determinantur ipso orationis tenore ac serie. Ibi namque cum dicitur promiscuè & sine ullâ restrictione, id ita accipi debere, sine ulla restrictione ætatis, sexus, ingenii, conditionis ac capacitatis nemo est qui non videat. Quibus verbis innuitur neque ætatem, neque sexum, neque ingenium, neque conditionem, neque capacitatem legitimè prætexi posse quo minùs

minus Scripturæ Sacræ lectio fidelibus permittatur. Quo quid verius?

Ætas quidem legitimo prætextui esse non potest ut quis à lectione sacrarum litterarum arceatur. Timotheo namque laudi vertit Apostolus quod eas ab infantiâ didicerit. *Ab infantiâ sacras litteras nosti.* 2. ad Timoth. 3. 15.

Non sexus. Beatus quippè Hieronymus puellis ac mulieribus multis author est, eas ut legant.

Non etiam ingenium præcisè; neque enim adolescentulæ Paulæ tum omnino maturuerat animus, cum ipsius matri Letæ suadebat Hieronymus, ut ediscendos ab ea feriatim & ex ordine Scripturæ Sacræ libros curaret. *Discat 1. Psalterium, his se canticis avocet, & in proverbiiis Salomonis erudiatur ad vitam. In Ecclesiaste consuecat quæ mundi sunt calcare. In Job virtutis & patientiæ exempla sectetur: ad Evangelia transeat nunquam ea postura de manibus. Apostolorum Acta & Epistolas totâ cordis imbibat voluntate: cumque pectoris sui cellarium his opibus locupletaverit, mandet memoriæ Prophetas, & Regum, & paralipomenon libros; Esdræ quoque, & Hester volumina. Ad ultimum sine periculo discat Canticum Conticorum, Epist. 7.* Ad Letam ante finem. Sanctus quoque Augustinus ait Scripturam Sacram patentem ac perviam omnibus esse, tametsi pauci sint admodum qui illius altitudinem scrutari penitus & pervadere queant; eâ nutriri simpliciora ingenia, sublimiora delectari. *Modus autem ipse dicendi quo Sancta Scriptura contextitur, quam omnibus accessibilis, quamvis paucissimis penetrabilis, his salubriter & parva corriguntur, & parva nutriuntur, & magna oblectantur ingenia.* Epist. I 37. ad Volusianum n. 18.

Neque vero conditio lectionem sacrorum librorum debet impedire. Chrysostomus eos jubet etiam à sæcularibus hominibus legi. (Κοσμικοὶ βίωτικοί.) ab iis quos rei familiaris, uxoris, liberorum cura distinet ac prægravat. *ἀκούσατε ὅσοι ἐστὲ κοσμικοὶ, καὶ γυναῖκες καὶ παιδῶν προϊστάσθε πως ὑμῶν ἐπιτρέπει (ὁ ἀπίστολος) μάλιστα τὰς ψαφὰς ἀναγινώσκειν.* Homil. 9. in Epist. ad Colloß. *ἀκούσατε παρακαλῶ πάντες οἱ βίωτικοί, καὶ κατὰ θεὸν βίωσι.*

εάρμακα τῆς ψυχῆς , εἰ μηδὲν ἔτρον βούλεσθε , τὴν τοῦ
καινῆς κτῆσασθε τῶν αποστόλων τὰς πράξεις , τὰ εὐαγγέλια
διδασκαλοὺς διηγεῖς. Ibid.

Postremò defectus capacitatis ex se huic lectioni non potest esse obstaculo. Augustinus Epist. 137. ad Volusianum ait Scripturam Sacram in planis ac clarioribus locis imperitorum æque & doctorum cor affari. *Ea quæ aperta continet, quasi amicus familiaris sine fūco ad cor loquitur indoctorum atque doctorum.* In obscurioribus autem esse tamen ejusmodi ut tarda & parum erudita ingenia desperatione assequendi non removeat. *Mens tardiuscula & inerudita,* invitare eam omnes ut quod præ se fert dilucidum ac facile, eo nutriamur, quod abstrusum occultat, eo exerceamur. *Ea vero quæ in mysteriis occultat, nec ipso eloquio superbo erigit quo non audeat accedere mens tardiuscula & inerudita quasi pauper ad divitem, sed invitat omnes humili sermone, quos non solum manifestâ pascit, sed etiam secretâ exerceat veritate.* n. 18.

Quapropter non ab ætate, non à sexu, non ab ingenio, non à conditione, non à capacitate peti præcisè ratio debet cur Sctipturæ Sacræ lectio prohibeatur. Si qui sin, quibus ejusmodi lectio non expediat, id ab alio quodam fonte promanare necessum est: Nec vero sine magna sapientiæ laude in damnandis Erasmi propositionibus innuit facultas Parisiensis sacras se scripturas manibus subducere dumtaxat eorum, qui sunt in aliqua novitatis, temeritatis, aut superbix suspicionem, quibus demum veretur ne fides, docilitas ac debita Pastoribus Ecclesiæ desit reverentia.

Hæ sunt animi malè affecti pravæ dispositiones quas hæreticis objiciebat Cardinalis Richelius in præcipuis fidei articulis cap. 4. Etenim, inquiebat, explicans quidnam inter illorum & Ecclesiæ Catholicæ sententiam intersit discriminis. *Plebi vos palam dictitatis non modo nihil ipsis ex scripturarum lectione periculi creari ne in hæresim impingant, quod affirmat Ecclesia Catholica, sed etiam hanc eos inde utilitatem percepturos maximam ut Theologi evadant, ut verum à falso sciant in scripturis discernere, ut suoapte inf-*

inctu suam in iis salutem reperiunt, quæ res bene multos in errorem agit præcipites. Verum crimen, & in protestantes semper intorquendum, quo sine crimine nequidquam idem ipsis exprobres ac author propositionis, quod videlicet quorumvis hominum manibus Scripturas Sacras credant. Quod quidem non jam vituperii sed laudis loco esset, si in id studiosè incumberent, ut qui sacros libros ipsis suadentibus ac instigantibus legunt ita comparato animo legerent ut fructum ex iis aliquem possent percipere.

Ad ea si quis occupaverit ab hæreticis quoque fidem, docilitatem, & obsequium postulari in iis quibus Scripturæ Sacræ lectionem permittunt reponetur eos hac in re à principiis suis deflectere, sibi non constare, idemque sentire nobiscum, ut ipsis objecit Cardinalis Richelius. *Talia docere, quid aliud est quam nobis assentiri, ac sibiimet adversari, quid aliud quam quod usurpetis ipsi, illud in nobis condemnare?* Lib. de præcip. art. cap. 4.

Præterea in tractatu quem eo fine edidit ut animum ab errore recipiant ii qui ab Ecclesia desciverunt. *Lib. 4. cap. 16.* quo loco differit de prohibitâ Bibliorum in vulgarem linguam translatorum lectione, duo expendit, factum, & jus, hoc est utrum revera vetuerit Ecclesia ne sacri codices vulgari sermone donati legerentur, tùm an id vetare potuerit ac debuerit.

Quod ad primam quæstionem attinet de facto. Jam primum omnium dicit in catholicis extitisse præcellentes ingenio & pietate viros, qui senserint Ecclesiam nè sacræ litteræ perperam explicarentur potiùs quàm ne legerentur cavisse, atqui certo certius præstantes illi viri Genevensis ac Batavicæ Ecclesiæ contagione minimè infecti erant.

Deindè subjicit fateri se cum iis eo potissimum spectare Ecclesiam, ut impediatur quominus Scripturæ Sacræ sensus affingatur alius à Spiritus sancti sensu. Ergo sublato semel indocilitatis metu tolletur etiam hæc ratio.

Postremò dicit Bibliorum vernaculo sermone redditorum lectionem fuisse à summis Pontificibus Pio I V. Sixto V. & Clemente VII I. prohibitam. At verò, pergit idem Cardinalis, dico non eam fuisse illorum Pontificum men-

tem ut sacros libros quibuscumque hominibus interdicerent sed aliquibus duntaxat, quos satis apertè, designat ipsa prohibitio, idque ad certum tempus quod postmodum probat ex regulis Romani Indicis.

Porro etsi ejusmodi leges auctoritatem in Galliâ quandam obtinuissent, facilè deprehendemus abiisse jam illa tempora, nec esse cur timeatur ne similia mala obrepant, si modò Cardinalis eruditissimi mentem ac totam rationis vim perceperimus.

Enim verò, inquit, eodem prorsus modo Scripturæ Sacræ in vulgarem linguam translatae lectio prohibetur, quo librorum eorum qui controversiæ quæstiones continent, ut autem veterum controversiarum libris interdictum est hodie nemini, ita pariter, ubi semel extinctæ ac penitus compressæ fuerint hujusce ætatis hæreses nulli non licebit recentiorum controversiarum libros pertractare. Cum igitur eadem utriusque vetiti ratio sit, quemadmodum restincto semel hæreseon incendio, sua alteri inhibitioni vis non constabit ampliùs ne apud eos quidem qui illâ nunc obligantur, ita nec alteri.

Unde eruit. Illud igitur pro certo habendum est, nunquàm nequè ab Ecclesiâ, nequè à summis Pontificibus vetitam esse omninò sacrorum librorum lectionem vernaculè editorum: sed illam inhibitionem in certas duntaxat personas cadere tandiu duraturam, quandiu propter hæreses erit à pravis expositionibus aliisque ejusmodi malis metuendum.

Quod ad jus attinet. Contendit idem Cardinalis, meritò potuisse Ecclesiam Scripturæ Sacræ lectionem inhibere, ut temerariis privatorum hominum interpretationibus occurreretur.

Illud est expressum fideliter Richelii Cardinalis argumentum, quòd si ad hocce tempus revocetur, quo tempore fideles Ecclesiam libenter audiunt, nequè in id ullatenus propendere videntur ut Scripturam Sacram ad pravos usus detorqueant, probat primò, non jam esse ampliùs cùm interdicatur ejus lectio; deindè earum inhibitionum rationem nequè ab ætate nequè à sexu, nequè ab ingenio, nequè à conditione, nequè demum à capa-

citare fuisse petitam, sed à solo metu malorum, quæ invenire potuissent indocilitas ac temeritas hominum eorum qui hoc sibi jus arrogabant, ut Scripturas Sacras propriis ingenii sui luminibus explicarent.

Quartò facilè apprehenditur eo respicere secundam hanc propositionem ut generalem & majori parti fidelium observandam regulam præscribat ne Sacra Scriptura legatur. Forsan id expedierit turbidis illis ac calamitosis temporibus cum insanas plærorumquè hominum mentes pervicax arrogantia occupaverat summæ ignorantie sociata. Sacra Facultas Parisiensis hanc nobis luctuosam imaginem exhibet illius temporis qua Erasmi scripta condemnavit. *Rectè perpensâ multorum hujus temporis impudenti temeritate indignum facinus existimandum est quod idiotæ & simplices suo judicio sacras litteras legant in suam linguam conversas, & de illis disserant, aut disceptantes de earum difficultatibus tractent.* Ea res evicit ut rationem haberet numeri majoris. In re namquè ad salutem non necessariâ potius consulendum est multorum profectui ipsam interdicens, quam paucorum utilitati eam permittendo cum gravi multitudinis incommodo. Eadem erant utrique illi temporis offusæ tenebræ quo & Pius IV. regulas indicis promulgari, & easdem Typis rursus mandari Clemens VIII. jussit cum additis, Sixti V. Inciderat quoque Gallia in ejusmodi tempora plena caliginis ac periculi, quibus Gallicorum Bibliorum maxima pars erant hæreticorum operâ vel traducta vel vitiata, cum Narbonensis Synodus decretum istud instituit cap. 3. de libris vetitis. *Biblia vero sacra idiomate Gallico conscripta, legere aut domi retinere nemini liceat, nisi ab Episcopo, aut ejus Vicario generali expressâ in scriptis obtentâ licentiâ, quam non concedent nisi iisdem visis, lectis & approbatis, ne venenum ab hæreticis sparsum in permultis versionibus, leviter serpens animas alioquin pias inficiat.* Ubi observare est nihil aliud ab Episcopo aut Vicario ipsius Generali cautionis requirere Concilium in permittendâ Bibliorum vulgari idiomate expressorum lectione, quàm ut ea legant, examinent, videantque, nùm ab hæreticis adulterata aut infecta non sint. Celebratum est illud Concilium anno 1609. quò tem-

pore multum grassabatur hæresis magnaque in Galliis ac præsertim in Narbonensi gratiâ & autoritate pollebat. Abierunt calamitosa illa tempora, sic existimamus omnino curâ, si unquam alias providendum esse ut intelligant, tum antiqui fideles, tum recens ad fidem conversi argumento fuisse cur Scriptura Sacra Gallico sermone donata prohiberetur, non ipsam Scripturam Sacram, sed pravam hominis dispositionem, atque adeo sic statui oportere, videlicet votis expetendum esse omnibus, ut à fidelibus l'etitetur, subtrahaturque dumtaxat iis, qui nè illâ abutantur, legitimam suspicionem incurrunt. Hanc Cardinalis Richelius regulam stabiliebat in ipso ferventis maximè hæreseos æstu. *Scripturam Sacram vulgari linguâ exscriptam interdiciamus nonnullis qui eâ abuti possent, permitimus autem iis, qui fructus inde aliquos percipere poterunt.* Lib. de præcip. art. cap. 4.

Eandem omnino viam iniit author libri cui titulus est (*Reflexions sur la Religion*) ad secundum monitum Domini Leibniz sapienterque rationem subiecit diversæ hac in re Ecclesiæ consuetudinis, quæ ultimo desinente & hoc ineunte sæculo, pluribus saltem in locis, Scripturæ Sacræ lectionem vulgò interdixit, his autem posterioribus annis benè multa novi Testamenti exemplaria, aliosque è Sacris Bibliis Libros in Gallicum sermonem translatos circumferri iussit manibusque omnium, ac præsertim eorum, qui ab errore nupèr resipuerant, permisit. *At enim perperam est populo sacrorum codicum lectio interdicta, ea est protestantium objectio, cui respondet laudatus author, ut evincat non ansam inde accipere eos debuisse se se ab Ecclesiâ Catholicâ segregandi. Reponet ad ea Cardinalis du Perron illâ re nihil aliud agi quam subtrahi agro panem, eidem cum malignæ febris æstus deferbuerit restitucndum: expectate aliquandiu non semper valebit ea quæ ad disciplinam non ad doctrinam pertinebat prohibitio. Erit aliquando, & jam affulget, illud tempus cum sacri libri in manibus omnium versabuntur, ejus libri author est Dominus Pelissonius cujus omnia ad religionem pertinentia opera plurimi præfules inter approbandum ejus de Eucharistiâ tractatum insertis obiter laudibus commendaverunt.*

Consuli potest Cardinalis du Perron ab autore laudato citatus, in responsione ad magnæ Britanniae Regem lib. 6. c. 4. 5. & 6. ibi si minus eadem omnino verba quibus utitur dictus author, at certè sensum ac fundamentum reperire est illius responsionis, nimirum Scripturæ Sacræ prohibitionem ad disciplinam pertinere, quæ pro varia temporum ac locorum ratione varia esse potest.

Ut profligetur ea quam hîc expendimus propositio, satis est si legatur quinti capitis initium. *Quas adhibuerunt sancti Patres, ut auditores suos ad Scripturæ Sacræ lectionem nonnunquàm hortarentur, nonnunquàm contra conquererentur legi eam universalius, erant illæ ex locis ac temporibus suspensæ occasionēs; quæ proindè cum sint varietati temporum, ac locorum obnoxia, quæ sors est, probabilium & vagarum propositionum, oppositiones pati possunt & contrariis sibi invicem cohortationibus locum dare, illasâ singularum veritate.*

Eâ utitur Cardinalis du Perron temporum ac locorum differentiâ, ut PP. Chrysostomum & Hieronymum in concordiam revocet, quorum ille ad Scripturæ Sacræ lectionem fideles instigat, hic conqueritur quod eam omnes promiscuè legerent, illudque sibi arrogarent, ut eam intelligerent ac interpretarentur. Ita locutum esse Chrysostomum ait, ut Paganos Christianam religionem nuper amplexos à lectione profanorum Philosophorum ad Scripturam Sacram avocaret, atquè ita provideret nè rursus ad Paganismum devolverentur. Ad extremum concludit, cum mutata temporum ratio sit B. Hyeronimi conquestiones Chrysostomi cohortationibus esse nunc utiliores.

Ex adducto in ipso capitis illius limine principio sequitur perperam fuisse ab autore propositionis condemnatam sententiam eam quâ omnes ad Scripturæ Sacræ lectionem impelluntur cum illa sententia, & quæ ei opponitur æquè possint in medium proferri illasâ utriusque veritate.

Jam verò revocatâ ad hoccè tempus quam idem Cardinalis ex principio suo eruit, conclusione, erit alio prorsus modo loquendum ac ille suo tempore loqueba-

tur. Neque enim, si expedire Chrysostomo visum est, ut Sacras Scripturas legerent ii qui ab Ethnicâ superstitione nupèr emerferant, minori nunc studio incumbendum nobis est ut recens conversi ab hæreticorum Bibliorum lectione ad catholicas eorumdem versiones animum advertant. Sic ergo habendum est, B. Hyeronimi conquestionibus utiliores esse hac tempestate B. Chrysostomi cohortationes: aut potius præcipienda cum Chrysostomo Sacræ Scripturæ lectio, conquerendum autem unâ cum Hyeronimo de illis qui tametsi rudes sint & imperiti, id tamen quasi pro suo sibi jure vindicant ut scripturam sacram doceant atque interpretentur. Ea res B. Hyeronimi conquestioni locum dedit in Epistolâ 103. ad Paulinum (quem locum citat Cardinalis du Perron. *Solu Scripturarum ars quam sibi omnes passim vindicant . . . Hanc garrula anus, hanc delirus senex, hanc sophista verbosus, hanc universi præsumunt, lacerant, docent antequam discant, alii adducto supercilio grandia verba trutinantes, inter mulierculas de sacris litteris philosophantur, alii discunt, præh pudor à sœminis quod viros doceant, & ne parum hoc sit quadam facilitate verborum, imò audaciâ edisserunt aliis quod ipsi non intelligunt.*

Quinto Scripturam Sacram in universum propositio nominat ejusque lectionem prohibet, nè exceptis quidem locis ac libris quibusdam quæ manibus omnium credi possunt.

Profecto non satis attendit author propositionis in quos homines recideret atrox quæ ibi conflatur accusatio. Si enim qui Scripturam Sacram manibus omnium permittunt, ii Genevensis ac Batavicæ Ecclesiæ instinctu aguntur, hunc ergo instinctum secuti sunt plurimi præfules qui varios scripturæ libros maximè verò Psalmorum ac novi Testamenti in Gallicum sermonem conversos non probaverunt modò sed etiam omnibus Dioeceseon suarum fidelibus legendos proposuerunt ac mandaverunt. Illustrissimus D. de Perefixe Archiepiscopus Parisiensis, vir propositionis authori haudquaquam suspectus ità loquitur in permittendâ novi Testamenti à Patre Amelote translati editione, cum notis ejusdem Gallicis

& Latinis. *Non dubitantes quin ejus lectio futura sit omnibus quos regimini nostro Deus subjecit, utilis ac per jucunda si modo ad eam humili ac demisso animo accesserint.* Quæ quidem verba exscripsimus, eo libentiùs quòd præterea quàm novum Testamentum, quæ pars est Scripturæ Sacræ non minima, quorumvis hominum manibus permittant, *omnibus quos regimini nostro Deus subjecit, in id etiàm consentiant, quod jam est supra observatum, in permittendâ fidelibus sacrorum codicum lectione nihil aliud caveri oportere nisi ut eos demisso ac obsequenti animo legant.*

Ex his omnibus eruitur propositionem illam secundam immodicis, & ultra legem tendentibus verbis exprimi, censuram injustam continere, esse falsam atque ejusmodi ut Ecclesiam Catholicam in suspicionem ac invidiam adducere possit.

III. PROPOSITIO.

Concilium Tridentinum certas leges ac regulas fixit; easque authenticas & ab Ecclesiâ universâ receptas quibus Scripturæ Sacræ lectio in vernaculum sermonem translata prohibetur.

TERTIA Propositio manifestè falsa est, imponit Sacrosanctæ Synodo Tridentinæ, ejusque nomine & autoritate abutitur ut fideles ab eâ lectione avocet quæ omnibus saluberrima, nonnullis etiam necessaria esse potest.

Inter ipsos hæreticos unus fortasse Chemnitius reperiatur qui id Concilio Tridentino tribuerit quod ipsi in propositione affingitur: qui tamen Chemnitius modestiùs multò locutus est, nequè unquàm contendit Concilium certas regulas ac leges fixisse, &c. Ad decret. 2. sess. 4. *Obliquè igitur, inquit. quòd aliàs apertè faciunt, damnant, si in alias vernaculas & populares linguas scriptura transferatur.* Verum jam pridem Cardinalis Bellarminus eum hâc in re mendacii ac impudentiæ coarguit. *De verbo Dei lib. 2. cap. 15. Impudenter mentitur.*

Non patet qui Concilii locus occasionem huic propositioni dare potuerit. Sola 4 & 5. sessio decret. de reformatione regulas quasdam continent ad auctoritatem, libros, editiones, interpretationes & usum Sacrae Scripturae pertinentes. Ex illis regulis aliae sunt unanimi Ecclesiae totius consensu receptae, quae vel ad fidem spectant qualis est auctoritas & numerus librorum Scripturae Sacrae, vel ad generalem quamdam disciplinam, qualis est editionis vulgatae praeter ceteris usus, vel ad meliorem morum institutionem qualis est ea regula, quam prohibetur ne quis Scripturae Sacrae verba ad profanos usus usurpet: Aliae ex istis regulis admissae non fuerunt quae proinde vim in omnibus catholicis regnis non obtinent: talis est ea, quam vetatur ne ullus liber, *de rebus sacris*, in lucem prodire possit quin auctoris nomen praeferat & ab Ordinario prius fuerit lectus atque approbatus. Quae res dubio procul in Galliâ nostrâ non observatur. Verum invenire est omnino nullam quae Scripturae Sacrae lectionem in vulgarem linguam conversae prohibeat; quod ut evidenter pateat satis sit sessionis decreta legere.

Concilii quidem Patribus venerat in mentem ut agerent de vulgari scripturae Sacrae lectione. Quaestionem eam pertractavere in duobus ante sessionem quartam eo fine habitis comitiis ut. promulganda in eadem sessione decreta praepararentur. Die 17. Martii an. 1546. Cardinalis Paceus inter varios quibus erat eundem obviam erga Scripturas Sacras abusus id etiam annumerare voluit quod in vernaculam linguam transferrentur omnibusque vulgò ad legendum proponerentur. Hanc sententiam suam ut confirmaret suggessit hæc duo fuisse in Hispaniâ Paulo secundo comprobante prohibita. At eum quam citò, tam acriter refellit Cardinalis Madrucus qui non admonuit modò prohibitioni ejusmodi malè omnino in Germaniâ successurum sed etiam addidit Paulum secundum & alium quemvis Pontificem falli potuisse in eâ re utili judicandâ, quae revera talis non sit, Paulum autem Apostolum non potuisse cum hortaretur fideles ut semper in ore haberent verbum Dei quod in Scripturis Sacris continetur. *Cumque Paceus objiceret id fuisse in Hispaniâ interdictum,*

etiam Paulo secundo comprobante respondit Madruccius Paulum II. & alium quemcumque Pontificem in judicandâ lege conducibili vel non conducibili, falli potuisse, non vero Paulum Apostolum in adducto jam documento. Palavic. lib. 6. cap. 12. n. 5.

Nihil fuit in congregatione, super ea duorum Cardinalium litè decisum. Qui id narrat Cardinalis Palavicinus, subjungit pluribus non arrisisse allatas à Madruccio rationes. Notandum tamèn est eos ipsos qui tùm argumentis illius non cesserunt, se se intrâ præscriptos à Facultate Parisiensi super eâ re limites continuïsse; nihil enim quidquam dixerunt, nisi, ratione præsentis temporis habitâ, non expedire ut omnes saltem Bibliorum partes in vulgarem linguam conversæ manibus omnium committerentur. *Non tamen idcirco permittendum eâ tempestate, ut per linguas populares in plebem effluent saltem omnes Bibliorum partes: in earum quibusdam reperiri &c. Palav. lib. 5. cap. 12. n. 5.*

Eadem adhuc, in Congregatione habitâ die 13. Aprilis, & quidèm fusiùs redintegrata controversia est. Quòd autèm in eâ Congregatione efflagitaverint multi ut decretum quoddam à Concilio fieret quo Scripturam Sacram juberet in vulgarem sermonem converti, id argumento est paucos omninò à Cardinali Paceco stetitisse, neque majorem fuisse numerum eorum quibus Madruccii rationes non arrisisse narrat Palavicinus. *Valdè discussum fuit ab enixè petentibus, atquè ut à Sanctâ Synodo decretum fieri deberet multis rationibus contendentibus, nè præsertim qui linguam Latinam ignorant lectione Sacrarum Scripturarum caverent. In actis Con. Trid. apud Rainaldum an. 1546. n. 42.*

Nihil quidquam huic petitioni, ut nec oppositæ Paceci commonitioni datum est. Ea tùm conclusio fuit ut ne quid in alterutram partem diceretur. Devoluta res est ad sententiam Præsidum Concilii qui primum existimaverant non debere proponi quæstionem illam, sed suum cuique nationi usum, suam libertatem id amplectendi quod vel necessarium vel utile judicaret, esse relinquendam.

Supponunt quidèm illi Concilii Præsides ut & Card.

nalis Pacecus ejusmodi versiones in Galliis interdictas. Sèd ea prohibitio nòn alia est à censurâ Sacræ Facultatis Parisiensis suprâ memoratâ. Præterea verò , quòd tunc temporis prohiberi debebat , id hodiè permittè oportere deinceps judicatum est , & ut postmodum declarabitur statutum est ab universo Ecclesiæ Gallicanæ Clero ut Biblia omnia in Gallicum sermonem verterentur.

Multæ pòst celebratum Concilium prodire sacrorum librorum editiones , tùm in Gallicam tùm in alias etiàm linguas converforum non ab hominibus modò privatis sed ab illustri celeberrimorum Theologorum cœtu , vel Episcoporum auspiciis atquè autoritate. Theologi Lovanienfes sub finem ultimi sæculi in Gallicum sermonem Biblia universa traduxerunt. Clerus Gallicanus in comitiis anno 1655. celebratis jussit Gallicè reddi scripturam sacram universam : cujus decreti vi electus unus è multis Pater Amelotte qui hanc quam præ manibus habemus novi Testamenti interpretationem adornaret. Ejusdem decreti mentionem facit in litteris ad permittendam novi Testamenti editionem concessis Rex Christianissimus , eâ de re certior factus à D. de Marca Tolosensi Archiepiscopo & D. de Bertier Episcopo Montalbanensi quibus illa cura demandata fuerat ut qui huic versioni operam navaret , investigarent. Leguntur etiàm Dom. Bituricensis Archiepiscopi comitiorum illorum Secretarii , necnon & Episcopi Montis Albanensis Præsidium unius, testificationes. Ii ne tandem esse dicentur illi Præsules ac Theologi qui leges ac regulas Concilii Tridentini authenticas infregerint ? Quod si contigerit quasdam profcribi Bibliorum versiones , eam v. g. quæ fuerat à Renato Benoist instructam , de hâc quidè conceptis verbis affirmat Cardinalis Duperon non ideò fuisse Magistro Renato Benoist litem intentatam quod Biblia vertisset , sed. *Quod Genevenses eorum interpretationem edidisset quam quidè ritè correctam à se existimans , innumeris tamèn mendis scatentem reliquerat quæ menda ab Illust. Archiepiscopo Parisiensi & à Sorbonâ detecta ac condemnata sunt.* Respon. lib. 6. cap. 8.

Fortasse Author propositionis pro editis in Concilio

decretis habuit Pii IV. & Clementis VIII. regulas quæ librorum vetitorum indici præfiguntur & vulgò extant ad Calcem Concilii.

Si ad illas regulas attendit dupliciter hallucinatus est. 1. quod eas Concilio Tridentino tribuerit habueritque pro legibus authenticis & ab Ecclesiâ universâ receptis : Quamvis constet illas in Galliis legum loco non esse, ibique nullatenus observari plurima eorum quæ in illis regulis præscribuntur. 2. Quod in iis animadvertere se crediderit scripturæ sacræ in vernaculam linguam translatæ prohibitionem, quàmvis earum regularum quarta illius lectionem concedat saltèm iis qui hanc ab ordinario veniam acceperint. Id in causâ fuit cur Cardinalis Bellarminus Chemnitium mendacii arguerit qui propositionem ab hâc non ita dissimilem emiserat. Imò verò in tertium quemdam errorem offendit prohibitionem illam latius & ultra legem extendendo, quandoquidem constat, ut evincit Cardinalis Richelius, nunquam neque ab Ecclesiâ, neque à Summis Pontificibus prohibitam esse omninò Bibliorum lectionem in vulgarem linguam converforum, sed eam prohibitionem ad certas duntaxat personas pertinere, tandiù duraturam quantiù propter hæreses erit à pravis expositionibus aliisque ejusmodi malis metuendum.

IV. PROPOSITIO.

Digna est ea cogitatio quæ vituperio & risu excipiat si quis dicat omnibus aque fidelibus ab Ecclesiâ proponi cohortationes Sanctorum Patrum quæ in Divinis Officiis leguntur : illam v. g. B. Chrysostomi concionem quæ legitur in secundo Nocturno secunda post Epiphaniam Dominica, quandoquidem Officium Nocturnum in quo leguntur ad solos Ecclesiasticos homines pertinet solique illi ejusmodi rebus imbui tenentur.

QUARTA propositio periculosa est, Ecclesiæ menti contraria, ea demùm quæ fideles tum à debitâ Sanctorum Patrum cohortationibus veneratione, tum à

fideles usque perveniant ministerio saltem Ecclesiasticorum, quibus ad legendum proponuntur, quid oro veriùs proferri potest? Constat enim hanc esse quadamtenus Ecclesiæ mentem in injungenda Clericis Officii recitandi necessitate ut habeant tum in ore, tum in corde unde creditos sibi fideles erudiant. *Ut Religionis futuri Magistri... potentes sint exhortari in doctrinâ sanâ*, ut loquitur Cardinalis Quignonius in Breviarii sui præfatione. Non potest sine temeritatis nota contrarium affirmari; nec vero procul abest ab impudentiâ propositionis author qui vocibus fastidium & arrogantiam omnino redolentibus sententiam, tam veram, tam piam dignam esse dicat quæ risu & vituperio excipiat.

2. Indè petitur illius propositionis ratio: quod officium Nocturnum ad solos Ecclesiasticos pertineat solique illi ejusmodi rebus imbui teneantur. Quâ in re palam ab Ecclesiæ mente recedit. Solis quidem Ecclesiasticis munus incumbit ejus Officii recitandi: sed cum id intendit Ecclesia ut quod in eo illi didicerint, cæteros postea fideles edoceant, tum optat vehementissimè ut Laici in eadem cum clero preces conspirent, iisdemque institutionibus erudiantur. Non desunt etiamnum è plebe qui Breviario perfungantur, non desunt qui Officio Nocturno præsertim diebus Festis & Dominicis adsint. Morem illi gerant Concilio Maticonnensi anno 585. quod quidem id à fidelibus ad sanctiorem Dominicæ celebrationem postulabat. *Noctem quoque ipsam quæ nos insperatae luci in accessibili reddidit, spiritualibus exigamus excubiis; nec dormiamus in eâ, quemadmodum dormitant qui nomine tenus christiani esse noscuntur, sed oremus & vigilemus operibus sacris, ut digni habeamur in regno heredes fieri Salvatoris.* can. 1. Et verò non alios olim ad orandum præter Ecclesiasticorum libros fidelibus Ecclesia distribuebat ut probat Illustrissimus Harlæus Archiepiscopus Parisiensis in mandato editioni illius libri præfixo quem ad usum Laicorum excudi jussit; hinc etiam hac ætate nostrâ, qui sint pietati fidelium tam laudandæ adjumento, libros ejusmodi ad usum Laicorum vulgandos Ecclesia studiòse curat quibus Officium Nocturnum æquè ac diurnum omne, si

solemn'a festa sint, si minus pars saltem ejusdem Officii non mediocris continetur.

Præterea non apparet quid rei sit cur illius propositionis artifici venerit in mentem Nocturnum Officium à diurno, aut etiam à Sacra Missâ secernere. Enimverò si res ad calculos revocetur, non major Laicis necessitas inest eas præles ac lectiones cognoscendi quæ in Officio diurno fiunt quam quæ in Nocturno cum plærique illi sensum ac cognitionem assequi ex se non possint earum rerum que palam quidem & apertè insolenti tamen & sibi minime notâ linguâ proponuntur quemadmodum igitur illæ tùm preces, tùm lectiones quæ in Missa v. g. fiunt ad fideles usque pertinent qui si minùs eas intelligere ipsi, à Pastoribus tamen quibus id muneris incumbit, ut habet Conc. Trid. *Seff. 22. cap. 8.* edoceri possunt, ita neque est cur fideles ab iis precibus & lectionibus excludantur quæ in Officio Nocturno fiunt, etsi enim earum cognitionem assequi ex se nequeant utpote qui vel absint vel non intelligant, tamen illarum sensum & interpretationem accipere possunt à Pastoribus quos ideo erudit Ecclesia, ut quod ipsi didicerint in fideles postmodum refundant.

Hinc est quod Illustrissimus Archiepiscopus Parisiensis in novo Rituali libro parochis magno studio præcipiat ut si quando diebus Dominicis concionem ad populum in pronao non habeant, ejus loco Gallicè legant non Evangelium modo illius diei sed & Homiliam in id Evangelium intra Nocturni Officii celebrationem lectam, diebus vero solemnioribus etiàm secundi Nocturni Gallicè redditas lectiones adjiciant. Id diu ante fuerat à Concilio Turonensi tertio constitutum an. 313. Imperante Carolo Magno. *Visum est unanimitati nostræ ut quilibet Episcopus habeat homilias continentes necessarias admonitiones quibus subjecti erudiantur, id est de fide catholica . . . &c. & ut easdem homilias quisque apertè transferre studeat in rusticam Romanam linguam, aut Theotiscam quo faciliùs cuncti possint intelligere quæ dicuntur.* Can. 17. quæ verba Benedictus Levita sic accipit quasi ad homilias sanctorum Patrum quæ in Officio leguntur, respiciant.

Ex his quæ superius dicta sunt facile est tertiam propositionis partem enucleare in qua dicitur non omnibus fidelibus promiscuè sed solis Ecclesiasticis proponi eam B. Chrysostomi cohortationem quæ legitur in secundo Nocturno alterius post Epiphaniam Dominicæ. Ibi ille fideles omnes alloquitur, adeoque fidelibus etiam omnibus ea verba ab Ecclesia proponuntur. Quæ responsio vel in iis locis vim obtinet in quibus propter regulas indicis observandas non sine singulari quodam privilegio legi potest Scriptura Sacra in vernaculam linguam conversa. Ut enim, tametsi nescia non sit Ecclesia paucis omnino permittendum esse ut ad sacram mensam quotidie accedant, tamen innuit nihil sibi quidquam ita in votis esse quam ut id fiat, ita pariter etsi judicaret quibusdam tantum hominibus concedendam esse Scripturæ Sacræ lectionem ad eam tamen fideles omnes nihilominus hortaretur. Cujus rei aperta ratio est. Nimirum cum ea lectio, ut & Sacra Eucharistia, per se sit utilis nec cuiquam subducatur nisi qui ut par est affectus non fuerit, generalibus ejusmodi cohortationibus id efficitur ut & ad eam impellantur ii qui jam ritè affecti sunt, & reliqui admonentur enitendum sibi omni curâ esse ut ab animo ac corde suo pervicaciam superbiam & alia id genus mala quæ sunt Scripturæ Sacræ, lectioni obstaculo eamque noxiam efficiunt, quam primum evellant.

V. PROPOSITIO.

Quantumvis antiqui Doctores Scripturæ Sacræ lectionem omnibus commendassent, eam tamen nostris temporibus non commendarent. Si facerent, quod quisquis in mentem induxerit gravem ipsis injuriam faciat ac rebellionis in Ecclesiam insimulet, illos audire non deberent, quidquid est veri nominis Catholicorum.

QUINTA Propositio ex illarum numero est quæ male sonant & religiosas aures vulnerant. *Male sonans, piarum aurium offensiva.* Temeraria est, a debita Sanctis

Patribus veneratione declinat, traditionis vim atque auctoritatem quantum in se est debilitat ac frangit, ad extremum sine ulla veri specie affirmat. *Rebelle in Ecclesiam animo esse oportere quicumque Scriptura Sacra lectionem omnibus universè commendant.*

Si unum aut alterum dumtaxat Ecclesiæ Doctorem nominasset ille Author, mitius aliquantò & tolerabilius statueret in ea illos fuisse opinione cui adherere non oporteat, utpotè quæ sit ab Ecclesiæ mente aliena. Sancti Patres labi in errorem singuli potuerunt, neque ullatenus revocari potest in dubium quin possit Ecclesia pronuntiare, imò quin aliquando pronuntiaverit contra privatam quorundam Patrum sententiam; at enim de antiquis omnino Doctoribus sermonem habere, distrahere, atque opponere ex adverso hinc quidem Sanctos Patres, illinc auctoritatem Ecclesiæ quasi quæ ab eorum Doctrina deflexerit & aliquid decreverit ipsi contrarium, id verò pias aures graviter offendit, debitam Sanctis Patribus ac traditioni venerationem subvertit, imò ipsi Ecclesiæ injuriâ facit quæ traditionem ab unanimi veterum Patrum consensu repetens, sua inde decreta suasque conclusiones eruit. Ecclesiâ Patrum antiquorum doctrinæ contrarium aliquid vel decrevisse vel jussisse nusquam reperietur. Quibus autem non fecerint satis quæ Melchior Canus de Locis Theol. L. 3. Bellarminus de verbo Dei lib. 4. ac cæteri Theologi de vi atque auctoritate, unanimi Ss. Patrum consensui insitâ, docuerunt, adeant illi Augustinum lib. 2. contra Julianum cap. 10. & lib. 4. alterius in eundem Julianum operis. n. 112. Vincentium Lirinensem, postremo Concilium Tridentinum Sess. 4. Decret. 11.

Ex iis quæ in secundam propositionem observata sunt æstimari potest quam falso hîc asseratur *Rebelle in Ecclesiam animo esse oportere quicumque Scriptura Sacra lectionem universè commendant.* Adjici præterea possunt quæ in præcedentem propositionem congesta sunt, ubi dilucidè probatum est Ecclesiam æque ac Sanctos Patres Scripturæ Sacræ lectionem omnibus universim præcipere cum easdem atque illi cohortationes usurpet.

VI. PROPOSITIO.

Dubitari non potest quin fidelibus multò utilius esset, si remissa ad Theologos, Concionatores, Pastores, Rectores, Confessarios, & Professores, Legendorum Biblicorum Curâ ipsis aliorum piorum librorum lectio proponeretur.

SEXTA Propositio falsa est atque eo magis temeraria quo maiorem præ se fert confidentiam: injuriam facit sancto Dei verbo quod in Sacris Bibliis continetur, postremò Ecclesiæ menti ac consuetudini, Sanctis Canonibus atque ipsius Concilii Tridentini decretis repugnat omnino ac refragatur.

Hæ notæ omnes in illam propositionem vel ideo congruunt, quod inter eos quibus remittendam esse ait Legendorum Biblicorum curam Clericos ac Religiosos, non annumeret illos Saltem qui Sacris sunt ordinibus initiati, quibus legendam quotidie Scripturam Sacram Ecclesia hoc ipso proponit quod necessitatem ipsis injungat Divini Officii recitandi quo pars Sacrorum Librorum non minima continetur, quibus etiam sancti Canones ac præcipuè Concilium Tridentinum *Sess. 5. de Refor. cap. 1.* tam diligenter præcipit ut illam non legant modo, sed etiam discant ac studeant. In illis autem Clericis ac Religiosis reperiri permultos qui neque Theologi sint, neque Concionatores, neque Pastores, neque Rectores, neque Confessarii, neque Professores nemo est quin fateatur.

Præterea verò falsa quoque & periculosa evadit ea propositio si attendas ad fideles bene multos qui nec Clerici sunt, nèc Religiosi. Est Scripturarum Sacrarum lectio utilissima omnibus qui eas ut decet, hoc est pio, humili, ac submisso animo legunt. Quod si qui eas ita legunt, libros etiam pios non sine fructu legere potuerint, non idèò illas horum causâ deponere debent, nec librum quemvis alium divino illi volumini anteferre.

Quæ hic instituitur pios libros inter & Sacram Scripturam comparatio, odiosa est & a debita divinis oraculis

veneratione aliena ; nunquam est Scriptura Sacra cum ullo alio libro conferenda quin longè omnes antecellere ostendatur : Aut potiùs omni comparatione major æstimanda est. Ut August. Epist. 82. Jam , cum Sacra Scriptura per se sit & sanctior multò & veracior & ad excitandos pios cordis affectus aptior quam quivis alius liber dubium nullum esse potest quin per se quoquè ejus lectio sit cujuslibet alterius libri lectione utilior quapropter cum de Scriptura Sacrà sermo sit universim non adjectâ restrictione quam invehere potest prava legentium dispositio anteponenda semper Scripturæ Sacræ lectio est & præter alios quoscumque libros præcipienda.

Sed nec prætermitti debet Authorem Propositionis dùm omnibus omninò fidelibus Scripturas Sacras subtrahendas esse affirmat , ut in sola piorum librorum lectione commorentur , eo illos adducere ut è manibus etiam excutiant , Psalmos , Evangelia aliosque Sacrorum Bibliorum libros qui nullo negotio in omnium manibus deponi possunt quorumve innumera prope his temporibus per omnes regni totius urbes exemplaria vulgari , tùm diligens Episcoporum cura , tùm profusa Christianissimi Regis liberalitas providerunt.

Tandem non abs re erit hic addidisse merito timeri ne ab simili quodam opinionis portento tot qui nunc regnant abusus, tot ineptiæ ac deliriâ promanarint. Enimverò quorum manibus Scriptura Sacra præcipiebatur iis ingens omnium librorum Farrago obtrusa est. Porro in hac tantâ librorum, ut vocant , piorum multitudine , si qui spuriam ac minùs solidam pietatem edocerent , eos illi, ut fit, legère avidiùs & majori in pretio habuerunt , sicque somnia ac nugæ incautas & divini verbi præsidio destitutas mentes occupaverunt.



VII. PROPOSITIO.

Nihil tùm ab Ecclesia mente , tùm ab ipso Pœnitentia Sacramento aque abhorret ac si queratur , revoceturque in dubium. possit ne ad illud plus semel in vitâ utiliter recurri , præsertim cum ad istam adeò suspectam quæstionem nonnisi verbulo uno defunctorio ac summis labris frigide emissio respondetur , posse , eaque extorta responsio postmodum destruitur , dùm palam docetur , hanc fuisse primis sæculis Ecclesia mentem ac consuetudinem , ut illâ potestate , saltem vulgò , plus semel in vitâ non uteretur erga eos homines qui essent in peccata quadam enormia revoluti.

UT tutius de septimâ illâ Propositione iudicium ferretur operæ pretium fuisset librum vel codices in eâ impetitos prius legere. Neque enim aliter de illo defunctorio & summis labris frigide emissio verbulo , judicari potest , nec declarari utrum ea , extorta responsio , postmodum destruat. Hæc tamen in universam propositionem , ut hic jacet , observari posse visa sunt.

1. Non licet in dubium revocare possitne plus semel in vitâ ad Pœnitentiæ Sacramentum utiliter recurri. Docet hoc fides , de iis autem quæ fides docet dubitare nefas est. Verùm potest de illa re quæstio institui , etsi nullatenus revocetur in dubium , nequè verò id ab Ecclesiæ mente aut ab ipso Pœnitentiæ Sacramento abhorret , modò ad quæstionem respondeatur , ita esse. De præcipuis Religionis Christianæ capitibus , ac fundamentis Theologi quotidie quæstionem instituunt , non ut ea quidem revocentur in dubium sed ut probentur & majori in luce ponantur.

2. Ubi semel ad eam quæstionem responsum est ita esse , Salva super eâ re fides evadit. Si quis autem post apertam adeò & ab omnibus ambagibus remotam assertionem diceret imprudentius non usam esse primis Sæculis Ecclesiam concessâ sibi potestate , plus semel per Pœnitentiæ Sacramentum peccata remittendi , is in dogmate non pec-

caret sed dumtaxat erraret in facto. Eset quidem crassus ille & periculosus error si de peccatis publicæ Pænitentiae non obnoxiiis sermo fieret saltem si non adjiceretur multis jam à sæculis ea potestate sapienter ac consideratè Ecclesiam uti.

3. Censent vulgò Theologi primis Ecclesiæ temporibus id in more positum fuisse ut qui semel publicam pænitentiam decurrissent ii rursus ad eam non admitterentur quidem, sed absolutionem nihilominus à peccatis suis, saltem in extremo vitæ articulo obtinerent, modò comparato ut par est ad eam recipiendam animo essent. Verumtamen plures contra Theologi contendunt nullatenus ne privatè quidem ad Pænitentiae Sacramentum fuisse admissos qui pænitentiae publicæ stadium emensi essent, si in eadem crimina relaberentur. Nituntur illi Theologi cap. 8. libri à Tertulliano conscripti de pænitiâ, & Augustini responsione in Epistola CLIII. ad Macedonium, Falluntur illi forsan opinione sua: cæterum nemo eos in illo errore versari dixerit quem propositionis author exprobat ei qui non diversam ab illis Theologis opinionem tenet.

VIII. PROPOSITIO.

Pænitentia & Eucharistia Sacramenta funditus eruant qui absolutionem differunt & à communione remonent eos homines qui veniales tantum maculas contraxerunt.

OCTAVA Propositio falsa est, erronea, Ecclesiæ disciplinae sanctisque regulis omninò contraria. Est ejusmodi ut animarum teporem alat ac foveat. Eâ doctrinâ imbuti fideles in desidiam & incuriam sui facilè concedent, seque ad Pænitentiae & Eucharistiae Sacramentum, ut decet, comparare, non admodum enitentur.

Non exaggerabitur hîc Prolixius temeritas authoris qui sit tam audax & injustus ut eo usu deleri Pœnitentiae & Eucharistiae Sacramentum affirmet qui usus, ut modò patebit, illorum Sacramentorum institutioni, menti

Christi & regulis Ecclesiæ sanctissimis est omninò consentaneus. Ostendetur tantummodò probandum id & usurpandum esse maximè quod ille author tam impudenter condemnat.

Quod ad Pœnitentiæ Sacramentum attinet, non id quidem in præsentiæ fuscipitur ut expendatur diligentius quale & quam grave peccatum admittat qui venialem culpam sine illius dolore deponit, sed illud pro certo haberi debet teneri Sacerdotem ad denegandam vel differendam absolutionem si quis venialia tantum peccata confessus de iis dolere, ut par est, non videatur. Id verò in ipsa Pœnitentiæ Sacramenti naturâ radices habet. Non valet illud Sacramentum ubi quispiam desideratur è tribus actibus qui sunt ejus veluti materia. *Con. Trid. sess. 14. Can. 4. Contritio, Confessio, & Satisfactio.* Illudque verum est non modò cum mortalia, sed etiam cum venialia eò peccata deferuntur. Porro cum animadvertitur vitio & culpâ recipientis invalidum fieri Sacramentum, illud nihilominus recipere vel administrare velle idem est ac eo abuti, quod quidem sacrilegium nè in se fuscipiant qui de suâ pœnitentium salute solliciti sunt confessori, absolutionem non impertiuntur iis in quibus nullum doloris signum deprehendunt; id autem contingit plerumque in iis qui veniales tantum culpas admiserunt, & quidem frequentius fortassè multò quam in iis qui letalia peccata accusant. Juxta illud vulgatum Chrisostomi effatum homil. 87. *in Math. Hæc quia parva sunt desides reddunt & dum contemnuntur non potest ad expulsionem eorum animus generosè insurgere.*

Quòd spectat ad Eucharistiæ Sacramentum duo tantum hic observabuntur.

1. In permittendo fidelibus frequenti communionis usu nullam observari posse regulam tutiorem eâ quæ à B. Francisco Salesio traditur, ad communionem unaquâque hebdomade percipiendam, *introd. lib. 11. cap. 20.* Ubi cum canone quotidie quem Gratianus Augustino attribuit. de consec. dist. 2. Et B. Bonaventuræ doctrinâ concinit. Vult autem hæc regula ut si quis non ab omni tantum peccati mortalis labe, sed etiam à quolibet venialium cul-

parum studio immunis. Porro frequentem Sacræ Synaxis usum non permittere iis qui cum puri sint Lethalium peccatorum, studio tamen culparum venialium aliquo tenentur irretiti, quid aliud est quam à communione illos *homines aliquandiu removere qui veniales tantum maculas contraxerunt.*

2. Non solum à B. Thomâ p. 3. q. 70. art. 10. in corp. sed & à Concilio Tridentino sess. 22. cap. 6. innuitur non expedire ut fideles omnes ad Sacram Eucharistiam quotidie accedant. Verumtamen constat multas esse sanctioris notæ animas quæ non sunt mortalis ullius peccati fordibus inquinatæ: ex ergo à communione removen-
tur propter peccata venialia, aut etiam propter levia quædam minus benè se habentis animæ vitia quæ ne peccata quidem sunt *Quia multoties in pluribus hominum multa impedimenta hujus devotionis occurrunt propter corporis indispositionem, vel animæ, non est utile omnibus hominibus quotidie ad hoc Sacramentum accedere.* S. Th. lib. cit.

His quasi cumulus accedat, decretorius hâc in re ejusdem S. Thomæ locus alter *Quia interdum absque mortali peccato actualis devotio impediri potest, cum distractiones variæ ipsam impediunt, peccata venialia virtutum actum tollant; absque peccato mortali potest effectus hujus Sacramenti impediri; ita quod aliquis augmentum gratiæ non consequatur; nec tamen reatum peccati mortalis incurret, sed fortè reatum peccati venialis ex hoc quod imparatus accedit in 4. dist. 12. art. 1. ad 3. ibi dicitur fore ut illi Sacramenti gratiam aut effectum non recipiant, imò esse cur timeatur ne se veniali peccato implicent, quo quid aliud agitur quam à communione removen-
tur ii homines qui veniales tantum maculas contraxerunt.* Idem legere est apud Suarem, Laimanum de Euch. cap. 4. q. 1. & alios.



IX. PROPOSITIO.

Pœnitentia Sacramentum abolent, innuuntque absolutionem qua in eo conceditur non esse nisi declaratoriam qui piis tum hominibus, tum mulieribus Sacram communionem permittunt non impertitâ prius absolutione.

NONA propositio falsa est eumque morem quam temerè tam immerito condemnat qui mos est admodum laudabilis & aliquoties usurpandus.

Usurpari quidem id debet ut, *piis tum hominibus, tum mulieribus sacra communio permittatur, non impertitâ prius absolutione* (si modo verâ sint pietate instructi, si ex religionis regulis vivant, sibi & moribus suis intenti semper ac erecti invigilent) tum cum quasdam tantum evagationes animi, negligentias, aliaque id genus leviora peccata confitentur, quæ vel involuntaria fuerunt, vel saltem voluntaria fuisse certò non sciunt : tunc enim nullam pœnitentiæ Sacramento materiam subjiciunt, aut si quæ sit, anceps admodum est & ambigua, nullo forsitan certò dolore, nullo firmo consilio cautius deinceps ac consideratius vivendi, comitata. Est ea quidem sapientium & eruditorum Confessariorum consuetudo ut Pœnitentem jubeant alicujus gravis peccati, jam antea declarati & remissi confessionem integrare, sed neque id omnes observandum sibi esse arbitrantur, præsertim cum eâ de re nihil quidquam Ecclesia præcipiat, præterea reperiri possunt animæ quædam quarum ne unum quidem in tota vitâ grave flagitium extiterit, nisi quod saltem multoties accusaverint : ita ut esset pertimescendum ne crebra illa & tandiu repetita ejusdem peccati confessio in consuetudinem abiret & jam sine ullo doloris sensu fieret. Si quis confessorius ad illas redactus angustias, communionem ei permittat cui prius absolutionem non impertierit, ideoque accusabitur ?

Cæterum temerè, & sine ullo fundamento proposi-

tionis Author atrocissimarum accusationum tela intorquet. Etiam si ille quem reprehendit ad communionem promoveret eos omnes qui venialia tantum peccata haberent non datâ prius absolutione, (qua in re profectò ab Ecclesiæ disciplinâ reguli que deflesteret) falso tamen & non nisi per calumniam is esse diceretur qui *Pœnitentiæ Sacramentum aboleret inuiceretque absolutionem quæ in eo conceditur non esse nisi declaratoriam* si quidem posset ille nihilominus Sacramenti Pœnitentiæ & absolutionis necessitatem agnoscere ad peccatorum Lethalium quæ sunt ejus certa materia remissionem. Jam, quanto iniquius in causâ tam dissimili eadem accusationis acerbitas usurpatur?

X. PROPOSITIO.

Qui dicunt inesse quidem in Sacerdote veram remittendorum peccatorum potestatem, sed tamen gratiam reconciliationis peccatoris cum Deo non hominis opera tribuendam, sed à Christi Redemptoris Sanguine proficisci, id illi furtim ac callidè insinuant quod adversus Catholicam Fidem Calvinistæ semper objecerunt, nimirum, si inesset in Sacerdote vera hominem Deo reconciliandi facultas, inde secuturum illam reconciliationem opus hominis fore non Christi Redemptoris Beneficium.

DE C I M A Propositio est apertè falsa, injusta, plena malignitatis & calumniarum.

Qui dicunt inesse quidem in Sacerdote veram remittendorum peccatorum potestatem, sed tamen gratiam reconciliationis peccatoris cum Deo non ab hominis operâ, sed à Christi Redemptoris Sanguine proficisci illi adeò non insinuant furtim ac callidè quod adversus Catholicam Fidem Calvinistæ semper objecerunt, ut è contrario Catholicæ Fidei articulum certis claris ac maximè orthodoxis vocibus enuntient. Penes solum fere ordinem discrepant illa quæ tam acriter in propositione reprehenduntur, ab his Sacro-sanctæ Synodi Tridentinæ Verbis *Quamvis absolutio Sacerdotis alieni sit beneficii dis-*

pensatio, tamen non est nudum ministerium . . . Sed ad instar actus judicialis, quo ab ipso, velut à iudice sententia pronuntiatur sess. 14. cap. 6. postrema Concilii verba significant, inesse in Sacerdote veram remittendorum peccatorum potestatem priora verò gratiam reconciliationis peccatoris cum Deo non ab hominis operâ, sed à Christi Redemptoris sanguine proficisci, alieni beneficii dispensatio.

Non satis patet quid sit tandem in illis vocibus quas tam acerbè carpit propositionis Author undè tantopere offendi potuerit, vel quâ sui parte ad errorem Calvinistarum accedant. Non favent procul dubio Calvinistis ea verba quibus asseritur *inesse in Sacerdote veram remittendorum peccatorum potestatem* latet ergo in altero propositionis membro venenum, & fortasse *Furtim ac callidè id insinuatur quod adversus Catholicam fidem, &c.* tamen nihil est Catholicæ Fidei & sanæ Doctrinæ regulis consonum magis quam illæ voces *reconciliationem peccatoris cum Deo non ab hominis operâ, sed à Christi Redemptoris sanguine proficisci*, id profitentur Catholici omnes ut vana ac futilia Calvinistarum objecta diluant: omnibus eadem fere verba Cardin. Bellarminus accommodat. Catholici . . . omnes uno ore clamant totam vim Sacramenti Pœnitentiæ, ut aliorum omnium Sacramentorum à merito obedientiæ passionis & satisfactionis Christi pendere . . . Porro vim Sacramentalem, quæ efficienter atque instrumentaliter concurrit ad remissionem peccatorum propriè ac præcipuè in verbò quod Sacerdos Dei nomine pronuntiat, dum absolvit, constituunt.



XI. PROPOSITIO.

Qui dicunt Sacerdotes nostros simplices tantum ministros esse meraque divina potentia instrumenta, qui ad instar actus judicialis declarant quod in Cœlis à Christo efficitur, ii opponuntur ex adverso Synodo Tridentina in quâ definitum est absolutionem non esse simplex ministerium declarandi peccata esse remissa.

UND ECIMA propositio in veritatem, charitatem & justitiam perindè peccat.

Enimvero peccat in veritatem, in charitatem & in justitiam qui authorem quempiam ejus erroris ac hæreseos insinuat quem errorem aut hæresim adeò ille non docet ut contrariam quoque opinionem palam profiteatur. Id autem ab authore propositionis fieri nemo est quin videat. Contendit à Tridentinæ Synodi Doctrinâ discessisse eum quem reprehendit : & tamen quas ab eo voces arripuit illæ Concilii Tridentini doctrinam ac ipsa penè verba repræsentant.

Nimirum ad profligandum errorem & Ecclesiæ dogma explicandum, ait Tridentina Synodus *Absolutionem Sacramentalem, esse actum judicialem, vel judicium* sess. 14. Can. 9. aut, ut cap. 6. loquitur *pronuntiari ad instar judicii vel actus judicialis quæ sunt hæc in re decretoriæ voces. Ad instar actus judicialis quo ab ipso, velut à judice, sententia pronuntiatur* atqui illa capitalis & decretoria vox *ad instar actus judicialis* reperitur in serie verborum ab ipso propositionis authore exscriptâ. Quo uno in fumos evanescit gravis illius & terrificæ reprehensio.

Equidem in illâ ipsa serie verborum Sacerdos appellatur simplex minister declarans. Quod non omnino videtur cohærere cum Concilio pronunciante absolutionem à Sacerdote concessam non esse *nudum ministerium*, declarandi peccata esse remissa. Verum divelli non debent hæc priora verba ab iis quæ statim subsequuntur *ad instar actus judicialis* quibus postremis vocibus necessariò

illa ad Ecclesiæ & Concilii sensum deflectuntur. Hæc vox declarare eundem hic sensum habet ac pronuntiare, judicare, si quidem continuò additur (*ad instar actus judicialis.*)

XII. PROPOSITIO.

Concilium Tridentinum ita expresse definivit sufficere ad absolutionem recipiendam, attritionem qua vitam animæ non tribuit, imò qua amore Dei omni vacua esse supponitur, ut anathemate feriat qui contrariam opinionem defendunt.

DUODECIMA propositio falsa est, temeraria, scandalosa, Tridentinæ Synodo contumeliosa, in praxi periculosissima.

Ut huic propositioni, falsitas, temeritas, & aliæ quæ in eam congestæ sunt notæ astruantur; tria tantum hic ostendere sufficiet illi Doctrinæ prorsus opposita. 1. Concilium Tridentinum neque expresse neque tacite definisse attritionem, aut contritionem imperfectam de quâ loquitur omni amore Dei vacuum esse. 2. neque expresse decrevisse idem Concilium sufficere attritionem ad absolutionem percipiendam. 3. *Anathemate non perculisse qui contrariam opinionem defendunt.*

Consuli potest sessionis 14. caput 4. & Canon 5. ibi patebit quidnam de attritione aut imperfectâ contritione Synodus declaraverit ac decreverit.

Nedum vel expresse vel tacite definiat amore Dei vacuum esse attritionem, eam contra characteribus designat ejusmodi undè Theologi plures evincunt non posse non amorem Dei aliquem in illâ reperiri: enim vero vult Concilium ut detestationem peccati complectatur, ut excludat peccandi voluntatem, ut sit cum spe veniæ conjuncta, ut oriatur ex cogitatione animi beatitudinis æternæ jacturam reputantis. *Contritio animi dolor ac detestatio est de peccato commisso... Illam verò contritionem*

imperfectam , quæ attritio dicitur . . . si voluntatem peccandi excludat , cum spe veniæ cap. 4. quæ paratur per discussionem , collectionem & detestationem peccatorum . . . ponderando . . . amissionem æternæ beatitudinis , & æternæ damnationis incursum. cap. 5. quæ omnia sine amore Dei quodam stare nullatenus posse Theologi multi probaverunt.

Ut habeatur brevitatis ratio duò tantum hîc referuntur quæ illi ex Tridentino Concilio eruunt in favorem opinionis suæ consuetaria. Nimirum Sancta Synodus sess. 6. cap. 6. exponens qualis ab adultis debeat adhiberi præparatio ut gratiam ac justitiam in Baptismo percipiant postulat in iis quoddam divini amoris initium, cujus nascentis amoris , quasi necessariam appendicem esse innuit odium ac detestationem peccati. *Illumque tanquam omnis justitiæ fontem diligere incipiunt ; ac propterea moventur adversus peccata per odium aliquod & detestationem , hoc est per eam pœnitentiam quam ante Baptismum agi oportet.*

Inde duo derivant illi Theologi in Pœnitentiæ Sacramentum. 1. attritioni inesse vel præire debere istud divini amoris initium , quandoquidem , quæ illius amoris appendix est , peccati detestationem includat.

2. Ut gratia , vel justitia in Sacramento Pœnitentiæ percipiantur , non minus , imo magis necessarium esse illud divini amoris initium , quam ut in Baptismi Sacramento. Huc ea revocari possunt quæ disserit Concilium de satisfactionis necessitate. sess. 14. cap. 8. *sanè & divinæ justitiæ ratio exigere videtur , ut aliter ab eo in gratiam recipiantur qui ante baptismum per ignorantiam deliquerint , aliter vero qui semel à peccati & Dæmonis servitute liberati , & accepto Spiritus Sancti dono , scientes templum Dei violare & Spiritum Sanctum contristare non formidaverint.* Si difficilius , ut par est , gratia Dei recuperatur in Pœnitentiæ Sacramento , quam in Baptismo accipitur , debet ergo ad illud æquè perfectæ , aut etiam aliquanto perfectior intimi cordis præparatio adhiberi : quod secus accideret , si in eâ quæ præmittitur Baptismi Sacramento , præparatione quidam Dei amor inesset , non item in eâ quæ Pœnitentiæ Sacramento.

Jam sufficiatne ad absolutionem in Sacramento Pœnitentiæ recipiendam attritio, id verò noluit Sancta Synodus expressè definire. Illud tantum declaravit, etiamsi suapte virtute & absque Sacramento justum non efficiat peccatorem, tamen eum illâ ad Dei gratiam in Sacramento obtinendam disponi. *Et quamvis sine Sacramento Pœnitentiæ per se ad justificationem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit* cap. 4.

Quod non temerè & in consultò Synodi Patribus ex-
cidit. Cum enim primò ita instructum fuisset decretum, ut in eo declararetur sufficere unâ cum Sacramento attritionem, *Sufficere ad hujus Sacramenti constitutionem*, Joannes Emilianus, Tudetanus antistes qui propugnabat necessariam esse simul cum Sacramento contritionem perfectam, objecit iis Concilii vocibus controversam apud Theologos opinionem condemnari. Evicit hæc admonitio ut decretum Sancta Synodus castigaret, juberetque vocum illarum loco, eas quæ hodie leguntur, substitui.

Tantum abest ut hic definiatur expressè sufficere unâ cum Sacramento attritionem, ut potius declaretur dirimi quæstionem illam nondum posse, adeoque esse permittendum ut integrum sit de eâ, prout suum cuique ingenium & sua conscientia suggererint, sentire.

Superfluum jam esset ostendere anathematis fulmen in eos non detorsisse Concilium qui non faterentur ad absolutionem in Sacramento recipiendam sufficere attritionem. Negavit id in ipso Concilio Tridentino Episcopus quem Sancta Synodus adeò non anathemate perculit ut ejus rationibus morem gesserit decretumque mutandum curaverit. Præterea ex solâ Canonis 5. lectione manifestum est non latam anathematis sententiam fuisse nisi in eos qui contenderent imperfectam ejusmodi contritionem non esse verum & utilem dolorem, ad gratiam in Sacramento recipiendam non præparare, sed reddere hominem hypocritam & magis peccatorem, postremò dolorem qui ex eâ procreatur coactum esse non spontaneum & à voluntate profluentem *Si quis dixerit eam contritionem quæ paratur per discussionem, collectionem & de-*

testationem peccatorum quâ quis recogitat annos suos in amaritudine animæ suæ , ponderando peccatorum suorum gravitatem , multitudinem , scditatem , amissionem æternæ beatitudinis , & æternæ damnationis incursum , cum proposito melioris vitæ , non esse verum & utilem dolorem , nec præparare ad gratiam , sed facere hominem hypocritam & magis peccatorem , demum illam esse dolorem coactum & non liberum ac voluntarium ; anathema sit.

XIII. XIV. PROPOSITIO.

Qui dicunt absolutionem validè conferri non posse nisi iis qui contritionem habent aliquâ charitate animatam , perinde est , ac si dicerent absolutionem validè conferri non posse nisi iis qui prius sunt in gratia constituti , & Deo per contritionem perfectam quâ vita restituitur anima , reconciliati.

ABSOLUTIONEM Sacramentalem præcipuo suo effectu fraudant , & apertè Concilio Tridentino adversantur qui dicunt contritionem quam absolutioni necessariò præire oportet animatam esse debere eâ charitate quæ vitam animæ tribuat.

Duobus constat harum propositionum falsitas atque injustitia. 1. Quod in iis confundantur ac permisceantur duæ à se invicem diversissimæ opiniones. 2. Quod affirmetur eas apertè Tridentino Concilio adversari , quantumvis neutra fuerit à Synodo condemnata , quantumvis utraque à Theologis Catholicis quondam propugnata fuerit & etiamnum propugnetur.

Duarum illarum opinionum qui priorem defenderent nonnulli in ipso Concilio Tridentino reperiuntur , nonnulli qui posteriorem. Qui petierunt ut in iis dispositionibus recensendis quæ ad justificationem præparant aliquis charitatis actus infereretur ii procul dubio , non erant in eâ sententiâ ut putarent hominem per actum quemdam amoris Dei , per quoddam initium charitatis , per contritionem charitate aliqua animatam , posse in

gratiam restitui aut Deo reconciliari, si quidem illi actum hunc ab ipsâ virtute charitatis secernebant, quâ sine virtute nemo vel in gratiâ constituitur vel Deo reconciliatur: Neque in dubio est, quin affirmaverit Tuditanus Episcopus contritionem quam absolutioni præire necesse est, animatam esse debere eâ charitate quæ vitam æternæ tribuat, siquidem ille ad recipiendum Sacramentum perfectam contritionem requiri contendebat.

Facile quivis intelligere potest duas illas opiniones magno à se invicem intervallo distare: posse enim juxta priorem sententiam affirmari *validè non conferri absolutionem nisi iis qui contritionem habent aliquâ charitate animatam* tametsi non idem cum alterius placiti fautoribus censeatur, videlicet *absolutionem validè conferri non posse nisi iis qui prius fuerint in gratiâ constituti*. Qui charitatis initium in contritione ad Sacramentum necessarium postulant Theologi bene multi, non ideo arbitrantur per eam aliqua charitate animatam contritionem justitiæ hominem restitui. Unus hic omnium loco nominabitur Estius qui suam de illa re mentem sic expromit. *Ex iis quæ dicta sunt ad dist. 23. lib. 3. manifestum relinquitur esse quamdam charitatem seu dilectionem Dei quâ diligitur sicut diligendus est, id est, super omnia, quæ peccatorum remissionem antecedit, juxta illud Luc. 1. remissa sunt ei peccata multa quia dilexit multum. in 4. dist. 17. art. 3. ad 6.*

At verò Tuditanus Antistes diserte tenet ac defendit, per illam contritionem ad recipiendum Sacramentum necessariam hominem quidem justitiæ restitui, sed virtute tamen Sacramenti cujus illa votum continet: *opus esse contritione perfectâ; nec tamen hinc argui per Sacramentum peccata non remitti, quippè quæ Sacramentum jam invenit remissa præeuntis contritionis efficacitate: Si quidem aiebat, ipsa contritio id præstat virtute Sacramenti, cujus votum in eâ continetur. Hoc quoque disertè declarant quotquot etiamnum hanc opinionem tuentur, ut videre est in libris ad eam propugnandam nuper exaratis. Episcopus Castor. lib. 1. cap. 31. de contritione Lovanii. an. 1678. amor Penitens.*

Non id agitur ut ex duabus illis sententiis utra sit alteri anteposenda perpendatur, vel an sit discedendum ab utrâque, & tertiæ cuidam adhærendum quæ hoc ævo maximè invaluit. Ad absolutam hujus decimæ-tertiæ propositionis explicationem quædam insuper notare sufficiet.

Ac 1. quidem cum Melchior Cano observandum est non temere ac inconsultò, quam tu sententiam non sequaris, ita damnari & in invidiam læsæ Fidei adduci debere, quantumvis sit illa receptissimæ in scholis opinioni contraria. *Non enim si quidquam in scholâ bonis etiam temporibus inveteravit, mox Fidei dogma existimandum est. Sunt autem nonnulli, qui per eas persuasiones quibus à principio sunt imbuti, de rebus gravissimis sententiam ferunt, temeritate quadam, sine judicio, repentino quasi vento inflati, quæ longè alia esset, si judicio, consideratè, constanterque lata fuisset* Melchior Canus de locis Theologicis lib. 8. cap. 5. ad 3.

2. Non modo non alterutrum ex his duobus placitis aperte Tridentino Concilio adversari sed etiam utrumque ab eruditissimis Theologis & post habitam Synodum & in ipsa Synodo fuisse propugnatum. Quin etiam dici potest ea ipsa placita fuisse in securitatem quandam adversus omnem tum reprehensionem tum periculi suspensionem ab ipso Concilio vindicata & in Catholicam Fidem quodammodo asserta, quippè quod tanta cautione providerit ne ullatenus læderentur dederitque hoc eorum fautoribus ut adornata priùs decreta vel rescinderentur, vel corrigerentur.

Relatum est in excutienda præcedenti propositione, quid Synodi Patres immutaverint in 14. Sessionis decreto, nequid in eo resideret quod secundam opinionem cui Tuditanus Antistes adhærebat, perstringere posset ac labefactare. *Palavic. Hist. Conc. lib. 12. cap. 10. n. 26.*

Longius adhuc progressi sunt in gratiam eorum qui pro prima opinione stabant. Capiti enim 6. 6. Sessionis, id illi inseruerunt quod in eo legitur de quodam divini amoris initio, qui amor inter ea quæ ad justificationem disponunt, recensetur. *Illumque tanquam justitiæ fontem diligere incipiunt*, quo pacto, amplecti se quadañtenus illorum opinionem, nedum damnarent, ostenderunt.

Quod attinet ad illam partem propositionis ubi dicitur hac opinione *Sacramentalem absolutionem præcipuo suo effectu fraudari* id diluitur Tuditani Episcopi verbis supra memoratis. Cæterum illa difficultas nullatenus attingit primam opinionem, juxta quam ait *Estius Conversio*, id est contritio aliqua charitate animata, tollit peccatum quantum ad actum, non tamen statim quoad reatum qui plerumque permanet donec Sacramento solvatur loco cit. ad 5.

XV. PROPOSITIO.

Falsum est ab Ecclesiâ Catholicâ formam Græcorum deprecativam approbari.

DECIMA quinta propositio vera est vel falsa pro variâ quæ assignabitur verbo (approbari) significatione; adeoque explicatione indiget.

Si ea vis esse dicitur vocis illius ut solemnem quandam & disertam approbationem denotet, vera propositio est. Neque enim juxta hunc sensum Ecclesia Catholica formam Græcorum deprecativam approbavit, quia videlicet nusquam aut ullo generalis alicujus Concilii canone, aut alio quovis solemnî ritu pronuntiavit bonam esse formam deprecativam quæ apud Græcos usurpatur.

Sin, id ab Ecclesiâ censendum est *approbari* quod & observatur nunc & est multis jam ante sæculis inter varios Ecclesiarum ritus observatum, quod in omnibus, quæ ipsius autoritate eduntur, Euchologiis ac ritualibus libris extat, quod tamen in ipsius oculis, ac templis fiat, non arguit tamen, non conqueritur, non mutari jubet, verum est, juxta hunc sensum, qui profecto maximè obvius est *ab Ecclesia Latina formam Græcorum deprecativam approbari*. Unde sequitur propositionem hanc falsam esse ac temerariam eoque spectare ut dissensionem & divortium græcam inter & latinam Ecclesiam foveat.

Ut ne res altius quam à Concilio Florentino repetatur, nusquam in eo Latini conquesti sunt de formâ aliâ quæ in administrando. Pœnitentiæ Sacramento ritibus

Græcorum. Rebus pace compositis lectoque Fidei decreto, nonnullas adhuc græcis latini quæstiones proposuerunt, rationemque ab eis quorundam à suis discrepantium usum repetière. Una ex illis quæstionibus spectat Pœnitentiæ Sacramentum, quid sit cur Græci tum Episcopi tum Sacerdotes peccata sua sacrificium Missæ celebraturi, non deponant. At vero de illius Sacramenti formâ nihil omnino quæsitum est. Iis quæstionibus omnibus græci fecerunt satis. In duabus postremis hæserunt, quarum quidem altera ad Matrimonii dissolubilitatem, altera ad electionem Græci Patriarchæ pertinebat. Paucis post diebus iussit eos Summus Pontifex convenire. De illo duplici capite conquestus est, simul quod Ephesinus Antistes à Concilio decessisset succensuit. Sed in has querelas prius non descendit quam agnovisset in eadem secum, illos fide esse. *Nos Fratres Dei Beneficio sumus fide conjuncti.* In Actis Conc. Flor. post sess. 25. & definit. Conc.

Cito inter utramque Ecclesiam dissidium recrudit, sed nihil usquam hac in partè Latina Ecclesia Græcis exprobat, neque usum illum mutari voluit aut improbat in iis qui pacem cum ipsa vel initam servaverunt vel de integro inierunt. Post multas quæ præteritis sæculis, & hoc etiam ineunte prodierant Euchologii ac libri Græcorum Ritualis editiones, novissimè anno 1635. Venetiis cusa sunt & in vulgus emissa. Id eis permittitur ut ad illos se libros accommodent, ut illis adhæreant, ut in omnibus sequantur. Et vero ita se Romæ gerunt, ita in aliis Catholicis Urbibus, ita in nostris etiam Templis in quibus admittuntur, neque tamen in iis precibus quas ad Pœnitentiæ Sacramentum usurpant quidquam vel addere jubentur vel immutare.

Verùm tamen non agitur de cæremoniâ quadam quæ sit ad libitum, quæ nullius momenti ac ponderis censeri debeat, quæ ferri possit pacis ac concordie causâ, tametsi non approbetur: agitur forma essentialis, adeoque valor vel nullitas ipsius Sacramenti, cujus autem Sacramenti, & quam necessarij? Nequit græcis objici quod in administrando pœnitentiæ Sacramento ea formâ utantur quæ nec valida sit, nec legitima, quin simul

Ecclesia Latina in crimen adducatur æternæ plurium animarum damnationis , quippè quæ id permittat aut saltem dissimulet ac patiatur. Tolerat in græcis resipiscen-
tibus Ecclesia quidquid potest piè & absque supremi numinis offensâ tolerare , verum palam & apertè denun-
tiat , nolle se , nec si maximè vellet , posse eousque videri indulgentem , ut , si quid inesset in eorum ritibus quod fidelium animarum detrimento condu-
ceret id vel comprobet , vel silentio prætermittat. *Licet Græcos in diebus nostris ad obedientiam Sedis Apostolica revertentes fovere & honorare velimus , mores ac ritus eorum , in quantum cum Domino possumus , sustinendo : In his tamen , illis deferre nec volumus , nec debemus , quæ periculum generant animarum , & Ecclesiastica ærogrant honestati. Conc. Later. 4. cap. 4.*

In eâ quidem institutione quam Clemens 8. an. 1595. instrui iussit de ritibus græcorum , cavetur , ut si quando græci Sacerdotes absolutionem cuipiam è Latinâ Ecclesiâ impertiant , quod ipsis licebit urgente necessitate , illam formam usurpent quæ præscribitur in Concilio Florentino , hoc est in decreto Eugenii 4. ad Armenos quod sub illius Concilii finem editum est , eique formæ , si libuerit solitas suas preces adjiciant. *In casu necessitatis Presbyteri Græci Catholici possunt Latinos absolvere. Utantur formâ absolutionis in Generali Concilio Florentino præscriptâ , & postea si voluerint , dicant orationem illam deprecativam quam pro formâ hujusmodi absolutionis dicere tantum consueverunt.*

Sed id etiam ostendit ab illo Pontifice probatam fuisse formam deprecativam quâ græci in Ecclesiæ suæ homines utuntur. Dum enim præcipit , ut , si formam suam deprecativam adhibeant in quopiam è Romanâ Ecclesiâ absolvendo , formam prætereâ Latinorum adsciscant , hoc ipso per eum iis licet nihil omninò suæ illi formæ adjicere , dum absolutionem homini græco concedunt. Possunt intra se suos ritus ad litteram observare , ex quibus formam absolutionis deprecativam esse Summus Pontifex confitetur. Refertur decretum illud in Bullario. Est inter Clementis VIII. Bullas trigesima quarta §. 3.

Concedit quidem Arcudius formam Pœnitentiæ Sacramenti, quale à Græcis administratur, nequâquam illis precibus constare, quæ in ipsorum Euchologiis leguntur, sed aliis quibusdam indicativis aut absolutis vocibus quæ in iis item non extant, quas quidem voces græci multi ignorant vel omittunt, alii vero pronuntiare solent pœnitentem dimittendo, nimirum Εὐχὴ σου συγχωρημένον. habeo te veniâ donatum: quæ profectò voces non magis ad rationem Sacramenti pertinent quam quæ à nonnullis Confessariis dum Pœnitentem dimittunt, proferuntur, *vade in pace*, aut *vade & noli amplius peccare*. At non extat ejusmodi forma in Euchologio? Equidem fateor; nequè enim, si extaret, in recensendis aliorum opinionibus tantopere laborassem. Est tamen frequens, & in ore multorum Confessariorum quotidie versatur, licet major pars Græcorum ex ignorantia quod nesciant totam vim latere in his paucis verbis, eâ non utantur; qui autem utuntur, ex usu quotidiano vocem quodammodo corruperunt, loquique, συγχωρημένον, vulgari & corrupto vocabulo dicunt συχωρημένον. Arcudius de Sacr. pœnit. cap. 3. hanc Arcudii conjecturam secutus est in suis ad Græcorum Euchologium notis Pater Goar. in orationes super Pœnitentes. p. 676. & 677.

Hic necesse non est sententiam illam refellere, quæ re maturius expensâ, corruit ex se omnino. Neque observabitur nullatenus consonare ejusmodi placitum doctrinæ Clementis VIII. verbis modo relatis expressæ. Satis est monuisse, juxta hanc ipsam & aliam quamvis opinionem, extra omnem controversiam esse positum, ab Ecclesiâ Latina non improbari, sed potius permitti & approbari maximè formam quâ græci utuntur in administrando pœnitentiæ Sacramento, qualiscumque tandem illa sit & quibusvis vocibus enuntiata.

Qua in re falsitas ac temeritas eminet hujus decimæ quintæ propositionis, in qua cum Author agnoscat formam Græcorum deprecativam esse, ut est, affirmet tamen eam ab Ecclesiâ Latina non comprobari.

XVI. PROPOSITIO.

Qui docent ab Ecclesiâ Catholicâ formam deprecativam quâ Græci absolutionis loco utuntur approbari, easque ex ipso consensu Doctorum in rei naturâ unum & idem quid esse, ii ab usitatis Ecclesiæ tramitibus deflectunt, Doctrinam insolentem profitentur, eoque adducunt ut credatur posse formam illam in Ecclesiâ Latinâ legitimè usurpari.

QUONIAM hujus ac præcedentis propositionis eadem natura & ratio est, nec ullum inter utramque discrimen intercedit nisi quod præter falsitatis notam quam illa impugnata à se opinioni inurit, hæc eandem novitatis atque insolentiæ criminibus oneret, ex iis quæ in priorem illam propositionem congesta sunt, quid de hac posteriori sentiendum sit, æstimari potest.

XVII. PROPOSITIO.

Juxta Fidei regulas non potest forma Pœnitentiæ, nisi imperativus sensus attribui, aut, quod tutius est, absolutus, nequaquam verò deprecativus.

QUANTUMVIS captiosis ac fallacibus verbis circumscribatur decima septima propositio, facilè tamenprehenditur id eam moliri ut astruat falsæ rei fidem, faciatque ut quod ad religionis articulos non pertinet pro religionis tamen articulo habeatur.

Si ea mens fuit Authoris hujus propositionis ut de formâ Græcorum loqueretur, aut de aliâ illa formâ qua quondam in Ecclesiâ Latinâ administratum est Pœnitentiæ Sacramentum, docent plures Theologi utramque deprecativam esse, hoc est utramque ejusmodi vocibus constare quæ sint fusæ ad Deum à Sacerdote preces in gratiam Pœnitentis. De usu Ecclesiæ græcæ ad præcedentem pro-

positionem disputatum est. Qui volunt eam fuisse undecim aut duodecim prioribus sæculis, Ecclesiæ Latinæ consuetudinem ut absolutionem concederet per orationem & preces non verò per has voces *Ego te absolvo* illi sententiam suam probant tum ex antiquis Ritualibus libris in quibus nullum vestigium extat illorum verborum, tum ex iis quæ referuntur in summâ manuscriptâ Petri Cantoris de *Sacramentis* tum ex iis quæ fatetur Sanctus Thomas eo ipso loco ubi formam absolutam astruit ac tuetur. opusc. 22. in responsione ad 1. & 2. objectionem.

Certissimum est nunquam fuisse ab Ecclesiâ proscriptam Theologorum illorum opinionem, nec sine temeritatis notâ dici potest eam Fidei regulis adversari. *Potest ergo juxta Fidei regulas Pœnitentiæ formæ sensus deprecativus attribui*, evidens enim est formæ deprecativæ sensum inesse utique deprecativum.

Si vero loqui intendit ille Author de formâ quæ nunc in Ecclesiâ Latinâ usurpatur, docuit quidem Sancta Synodus Tridentina sess. 14. cap. 3. eam in his verbis esse positam *Ego te absolvo*, &c. sed nullibi definitum est non posse illis vocibus sensum deprecativum assignari.

Potest integrâ atque illibatâ fide duplex in his verbis sensus distingui, alter indicativus & absolutus, qui genuinus est, seque primum offert animo: alter Paulo remotior & deprecativus. Ut enim Sacerdos in administrando Pœnitentiæ Sacramento, duplicem quasi personam gerit, hinc quidem judicis cui subjacet Pœnitens, illinc vero intercessoris ac Patroni qui Deum pro eodem Pœnitente deprecatur: ita pariter potest absolutio spectari simul ut actus autoritatis ac juris in Pœnitentem, simul ut intercessio & oratio apud Deum. Hanc duplicem Sacerdotis quasi personam non obscure designat Concilium Tridentinum, dum ait absolutionem esse simul *alieni Beneficii dispensationem & actum judiciale* sess. 14. cap. 7. Eandem clarius adhuc expressam videas in illa oratione quam plerique Rituales libri à Sacerdote, priusquam ad audienda peccata accedat, recitari vel jubent vel hortantur. *Qui me indignum, propter magnam tuam misericordiam*

tuam misericordiam , ministrum fecisti Officii Sacerdotalis , & me exiguum , humilemque mediatorem constituisti ad orandum & intercedendum ad Dominum nostrum Jesum Christum Filium tuum peccatoribus , & ad pœnitentiam revertentibus.

Eâ distinctione multi Theologi se se ab iis Patrum locis expediunt , in quibus tum aliorum Sacramentorum , tum præsertim Pœnitentiæ formæ , nomen orationis addicitur. *Secundo respondemus vocari orationem & supplicationem , quia licet sit actus jurisdictionis respectu Pœnitentis qui absolvitur , tamen debet esse quasi humilis oratio respectu Dei.* Gamach. de Sacr. Pœnit. cap. 6. Idem reperire est apud Silvium in 3. partem q. 84. art. 3. *poteest etiam dici , & quidem conformiter menti S. Leonis , quod ipsam Sacerdotalem absolutionem vocet supplicationem , eâ ratione quâ & aliorum Sacramentorum formæ , licet , effectivè proferantur , dicuntur tamen à Sanctis Patribus preces vel orationes , quia scilicet quatenus proferuntur à legitimo ministro cum intentione conferendi Sacramenti , sunt tacita quedam invocatio divinæ potentiæ.* Apud Vasquezium , ad eumd. artic. dub. 3. n. 13. Dicitur autem supplicatio , aut oratio , ipsa forma , non quia per modum deprecationis proferatur , sed quia locum habet orationis , cum statim præsto adsit divina majestas verbis sui ministri operans remissionem peccatorum.

Verum etsi possit illæsis Fidei regulis Sacramenti Pœnitentiæ forma deprecativo sensu donari , ut modo explicatum est , fatendum tamen usque eam esse actum verè juridicum , & quasi sententiam absolutionis. Id Statuit Sancta Synodus Tridentina. sess. 14. cap. 6. & Can. 9. quod ita esset , etiamsi forma Sacramenti Pœnitentiæ foret deprecativa , ut Vasquezius observat. n. 7. Denique quod deprecationis formâ quis uteretur , in absolutione peccatorum , non esset in causâ , quominus diceretur habere potestatem absolvendi , & verè absolvere.

XVIII. PROPOSITIO.

Confessio Peccatorum Secreta ita est ex Christi Domini institutio ut si palam illa fieret hoc ipso desineret esse Sacramentalis , juxta Decretum Concilii Tridentini.

DE C I M A octava propositio falsa est ac temeraria tum in jure , tum in facto. In jure quidem , quod asserat confessionem peccatorum secretam ita esse ex Christi Domini instituto , ut si palam illa fieret , hoc ipso desineret esse Sacramentalis in facto autem , quod in ejus rei argumentum Concilii Tridentini Decretum adducatur.

Eâ de re sententiam suam aperit Tridentina Synodus , duobus in locis Sessionis 14.

Ita loquitur cap. 5. *Ceterum quod ad modum confitendi secretè apud solum Sacerdotem , etsi Christus non vetuerit quin aliquis in vindictam suorum scelerum , & sui humiliationem , cum ob aliorum exemplum , tum ob Ecclesiæ offensæ adificationem , delicta sua publicè confiteri possit , non est hoc tamen divino præcepto mandatum , nec satis consultè humanâ aliquâ lege præciperetur ; ut delicta , præsertim secreta publicâ essent confessione aperienda. Unde cum à Sanctissimis & antiquissimis Patribus , magno , unanimesque consensu , secreta confessio Sacramentalis , quâ ab initio Ecclesia Sancta usa est , & modo etiam utitur , fuerit semper commendata ; manifestè refellitur inanis eorum calumnia qui eam à Divino mandato alienam , & inventum hominum esse , atque à Patribus in Concilio Lateranensi Congregatis , initium habuisse , docere non verentur.*

In Canone vero 6. habetur *Si quis negaverit Confessionem Sacramentalem vel institutam , vel ad salutem necessariam jure divino , aut dixerit modum secreto confitendi soli Sacerdoti quem Ecclesia Catholica ab initio semper observavit & observat , alienum esse ab institutione & mandato Christi , & inventum esse humanum , anathema sit.*

Facile intelligitur nequaquam illis vocibus decrevisse

Concilium fore ut Sacramentalis desineret esse confessio si palam fieret. Multum interest utrum dicatur non præcipi à Deo publicam confessionem ; non expedire ut præcipiatur ab hominibus, Sacramentalem Confessionem , semper fuisse in Ecclesiâ usurpatam, postremò eam institutioni ac præcepto Christi non adversari, quomodo loquitur Concilium, an statuatur *Confessionem peccatorum Secretum ita esse ex Christi Domini instituto, ut si palam illa fieret, hoc ipso desineret esse Sacramentalis*. Quapropter, ut apertum est, calumniatur Tridentinam Synodum Author propositionis quippè qui id ab ea decretum fuisse affirmet, quod revera non decrevit.

Ex quibus constat nihil quidquam definiisse Concilium quo propositionis Author niti possit imò falsum id & ipsius Concilii verbis contrarium esse quod decretum ab eo & definitum fuisse affirmat. Id patebit adhuc liquidius si diligenter attendantur ea quæ ex cap. 5. desumpta sunt. Ibi declarat quidem Sancta Synodus nullo divino mandato præcipi publicam confessionem, &c. sed prius observaverat eam non fuisse à Christo vetitam, illâ posse uti peccatorem, *in vindictam suorum scelerum, & sui humiliationem, cum ob aliorum exemplum, tum ob Ecclesiæ offensæ edificationem*. Non subdit Concilium Sacramentalem fore ejusmodi confessionem, verum id ex ipsis verbis facile colligitur. Et sanè qui sic peccata sua palam Sacerdoti confessus fuisset nemini dubium esse potest quin ad impetrandam ab illo veniam, eadem secreto iterare non teneretur.

Illud etiam accedit ut ex Concilio Tridentino inde necessitas exurgat peccata sua confitendi quod nequeat Sacerdos, ut potè iudex in Pœnitentiæ Sacramento, sententiam ferre suam nisi prius pœnitentis statum cognoverit *constat enim Sacerdotes iudicium hoc incognita causa exercere non potuisse, &c.* Unde meritò deducitur æque posse sententiam absolutionis à Sacerdote ferri post publicam ac post secretam confessionem, quandoquidem utraque pariter notitiam peccatorum subministrat. Statue cymbam in alto mari refertam hominibus, procellis ita jactatam ut certum & ineluctabile naufragium sit. Si contingat

ut peccata sua illi homines confiterentur surdo cuidam Sacerdoti à quo exaudire nequeant quin ab aliis simul omnibus audirentur ; num idcirco Sacramentalis esse deberet ea confessio quia publica esset? num illius intuitu non posset Sacerdos Sacramentalem absolutionem impertire?

Confessio secreta peccatorum in Ecclesiâ semper obtinuit, rejeſti sunt quicumque eorum palam declarandorum necessitatem invehere voluerunt, sed nusquam ejusmodi publicæ confessiones nullius valoris æſtimatæ sunt.

Sanctus Leo Summus Pontifex in Epistolâ ad Episcopos Italiæ condemnat ac prohibet quemdam usum qui in iis locis invaluerat, cogendi peccatores ut scelera sua palam recitarent : sed eum morem reprehendit qui à Pœnitentiâ deterrere plurimos potuisset, non jubet ea peccata de novo declarari quæ publicè antea declarata fuerant : imo laudat atque extollit illorum hominum fidem qui morem hunc secuti fuerant : observat tantum modo necessariam non esse eam quæ publicè fit, confessionem, sed satis esse si quis peccata sua secretò apud Sacerdotem deponat. *Sufficit enim illa Confessio quæ primùm Deo offertur, tum etiam Sacerdoti qui pro delictis pœnitentium precator accedit Epist. 90. num. 136. ad Episcopos per Campāniam, Sumnium, ac Picenum Constitutos.*

Non hîc exquiretur diligentius extetne aliud aliquod prioribus sæculis impressum publicæ cujusquam Confessionis vestigium. Non deesset fortasse quærentibus quantum constat morem hunc nunquam fuisse necessario observandum nec ubique vulgò receptum aut usurpatum : sed ad profligandam propositionem hanc decimam octavam satis est quod publicam ejusmodi confessionem Christus non prohibuerit. Id autem conceptissimis verbis declarat Concilium Tridentinum.



XIX. PROPOSITIO.

Concinunt cum Calvinistis & Doctrinam infinito à veritate spatio distantem amplectuntur qui volunt posse Ecclesiam ob secreta peccata publicas penas imperare.

DECIMA nona propositio falsa est, temeraria & quadamtenus schismatica, ut potè quæ eam Ecclesiæ potestatem detrahat quæ potestas consequitur ex auctoritate ipsi à Christo concessa, quâ etiam usam illam esse prioribus sæculis non immeritò potest affirmari.

Id ultro conceditur neque quodvis Lethale crimen; neque cogitationis ac simplicis desiderii peccata poenitentiae publicæ fuisse obnoxia, sed est procul dubio cur credatur publicas olim poenas ob publica & occulta flagitia perinde fuisse impositas, cum ea nullo discrimine habeantur Sacris canonibus poenas ejusmodi palam subeundas, decernentibus. Id ipsum etiam agnoscit Catechismus Romanus quod etiam in occultis criminibus, quæ graviora essent, interdum fieri solitum erat. De Sacram. Poenit. n. 43.

Si quis hoc sibi certis argumentis probari voluerit, legat caput 10. Libri à Tertulliano scripti de Poenitentia. Canonem 34. Epistolæ Canonice Sancti Basilii & Homiliam L. Sancti Augustini. Qui Sermo est in nova editione 351. cap. 4.

Qua in re utitur Ecclesia eâ potestate quam à Christo accepit. Et quidem peccatum secretum agitur eo loci ubi Christus varios reprehensionis fraternæ gradus præscribit: Hinc est, ut observat Sanctus Augustinus sermone 92. aliàs 6. de Verbis Domini, quod velit Christus ut ab admonitione secreta ducatur exordium *inter te & ipsum solum quia enim ait Sanctus Doctor, secretum fuit, quando in te peccavit, secretum quare cum corripis quod peccavit.* Jam vero quod primæ illi admonitioni, quod etiam secundæ quæ secreto utique fit obsistatur, est illud etiam secretum peccatum. Verumtamen permittit Christus ut

vulgetur illud peccatum, ut Ecclesiæ deferatur, ut in illud pœna aut excommunicatione publicâ animadvertatur: *Si Ecclesiam non audierit &c.* idquæ concessâ a se Sacerdotibus potestatis vi; *Amen dico vobis, quacumque alligaveritis, &c.*

Si quis olim existimaverit eam semper Ecclesiæ fuisse disciplinam ut secretas ob secreta, publicas nonnisi ob publica peccata pœnas injungeret, ille se in factò continuavit, dixit tantummodo nunquam, saltem vulgò, pœnas publicas propter occulta peccata fuisse ab Ecclesiâ imperatas, sed non eousque progressus est ut Ecclesiæ potestatem negaret aut circumcideret, ut assereret aliter agere eam non posse. Id profectò nullibi alias quam in ista propositione reperiatur.

Est illa quæ proscribatur eo dignior quo profertur audacius, neque enim contendit tantum nusquam in secreta peccata pœnis publicis Ecclesiam animadvertisse, imò ne posse quidem, sed etiam superbo ac contumelioso verborum apparatu affirmat *Concinere cum Calvinistis & doctrinam infinito à veritate spatio distantem amplecti qui volunt posse Ecclesiam ob secreta peccata publicas pœnas imperare.*

XX. PROPOSITIO.

Doctrinam deffendunt Arcano Confessionis & Synodi Tridentina menti è Diametro oppositam qui tametsi fateantur maximam semper fuisse criminum Sacerdoti declarandorum necessitatem, volunt tamen, ad Confessionis essentiam non pertinere utrum publica sit an secreta sed ad aliquod disciplina caput quæ fuerit Episcoporum auctoritate immutata, quod perinde est ac si dicatur posse Episcopos hoc in negotio agere ad libitum, eorumque arbitrio relinqui ut vel secreta peccata palam declarari jubeant panâ nullitatis Confessionis vel secreto tantum declarari permittant.

VIGESIMA propositio quam insolenter tam falsò reprehendit eam propositionem cujus prior pars vera est; posterior ut potè factum aliquod attingens, apud Theologos controversitur.

Prior pars notatæ propositionis hæc est ; ad Confessionis essentiam non pertinere , utrum secreta sit an publica, quod verissimum est , ut constat ex iis quæ ad decimam octavam propositionem adducta sunt , momentis , ut etiam docent Theologi maximè omnibus noti ac familiares, v.g. Layman de Sacram. Pœnit. cap. 6. n. 1. assert. 11. ubi Sanctum Bonaventuram citat in 4. dist. 17. part. 3. art. 1. quæst. 3 & Navarrus in Manuali suo cap. 2. n. 8.

Posterior pars affirmat istud ad aliquod disciplinæ caput pertinere quod sit Episcoporum autoritate immutatum. Sunt quidem voces illæ Paulo generaliores nimirum innuere videntur aliquandiu viguisse peccatorum palam declarandorum consuetudinem , eamque in Secretam confessionem , Episcoporum autoritate desuisse : quæ sententia superius in undevicesimæ propositionis examine convellitur ubi declaratum est non modo nunquam in Ecclesiâ necessariam fuisse publicam peccatorum confessionem , sed etiam infrequenter admodum , nec nisi in privatis quibusdam Ecclesiis usurpatam eam fuisse , si modo alicubi mos ille obtinuerit.

Verumtamen etiamsi is sensus esse diceretur vocum illarum, non idcirco dignæ essent quas Author propositionis ita contumeliosè infectaretur. Eset quidem facti quæstio leviter & temerè asserta , ut loquitur Sacra Facultas Parisiensis in Lutheri censura. Cens. in propos. Luth. tit. 3. de Confessi. Prop. 2. quæ assertio aliquo Forſan ex Originis & Sozomeni loco qualis in historiâ tripartitâ refertur , negligenter lecto niteretur , aut etiam alteriùs cuiusvis authoris fide , v. g. Maldonati è Societate Jesu, qui sic loquitur de 3. condit. Confessi. *non est necessarium ad essentiam ut confessio sit secreta , quia longò tempore facta est publicè in Ecclesiâ.* At qui Factum aliquod leviter , aut etiam temere asserit , ille dici non potest *doctrinam tueri Confessionis Arcano è diametro oppositam* , si quidem quicumque publicam confessionem audissent , ii eam æque tectam ac clausam fervare tenerentur , ac qui audit secretam ; neque illi dici potest *Doctrinam defendere Synodi Tridentinæ menti è diametro oppositam* si quidem Tridentina Synodus id dumtaxat observavit publicam Confessionem non fuisse à

Christo Domino præceptam, nec expedire ut in Ecclesiâ præcipiatur.

Quam iniquius & absque ullo colore rationis eadem illæ voces ab Authore propositionis in eum sensum aguntur quem haudquaquam, ut patet, obtinent. *Quod perinde est (inquit) ac si dicatur, hoc in negotio posse Episcopos agere ad libitum, eorumque arbitrio permitti ut, &c.* Nemo est quin videat hîc apertè calumniari Authorem propositionis eamque significationem, illis vocibus affingere quæ nullam habeat cum naturali ac genuino ipsarum sensu cognationem. Dum quis pronuntiat neque ab ipso Christo neque prioribus Ecclesiæ seculis latam esse legem illam quâ qui sacris sunt ordinibus initiati, cælibem vitam agere tenentur, si subdatur istud ad disciplinam pertinere quæ fuerit Episcoporum authoritate immutata, non idèò privari cujusvis antistitis arbitrio permittitur ut in ea re agat ad libitum illâque cælibatûs lege suæ provinciæ Ecclesiasticos vel obligare possit vel liberare. Idem dici potest de quibusvis aliis disciplinæ capitibus quæ cum neque à Christo Domino instituta, neque aliquandiu saltem observata fuerint, alicujus deinceps Concilii Generalis decreto, aut unanimi Ecclesiæ totius consensu ac usu fixa sunt & stabilita.

Sed nihil necesse est ad sensum ita Laxum ac generalem interpretari voces istas, *utrum Confessio publica sit vel secreta, id ad aliquod disciplinæ caput pertinere, quod sit Episcoporum authoritate immutatum.* Ut sua illis verbis veritas ascrtuatur sufficit si aliquod tempus possit assignari quo tempore publicæ Confessionis usus alicubi obtinuerit quantumvis perperam, uti accidit eorum Episcoporum culpâ quos S. Leo in Epistola ad 18. propositionem citatâ reprehendit, qui usus postmodum Episcoporum authoritate sit abrogatus, nullo mandato, nulla lege editâ ut qui prius peccata sua palam confessi essent eadem secreto confiteri juberentur. Certè sufficit si publica confessio, in pluribus Ecclesiis aliquandiu vigerit. Atqui multi ita esse affirmant, ex quibus est Petrus Soto Instit. Sacerd. de Confess. lect. 11. quo loco probat, publicam ejusmodi confessionem, non minus quam secretam, fore Sacramentalem.

XXI. PROPOSITIO.

Periculum est ne irrita omnino & nullius ad satisfactionem pretii sint quacumque ante absolutionem pœnæ luuntur, nisi præcedat reconciliatio cum Deo per contritionem : Siquidem nullum opus satisfactorium esse potest, aut meritorium nisi quis in statu gratiæ sit constitutus.

VIGESIMA prima propositio falsa est, erronea ; tum antiquo tum præsentī Ecclesiæ usui contraria, in confectariis, quæ inde erui possunt, periculosissima, valet plurimum ad deterrendos à Pœnitentiæ Sacramento peccatores, aut ad impediendum quominus se ad illud recipiendum ; ut par est, comparent atque accingant.

Varia quidem est Theologorum de bonis operibus quæ extra statum gratiæ fiunt, opinio. Quidam illis satisfactionis, ac meriti etiam de congruo, nomen denegarunt. Dominicus Soto in 4. dist. 19. quæst. 1. art. 4. & Suarez de Sacram. Pœnit. disput. 37. sect. 2. n. 4. contendunt non posse ne de congruo quidem satisfacere qui in peccato versatur. Verum hæc subtiliter potius & argutè quam solidè disserunt*, ut in locis citatis videri potest. Id intendunt potissimum ut sententiam refellant Scoti, ut aiunt & quorundam aliorum, quos censuisse affirmant, condonatâ semel peccati culpâ, posse in quovis statu pœnæ quæ luenda superest, fieri satis, etiam absque ullâ vel habituali vel actuali gratiâ, etiam in inferno. Ita sententiam illam explicat Soto §. Quæstio, & Suarez n. 2. & 3. Ait idem Scoto ne de congruo quidem mereri qui in statu peccati est. Ibid. §. ex hâc opus quod extra gratiam fit, ut dist. 4. q. 2. art. 6. latè monstravimus, nullius est meriti, neque vero de congruo, alioqui, ut ait Paulus, gratia non esset gratia, saltem non haberet perfectam rationem gratiæ, si congruitas esset in opere, quod ad ipsam disponit Soto loco cit.

Verùm quamvis penes verba discrepent ab aliis illi

Theologi , in re tamen ipsâ consentiunt. Fatentur omnes ejusmodi pœnas ac bona opera non esse inutilia. Et vero constanter id apud Catholicos teneri & licet solemnibus verbis definitum non fuerit cum ipsis tamen Fidei capitibus affinitate quadam conjunctum haberi debet , illis pœnis ac bonis operibus has saltem quæ sequuntur inesse utilitates.

1. Valent illa ad præparandam justitiæ recipiendæ animam , ad promerendum aliquatenus , saltem per modum dispositionis , divinam gratiam & veniam peccatorum. Sicut enim fide certum est contritionem imperfectam , tamen si non reddat sanctitati hominem , bonam tamen ac utilem esse , animamque ad gratiam suscipiendam præparare , ut est in Concilio Tridentino definitum sess. 14. Can. 5. ita pariter non procul distat à Fidei religione , periculum nullum esse ne irritæ pœnæ sint , irrita bona opera quæ à peccatore fiunt habituali quidem gratiâ destituta sed juvante actuali & *Spiritus Sancti impulsu* , non adhuc quidem inhabitantis , sed tantum moventis ; quo pœnitens adjutus viam sibi ad justitiam parat. Concil. Trid. sess. 14. cap. 5.

Hinc est quod Sanctus Joannes dignos Pœnitentiæ fructus postulet ab eis , qui sua sibi peccata remitti volunt. Quos à peccatorum sordibus abluturos se Baptismatis lavacro spondebant Apostoli , ab iis signa pœnitentiæ quædam petierunt. Sancti Patres & universa Ecclesia peccatores semper hortati sunt ut ultrices à se pœnas repeterent antequam ad absolutionis gratiam aspirarent , quam illi pretium satisfactionis appellaverunt. *Quam porro ineptum , quam iniquum pœnitentiam non adimplere , & veniam delictorum sustinere ? hoc est pretium non exhibere , ad mercem manum emittere.* Tertull. de Pœnit. cap. 6. Postremò id magna curâ Sacerdotibus inculcaverunt ut priusquam absolutionem peccatoribus impertirentur , perpenderent diligenter ac indagarent quibus illi pœnis & laboribus peccata sua expiassent. *Causæ pensandæ sunt , & tunc ligandi atque solvendi potestas exercenda , videndum est quæ culpa præcessit , aut quæ sit pœnitentia secuta post culpam* S. Greg. Homil. 26. in Evang.

2. Valent etiam illi labores ad impetrandam æternæ, quæ peccato debetur, pœnæ condonationem. Cum enim illa æternæ pœnæ condonatio ipsius peccati remissioni connexa sit atque obligata quæ res ad alteram impetrandam valet, eadem alteri pariter obtinendæ inservit.

3. Divinam iram avertunt, remonent omnino aut saltem valdè minuunt temporales pœnas quas vult Deus ob peccatum infligere. Id probat S. Thomas exemplo Achab. Regis. Supplem. quæst. 14. art. 5. *Verumtamen diminutionem, vel dilationem temporalis pœnæ merentur ejusmodi opera sicut patet de Achab. 3. Reg. 21.*

Id etiam probat adductum à Concilio Tridentino Ninivitarum exemplum. Sic enim habet sess. 14. cap. 4. ubi de contritione imperfecta loquitur. *Hoc timore utiliter concussi Ninivita, ad fœnæ prædicationem plenam terroribus pœnitentiam egerunt, & misericordiam à Domino impetrarunt.* Non erant in gratiâ constituti Ninivita, si quidem, ut ait Concilium, illam duntaxat imperfectam contritionem habebant, illumque divinæ iræ timorem qui per se non efficit hominem justum. Docent tamen cum scripturæ tum sacrosancta Synodus id effecisse populum hunc in eo ipso statu degentem, jejuniis ac reliquis ejusmodi operibus suis ut divinam iram placaret & impendentes sibi pœnas averteret.

Huc etiam congeri possent ea Concilii cap. 8. verba. *Neque verò securior ulla via in Ecclesiâ Dei unquam existimata fuit, ad amovendam imminentem à Deo pœnam, quam ut hæc pœnitentiæ opera homines cum vero animi dolore frequentent.* Non solos ad illa pœnitentiæ opera justos vocat Ecclesia, verum etiam peccatores. Imo videntur illi ad ea instigari vehementius, quandoquidem iis est ab imminente pœnâ & justitia Dei ultrici metuendum magis.

Vix ac ne vix quidem tria hæc ad istam propositionem vigesimam primam quadraverint. Licet hujus propositionis Author diverticulum sibi aliquod ad effugium reliquisse ex industria videatur, dum implicatis adedò ambagibus verbisque ita fallacibus & captiosis sententiam suam intricavit, tamen si modo bona fide agere voluerit fateatur necesse est *periculum nullum esse ne irrita omnino*

& nullius ad satisfactionem pretii sint quæcumque extra gratiæ statum poenæ luuntur ; etenim si triplicem quam reulimus , secum utilitatem importent dici nullatenus potest non esse eas neque satisfactorias , neque meritorias.

Porro inter omnes Theologos ac Catholicos , qui tres illas ejusmodi poenarum utilitates non agnoscat , reperire est omnino neminem. Idcirco probat Cardinalis Bellarminus , idque unanimi Catholicorum omnium consensu receptum esse & à Solis hæreticis negari innuit. *Actum poenitentiae quatenus ab auxilio , gratiæ & à libero arbitrio procedit , & hominem disponit ad justificationem , ipsius justificationis causam dici posse aliquo modo etiam efficientem* de Sacramento Poenit. lib. 2. cap. 12. Licet enim ibi agat de contritione , manifestum tamen est , hanc esse illius mentem ut principium aliquod generale stabiliat quod sit omnibus Poenitentiae actibus commune. Quin etiam dum explicat quemadmodum satisfactio divinam justitiam placeat & expiet peccatum , monet lectorem ut adeat ea quæ de contritione disseruit. *Quod si veteres Patres interdum actionibus humanis tribuere videntur , ut Deum ex inimico amicum reddant , atque adeo pro expiandâ culpâ satisfaciant , interpretandi sunt de satisfactione ex congruo , non ex condigno , ut Libro Superiore diximus de vi & merito contritionis* lib. 4. cap. 1.

Hæc sunt momenta gravissima quibus adducta quondam est , & etiamnum adducitur Ecclesia ut poenas subeundas imponat etiam iis , quibus , ut fiat de illorum poenitentia certior , aut aliis de causis , non statim concedendam esse absolutionem judicat. Sive autem illæ poenæ ante absolutionem & extra gratiæ sanctificantis statum exhaustæ , effectum suum sortiantur ex opere operato , ut probat Isambertus , disput. ultimâ *Non solum ex naturâ operis* ut loquitur S. Thomas in eo loco quem Isambertus citat , *sed etiam ex vi clavium quatenus pars Sacramenti* sive alio quovis modo , certè suus illis effectus non deest , *periculum non est ne irritæ omnino & nullius ad satisfactionem pretii sint.* Non peccat quæ eas imponit Ecclesia , sed maximè distat ab Stolidâ quam toties Montanistis & Novatianis objecit immanitate , qui poenas

imperarent ejusmodi quæ inutiles essent & ad veniam recipiendam non præpararent. *Nihil enim agendum est frustra, omnis autem pœnitentia agenda est . . . porro frustra agitur, si veniâ caret.* Sunt hæc Catholicorum verba quæ ipse sibi Tertullianus objicit postquam in errorem concessit Montanistarum. de Pœnit. cap. 3.

Illis etiam principiis nititur Sanctus Thomas, dum confessorios admonet ut rationem ducant laborum à pœnitente exhaustorum, ut pro acceptis habeant, ut tantundem ab iis quas injungere debent pœnis deducant, ut leviores imponant pro majori quibus ille se præmunierit, bonorum operum numero. *Quanto est major contritio, tanto magis diminuit de culpâ, & quantò aliquis plura bona facit in peccato existens, magis se ad gratiam contritionis disponit; & ideo probabile est, quod minoris pœnæ sit debitor, & propter hoc deberent à Sacerdote discretè computari, ut ei minorem pœnam injungat, inquantum invenit eum meliùs dispositum.* Suppl. q. 14. art. 3. 1.

Denique hoc fundamento stat communis, ut vocat Cardinalis à Lugo, Theologorum omnium sententia quæ docet posse aliquando Confessarium à Pœnitente etiam ritè ad recipiendam absolutionem comparato, exigere ut pœnis imperatis defungatur, priusquam hanc illi impertiat. Post quam ille Cardinalis propositionem hanc probavit *Confessarium posse differre absolutionem per aliquot dies, licet pœnitens sit legitime dispositus* n. 167. eandem confirmat. n. 170. *Ex communi Doctrinâ Theologorum qui dicunt posse Confessarium aliquandò obligare pœnitentem, ad implendam pœnitentiam ante absolutionem; quod licet non possit facere per modum vindictæ & punitionis, potest saltem facere per modum medicinæ, quando judicat id necessarium vel utile pœnitenti; ex eo quod soleat facilè omittere postea pœnitentias sibi impositas, vel ut Confessarius certus sit de pœnitentiâ impletâ, vel ob alios fines, ut docent Suarez, Reginaldus, & alii, quos refert & sequitur Bonacina. De Pœnit. dist. 5. q. 5. S. 3. Pun. 2. n. 20. de Lugo.*

Qui volunt verum esse illud factum, eamque fuisse pristinae Ecclesiae consuetudinem, ii sententiam suam multis argumentis muniunt. Adducunt illi ea quæ in Montanistas ac Novatianos Patres antiqui scripserunt. Quibus nihil magis familiare est quam ut illis hæreticis exprobrent ac crimini vertant quod tametsi ipsis cum Ecclesiâ Catholicâ conveniat, eamque in imperandis ejusmodi pœnis imitentur, tamen peccatores quibus illas injunxerunt veniæ spe non erigant ac sustentent. Extat illud argumentum in Libro Tertulliani de pudicitia cap. 3. in Epistolâ Cypriani 52. ad Antonianum, sub finem. Idem reperias apud Pacianum Epist. 1. Ambrosium de Pœnit. lib. 1. cap. 16. & lib. 11. cap. 9. Eadem consuetudo veteris Ecclesiae probatur ex Epist. S. Leonis 91. nunc 83. ad Theodorum Foro-Juliensem, ex Canone 21. Concilii 3. Tolentani, ex capite 7. primæ Innocentis primi Summi Pontificis Epistolæ, postremo ut alia mittantur, ex his ut putatur, Zephyrini Papæ verbis quæ à Tertulliano Montanistâ facto referuntur & refelluntur de Pudicitia cap. 1. *Ego Machiæ & fornicationis delicta pœnitentiâ sanctis dimitto.*

Constat quidem maturatam aliquando neque semper ad integram usque satisfactionis expletionem dilatam absolutionem fuisse, cujus rei fidem faciunt Ss. Cypriani & Leonis epistolæ; quin etiam, ubi hæc in Ecclesiâ consuetudo cœpit obtinere, ut plures gradus ac variæ quasi pœnitentiæ publicæ stationes distinguerentur, volunt Authores bene multi concessam absolutionem fuisse priusquam ad ultimam ventum esset illarum stationum; verum neque illæ neque aliæ quævis exceptiones unquam impedierint, quominus sit hæc vulgatissima inter Catherolicos Authores opinio, ut generatim loquendo, concessa non fuerit absolutio nisi post expletam si non omnino, saltem magnâ ex parte satisfactionem.

Si verum est factum illud; si fuit id prioribus Ecclesie sæculis constanter observatum ut ne daretur absolutio nisi post expletam satisfactionem quid jam superest? Quamvis enim hic ordo fuerit postmodum inversus, tamen sitne ille maximè rectus ac simplex, nullius ferè momenti quæstio est;

res absolvi non debere. Quæ voces damnant omnino tum præsentem Ecclesiæ morem, tum eum etiam qui olim ut modo observatum est, in quibusdam saltem occasionibus adscisciebatur. Liquidum est illam Ecclesiæ consuetudinem eâ quæ in propositione arguitur sententiâ, non daminari; neque enim insinuat illa opinio, non debere nunc à peccatis suis absolvi qui satisfactione sibi impositâ nondum omnino defunctus est. Sixtus 4. Constit. 17. licet ea. p. 3.

Quod attinet ad censuram quæ dicitur à Facultate Parisiensi edita die 1. Julii an. 1641. nulla neque illo die, neque toto deinceps anno extat quæ ad præsens argumentum pertineat. Nec verò usquam reperietur damnatam à Facultate Parisiensi fuisse opinionem illam quæ tantopere in propositione reprehenditur.

XXIII. PROPOSITIO.

Errant vehementer & turpi ac desendâ ignorantia laborant qui cum absolutione Sacramentali fori interioris permiscunt & confundunt ritus antiquos publicæ, Canonice & Cæremonialis absolutionis quæ vigente priorum severitate seculorum, palam & extra Penitentia Sacramentum ob scandalosa quadam ac publica flagitia quorum punitio ad forum exterius pertinet, nonnisi post perfectam omnino satisfactionem scandalum emendandæ causâ concedebatur, quæve nullatenus erat Sacramentalis.

VIGESIMA tertia Propositio evidentem habet cum vigesimâ secundâ cui consequens est Doctrinæ similitudinem; hoc ipso temeraria est & falsâ. Hinc etiam eminent projecta Authoris audacia & injustitia,

Nullus est, quod sciatur, Catholicus scriptor qui Sacramentalem à publicâ Canonicâ & Cæremoniali absolutione non decernat. Ex illâ utriusque absolutionis distinctione exurgit responsio ad ea quæ hæretici adversum nos ex 12. nunc Cypriani epistolâ depromunt, ubi le-

gitur absentibus Episcopis ac Presbyteris absolutionem quandam fuisse à Diaconis concessam.

Verum dum loquitur propositionis Author de iis qui Sacramentalem absolutionem à canonicâ & cæremoniali non distinguunt, facile intelligitur, id eum sibi proponere ut eos perstringat ac denotet quos in præcedenti propositione impugnavit, qui affirmant, *id fuisse prioribus Ecclesiæ sæculis constanter observatum ut ne daretur absolutio nisi post expletam satisfactionem.* Duplicem illam absolutionem ideo discriminat, ut significet, in more positum fuisse ut absolutio Sacramentalis, incunte, publica vero desinente demum satisfactionis tempore concederetur. Ut autem declinet ac eludat multa Patrum & Conciliorum loca ex quibus probatur absolutionem datam non fuisse nisi post expletam satisfactionem, ea ille ita vult interpretari quasi exteriorem quandam absolutionem, merè cæremonialem, & à Sacramentali distinctam denotent.

De ipsa quæstione nulla hic controversia instituitur de qua nihil quidquam ab Ecclesiâ decretum fuisse, jam antea declaratum est. Si qui sint qui propugnatam ab Authore propositionis opinionem sequantur ii ipsi non poterunt quin propositionem condemnent, multumque in eâ, si modo penitus introspicere voluerint, non audaciæ modo & malignitatis sed etiam temeritatis ac falsitatis deprehendant; idque in duobus præcipuè quæ illa propositio complectitur.

1. Sub falsa imagine repræsentat ille Author sententiam quam impugnat atque ut aliquem colorem quærat erroris & ignorantix nominibus quibus eam opinionem obruit, malignè insinuat duo quædam in eâ confundi, quæ revera non confunduntur, neque certè confundi ullomodo debent. Et vero qui ab Authore propositionis impetuntur, eos Sacramentalem cum publicâ Canonicâ & cæremoniali absolutione non confundere, vel ideo pater quod fateantur illi concessam multoties fuisse Sacramentalem absolutionem ob peccata quædam quæ poenitentix publicæ non erant obnoxia, adeoque publicâ, canonicâ & cæremoniali absolutione non indigebant. Accedit quod iidem agnoscant cæremonialem aut à poenis Canonicis

absolutionem datam aliquando fuisse ab iis quibus potestas non erat Sacramentalem à peccatis absolutionem conferendi. Reliquum igitur est ut vel Author propositionis opinionem oppugnet ejusmodi cui patrocinator nemo, vel si adversus explicatam modo sententiam insurrexit, eam misere deformet, aliter quam se habet exponat ejusque defensoribus imponere voluerit.

2. Erroris & descendæ ignorantix notas inurit, huic ita deformatæ à se opinioni. Ea certè nomina infligantur insultæ & absurdæ prorsus sententiæ quæ nullum nisi ignobilem & labefactatæ apud homines æstimationis, sui defensorum agnoscat, at vero quod illis omni contumelia ac vituperio plenis vocibus indignè traducatur validis licet argumentis nixa & apud plerosque Theologos recepta opinio, id illæfæ charitate, justitiâ, veritate, fieri non potest. Atqui talis est Sententia ab authore propositionis impetita. Legantur quæ in præcedentis propositionis examine dicta sunt.

Sed quoniam ideo in crimen erroris ac descendæ ignorantix adducuntur quos impugnat propositionis Author, quod de Sacramentali à peccatis absolutione intelligant ea quæ ille de cæremoniali & publica à pœnis canonicis absolutione interpretatur; haud abs re fuerit ostendere, nullam hæc in re neque erroris neque ignorantix labem reperiri: Duo tantum ad id SS. Cypriani & Leonis loca proferentur.

S. Cyprianus qui multis Epistolis & toto suo quam longus est de lapsis tractatu, id unum agit ut evincat concedendam non esse absolutionem etiam iis quibus martyrum rogatu solito citius indulgebatur nisi post decursum aliquod satisfactionis tempus, ita loquitur: *Ceterum si quis præpropere festinatione temerarius remissionem peccatorum dare se cunctis putat posse, aut audet Domini præcepta rescindere, non tantum nihil prodest, sed & obest lapsis. Tract. de lapsis.* Nemo fanè dixerit, errare vehementer & turpi ac descendâ ignorantiam laborare qui verba illa de remissione peccatorum aut absolutione explicaverit.

S. Leo epistolam suam 91. in nonâ editione 83. ad Theodorum Foro-Juliensem idedò scribit, ut ei denuntiet, deno-

gandam non esse reconciliationem neque communionem iis qui eam in extremo vitæ articulo positi efflagitaverint Sacramentalem procul dubio absolutionem illi flagitabant, hanc ipsam iis indulgeri vult S. Cyprianus. Id satis significat Sanctus ille Pontifex, dum ait eos tam parvo mortis discrimine esse ut *vix inveniat spatium vel Confessio Pœnitentis vel reconciliatio Sacerdotis* deinde dum adjicit *veniam ut dixi etiam talium necessitati ita auxiliandum est, ut & actio illis pœnitentie & communionis gratia, si eam etiam amisso vocis Officio, per judicia integri sensus postulant, non negetur* cap. 5.

Ex his patet velle Sanctum Leonem idque ex Ecclesiæ regula ut absolutio Sacramentalis ante satisfactionem concedatur iis hominibus quibus grave quoddam periculum mortis imminet. Atqui non minus apertum est eandem ab eodem regulam afferri ut quæ absolutio necessitate urgente ante decursum satisfactionis stadium indulgebatur, ea, extra necessitatis casum nonnisi post exhaustos omnino satisfactionis labores impertiatur *ut & confitentibus actionem Pœnitentie darent, & eosdem salubri satisfactione purgatos ad communionem Sacramentorum per januam reconciliationis admitterent* C. II.

Ita ratiocinantur illi Theologi quorum sententiam perstringit Author propositionis. Efficax sit illud argumentum necne, certè ideo tantum hic assertur ut pateat non posse illud *erroris & deflenda ignorantia insimulari.*

Sunt & alia quæ in eadem propositione merito notari & carpi possent.

Significat v. g. ille Author canonicam quam vocat absolutionem, adeoque satisfactionem publicam quâ illa concludebatur non cecidisse *nisi in publica quædam eaque atrocissima flagitia quorum punitio ad forum exterius pertinet. Verumtamen ex iis quæ ad 6. propositionem observata sunt, constat publicam satisfactionem ob secreta etiam flagitia fuisse impositam.*

Præterea, nullum alium, ut videtur, effectum, nullam aliam solemnem ejusmodi absolutionis, & quod consequens est, pœnitentiæ publicæ, rationem agnoscit ille Author præter scandalî emendationem. Erat tamen vetus hæc Ec-

clesiæ disciplina pluribus aliis iisque maximi momenti rationibus atque argumentis fundata. Nimirum hæc in primis Ecclesia intendebat, ut peccati contagio reprimeretur, cursus frænaretur, malitia plecteretur, ut placaretur ira Dei, misericordia flecteretur, ut sanarentur inflicta peccatoris animæ vulnera, ut ille se ad gratiam recipiendam abjectione sui voluptatumque omnium præcisione præpararet, &c. Ad extremum, non est dubitandi locus quin publicæ illæ poenæ effectum eundem obtinuerint & eodem fine impositæ fuerint quos exponit Concilium Tridentinum ubi de quavis satisfactione loquitur, *sessi. 14. cap. 8.*

Ex his omnibus patet propositionem hanc vigesimam tertiam non minus temerariam ac injustam esse quam quæ præcedit, atque adeo æque damna i hanc debere ac illam cui affinitate quadam devincta est.

XXIV. PROPOSITIO.

Sublatum eunt omnem Pœnitentia & Eucharistiæ usum, qui persuadere volunt non licere peccata sua confiteri extra Diœcesim imo ne extra parociam quidem suam. Efficax est dura hujusmodi atque imperiosa lex ad conflandum Pœnitentiæ Sacramento odium.

VIGESIMA quarta propositio falsa est, scandalosa, temeraria, regulis ac Canonibus Sanctorum Conciliorum contraria, idonea quæ subruat Hierarchiam, quæ perturbet concentum illum atque Harmoniam quâ fideles tenentur legitimis pastoribus suis adhærere ac eorum potestati subjacere.

Illa propositio censuram continet hujus alterius propositionis: *Non licet peccata sua confiteri extra Diœcesim, imo ne extra parociam quidem suam.* Quamobrem si vera sit hæc ultima propositio, si sancta, si ordini in Ecclesiâ tenendo consentanea, quæ illam condemnat periculosior est eò quò fellis arrogantia plenior.

Norunt omnes non licere apud eum Sacerdotem peccata deponere neque absolutionem ab illo recipere qui potestatem absolvendi non habeat, eam vero potestatem nihil aliud esse quam jurisdictionem ipsi in certum fidelium numerum concessam. Ex illo Sacerdotibus collato jure exurgit quædam in fidelibus subjacendi necessitas ita ut quemvis pro libito confessarium eligere nequeant, sed eos adire teneantur qui sunt ipsis attributi. Id Statuit Tridentina Synodus sess. 14. quâ doctrinâ stat quidquid de casibus reservatis docet idem Concilium.

Cum igitur Episcopus in omnes suæ Diœceseos, Parochus, in omnes paræciæ suæ fideles jus obtineat, sequitur privati cujusdam arbitrio non permitti, *ipsi non licere*, subducere se præsulis sui jurisdictioni, si extra Diœcesim, aut Parochi, si extra paræciam peccata sua depositum eat. Est hæc legitima & à multis sæculis in Ecclesia comparata ratio. Id obtinebat multo ante regulares exortos tempore. Ille mos non modo non in desuetudinem abiit dum ad Hierarchiæ quædam ministeria admissi regulares sunt, ut etiam novum inde robur acquisierit, siquidem ita illi admissi fuerunt ut semper ratio duceretur antiqui illius & longo usu consecrati ordinis, ut ei se ipsi subjicerent.

Sed quemadmodum regulam generalem non destruunt sed confirmant potius ac quasi muniunt peculiares exceptiones, ita pariter hæc regula quæ in se verissima est, *non licere extra Diœcesim*, imo *ne extra paræciam quidem suam peccata deponere*, certis quibusdam exceptionibus restringitur quæ illam non tam pessumdant quam stabiliunt magis ac novis viribus adaugent.

Est vulgo recepta & in pietate fidelium posita consuetudo ut si quis itinere suscepto à suâ Diœcesi peregrinetur liceat peccata sua probato in ea ubi est, Diœcesi, Presbytero confiteri, qui usus bona fide ac pietate Christianorum nixus atque fundatus non prodest si istud fiat pravo animo & , ut vocant, fraude ac dolo malo, nimirum ut se quis Episcopi cui eum divinæ mentis providentia subjecit jurisdictioni furetur ac surripiat. Vult Sanctus Carolus tanquam inconfessum haberi qui ea mente at-

que consilio in aliam Dioecesim peccata sua confessurus migraverit. *Qui ad Confessarium etiam regularem in alienâ Dioecesi commorantem deditâ operâ se conferens, peccata sua sit Confessus, nisi Confessarius ille, & ab Episcopo loci & à confitentis ordinario ad confessiones audiendas probatus erit, ei tanquam inconfesso Parochus Eucharistiæ Sacramentum ne præbeat. Illius præterea ordinarius cujus Confessionem ille Sacerdos non probatus audierit, ne eum patiat in suâ Dioecesi Confessiones per biennium audire, neque ibidem concionari* Concil. 3. Prov. p. 1. de iis quæ ad Pœnit. Sacr. pertinent; quod iterum inculcat in 3. Synodo Dioecesanâ ubi loquitur de Confessione Paschali. Idem videre est in mandatis Synodalibus Gratianopolitanæ Dioeceseos tit. 6. art. 6. n. 38. quid eâ de re sentirent jam diu aperuerunt Theologi 33. in decisione an 1666. typis mandatâ casu 28. ad 3. quæstionem.

Est hoc etiam in more positum, ut quamvis Sacerdoti non liceat ad Confessionem admittere eum qui de sua paræcia non est, admittat tamen si forte eum illuc iter detulerit, modo absit dolus, modo non eo animo venerit ut se paræciæ suæ subducatur. Id etiam jubet Sanctus Carolus in 11. suâ Dioecesanâ Synodo *Monita executionis decretorum quæ ad Sacramentalia &c, Nequis Parochus Confessionem audiat hominis alienæ Parochiæ. Advenas autem & peregrinos quos intra Parochiæ suæ fines brevi tempore in Dioecesi morari contigerit, audire liceat, etiam tempore Paschali, nisi fortasse de industriâ eo accesserint, ne in Parochiali Ecclesiâ Sacramenta sumant.*

Ex illo eodem usu atque ex permisso Summi Pontificis licet regularibus in aliquâ Dioecesi approbatis audire peccata eorum omnium, qui in illa Dioecesi versantur, ex quacumque sint paræciâ dum ii se se offerunt, excepto tempore ac demptis occasionibus, quibus id Ecclesiæ Institutis, Decretis. Antistitum ac variâ Doeceseon disciplinâ prohiberi potest.

Attamen, ut jam observatum est nedum exceptiones illæ suam huic legi vim auferant, *Non liceve extra Dioecesim, imo ne extra paræciam quidem suam peccata confiteri, majorem contra ei addunt auctoritatem. Neque enim in*

occasionibus supra memoratis censerī quisquam debet extra Diocesim aut parāciam suam peccata deposuisse.

Itaque quamvis illa lex quæ jubet omnes unoquoque anno peccata sua in propriā parāciā confiteri, nonnullas ex iis quas modo retulimus exceptiones recipiat, ut ex verbis S. Caroli intelligere est, verbis tamen generalibus effertur tum apud Lateranense Concilium in celebri Canone *omnis utriusque* tum in plerisque ritualibus libris, in quibus, ut & in Parisiensi legitur, debere fideles omnes saltem semel unoquoque anno peccata deponere apud Pastorem suum aut alium quemvis Sacerdotem cui has ille partes demandaverit. In concione vulgo *prædicatione* Dominicis Passionis & Ramorum fieri solitā: quæ propositio in eandem censuram incurrit ac ea quæ in hac vigesimā quartā notatur, si quidem in eandem omnino cum illā sententiam conspirat.

Vera igitur & probanda est generalis illa lex *non licet peccata sua extra Diocesim, imo ne extra parāciam quidem suam confiteri* neque condemnari aut reprehendi ullo modo potuit sed dumtaxat ad usum ac disciplinam Dioceſeos explicari.

Quin etiam, posset Episcopus pro jure suo legem illam in suā Diocesi ad verbum & recisis quibusvis exceptionibus observandam imperare. Exempli gratiā, prohibere posset ne ulli regulares quantumvis in suā Diocesi approbati quempiam ad Confessionem admitterent nisi qui ad eos à Parochis remissus fuisset, aut, quod idem est, posset indultæ regularibus approbationi clausulam hanc inferere *de consensu rectorum* quæ vulgo in approbandis aliis Sacerdotibus enuntiatur. Nullum eā de re dubium superesse potest, post tot Summorum Pontificum Bullas, tot decreta Congregationis Cardinalium, post edita Cleri Gallicani instituta, post latum in Regulares Aginenses edictum, aliaque id genus argumenta plurima quibus evincitur posse Episcopos facultates quas Regularibus concedunt audiendi peccata, quibus voluerint exceptionibus ac limitibus circumscribere.

Atque hinc evadit ista propositio reprehensione ac censurā dignior cum ipsa unius Episcopi verba impugnet.

Quod

Quod in ea affirmetur sententiam illam *Sublatum ire Pœnitentiæ & Eucharistiæ Sacramenta* id intolerandæ audaciæ est. Quod autem in eandem illam sententiam conjiciantur ea quæ ab hæreticis adversus Cofessionis necessitatem congesta sunt, videlicet *duram esse hanc legem, asperam, imperiosam, valere illam plurimum ad conflandum Pœnitentiæ Sacramento odium*, id vero insanix cumulus est, neque habet ultra quo impotentis animi æstus abripiatur.

XXV. PROPOSITIO.

Rem molitur si qua fingi potest, horribilem, atrocem, infert Sacramentis contumeliam, adeoque viam munit ad ea penitus subruenda, præripit fidelibus eam qua ipsis inest Confessarios sibi eligendi facultatem, spernit auctoritatem Summi Pontificis, deflektit ab Ecclesiæ consilio & voluntate conceptis vocibus in Iubilei Bullis expressâ super illa Confessarios eligendi potestate, qui vetat, ne quis ad Catholicam Fidem recens conversus, aut quivis alius de hæretico genere peccata sua per Paschale tempus concionatori Monacho confiteatur, ea nimirum prætentâ ratione quod cum ille vulgo ibi non commoretur brevique sit, post expletum muneris sui stadium discessurus, per temporis angustias non possit probatam habere illorum hominum Fidem, religionem, penitentiam neque penitus indagare sintne, ut par est, ad recipienda Sacramenta comparati.

VIGESIMA quinta propositio singularem quemdam casum attingit quo in casu debuit agere Episcopus prout infusa ipsi à Deo prudentia suggessit. Quoquo modo se gesserit unum habet facti sui arbitrum ac judicem Deum, certè illud excutere ac reprehendere hominum non est ipsius ditioni subditorum. Fieri quidem potest ut inter eos qui recens ad Catholicam Fidem accesserunt quive de genere sunt hæretico reperiantur nonnulli qui suæ pietatis, suæ in Ecclesiæ Sacramenta venerationis, suæ

in adimplendis omnibus officii sui partibus diligentia tam insignia argumenta dederint , ut durum videri posset si concessa universæ paræciæ facultas peccata sua apud doctum concionatorem deponendi iis unis denegaretur. Sed fieri etiam potest. ut nonnulli reperiantur , imò verisimile est non defuisse quosdam ejusmodi , quibuscum eo modo qui in propositione refertur , agi non utile modo sed etiam necesse fuerit.

Forte etiam id consilii ac prudentiæ fuit , quod Episcopus legem fixerit omnibus qui nuper ad Catholicam Fidem redierant, sive quod paucorum omnino vera ac sincera illa mutatio esset , sive quod parum sciens haberetur ille concionator earum rerum quæ cum hujusmodi hominibus tractandæ veniunt , quamvis aliundè potuerit cum laude , concionatoris officio fungi & aliorum Christianorum conscientiam introspicere ac regere.

Atque hætenus de ipso Antistite disputare vacat. Id vero prætermitti nequit Authorem propositionis in temeritatis & scandali crimen venisse , qui Episcopum hæc in re vituperare ausus sit ; ita namquæ populorum animos adversus Antistitem suum exulcerat ac sollicitat , à quo illi deficere non possunt quin simul à Christo & Ecclesiæ Societate deficiant. *Scire debes Episcopum in Ecclesiâ esse , & Ecclesiam in Episcopo ; & si quis cum Episcopo non sit , in Ecclesiâ non esse* Sanctus Cypr. epist. ad Florent. refertur c. scire debes 7. q. 1.



XXVI. PROPOSITIO.

Fateor equidem bene agi cum illis hominibus qui nulum pietatis sensum habent, qui eoque sunt Divina gratia rebelles ut in letalia flagitia precipites uliro ruant, si per breve aliquod tempus a Sacra Christi mensâ removeantur ad injiciendam ipsis Divina illius esca venerationem. Id potissimum observari debet cum quis in turpium atque atrocissimorum flagitiorum cano diu basit & praesertim in impudicitia criminibus consensuit a quâ maximè abhorret Divina Virginitatis sponsi castitas ac sanctimonia. Id tamen nullatenus patrocinari debet consuetudini novatorum, hostium Eucharistiae infensissimorum qui per quatuor, per sex menses, per annos quandoque integros Sacramentorum aditum Pœnitentibus intercludunt, ut illi nimirum miseri omne desiderium, sensum omnem, omnem Divini illius alimentum recordationem abjiciant, postremo ut in iis fastidium quoddam, quaedam ab Eucharistiâ imo & Confessione ingeneretur aversio. Sacra Communionis dilatio iis hominibus precipienda qui in gravissimis ac maxime portentosis sceleribus diu jacerunt & inveteratam contraxerunt fœdissimorum peccatorum consuetudinem ultra decem aut quindecim dies protrahi non debet: nonnumquam quatuor aut quinque sufficient, ne illi maximo quod eorum infirmitati afferri possit, subsidio hoc est Sacra Communionem, priventur.

VIGESIMA-SEXTA Propositio falsa est, erronea, scandalosa, Christianas aures offendit, Christo, atque Augusto ipsius Corporis & Sanguinis Sacramento contumeliam facit, valet ad retinendos in peccatis Christianos, ad elevandam clavium auctoritatem, ad expellendum gravissimorum flagitiorum horrorem ac pœnitentiam, non multum abhorret ab impietate & blasphemiâ.

Quamvis certum ac definitum omnino tempus figi ne-

queat quousque Absolutionis ac Communionis dilatio ; dum ea expedit, producenda sit. Quamvis ob imminens mortis periculum aut summum quem pœnitens exhiberet, dolorem , debeat id maturari quod leges ordinariæ retardant, tamen quoniam Propositio generatim loquitur, agitque de regulis & casibus maxime usitatis debent in ea bene multa designari quæ defendi non possunt & à sanctis fidei Christianæ institutis quam longissimè recedunt.

I. Magnam id temeritatem atque audaciam habet quod ab Authore Propositionis, *Novatorum, Hostium Eucharistiæ infensissimorum* nomine appellentur ii qui homines gravissimorum criminum reos ab Eucharistiâ, *Per quatuor, per sex menses, per annos quandoque integros rejiciunt.* Refunditur atrox illud & indignum prorsus crimen non in Eliberitanum modò, aliaque id genus Concilia plurima, sed in Ecclesiam quoque universam, cujus non immerito dici potest hanc fuisse veterem disciplinam ut publicos pœnitentes per multos menses aut etiam per multos annos, non a communione duntaxat sed ab ipsa etiam absolutione amandaret quemadmodum est ad xxiii. Propositionem declaratum.

Mutata quidem est hoc in negotio Ecclesiæ disciplina. Non modo jam pœnitentiæ publicæ usus non viget, sed etiam id vulgo obtinet ut ad concedendam absolutionem non expectetur donec expleta sit Pœnitentia.

Sed Disciplinam duntaxat, non mentem Ecclesia mutavit, & hæc illius constans ac perpetua regula verbis ipsius Christi nixa, *nolite dare sanctum canibus* Math. 5. Apostoli deinde præcepto renovata, *probet seipsum homo* 1. Cor. 11. tot olim Sanctis Patribus attestata, tot Conciliis confirmata, tanto studio ac sollicitudine in nostris Ritualibus libris etiamnum inculcata ut nemini à confessariis neque absolutio neque communio concedatur nisi in quo, re maturius expensâ, nihil omnino desiderari viderint eorum quæ sunt ad utramque recipiendam necessaria.

Nullam neque tutiorem neque prudentiorem regulam sequi potes ad æstimandum quidnam debeas ab eo qui peccata sua confitetur, exigere priusquam absolutionem

illi impertiaris, quam si ea ab ipso postules quæ Concilium Tridentinum necessaria esse affirmat ut quis in gratiam cum Deo redeat per justificationem. Illa perro ad sex omnino conditiones revocari possunt quæ *Seff. 6. cap. 6.* fusius explicantur. Quandiu iis caret qui peccata sua confitetur frustra eum absolvit Sacerdos cum justificationis gratiam recipere non possit, atqui non raro accidit ut quædam imo multæ ex illis conditionibus desint in eo qui peccata sua deponit; aliunde vero satis longo opus est tempore ut eas possit assequi.

Quamobrem non unus quidam sed omnes Rituales libri adeoque Ecclesia universa juxta Sancti Caroli mentem, in suis ad Confessarios erudiendos institutionibus, hoc præcipiunt, *Videat diligenter Sacerdos, quando & quibus conferenda* (addunt multi) *vel neganda, vel differenda sit absolutio; ne absolvat eos qui talis beneficii sunt incapaces, quales sunt qui nulla dant signa doloris, &c.* Sunt igitur qui dum ad Confessionem accedunt nullatenus idonei videri debent quibus absolutio concedatur, sunt quibus non modo differenda, sed etiam omnino deneganda est. Denegari debet iis quorum ita præceptis in malum animus videtur ut rapta restituere & injurias condonare nollint &c. Debet iis differri qui non nisi fluctuantem ac incertam habent criminis reliquendi voluntatem, qui nondum satis obfirmato animo sunt ut se subtrahant ab omnibus peccandi illecebris, quas occasiones proximas appellunt, &c. Tandiu autem differri debet usquedum credendi locus oboritur debilem illam ac infirmam voluntatem in verum quoddam & tenax propositi consilium cessisse. *Certum est inquit Cardinalis de Lugo, quando dilatio necessaria est ad explorandum propositum Pœnitentis, de quo non satis constat, posse & debere differri absolutionem, de Pœnit. disp. 14. sect. 10.* quæ mutatio non fit repente aut horæ momento, sed nonnumquam sat longum temporis spatium postulat præsertim in peccatoribus ejusmodi quos adumbrat Propositio qui turpissimis quibusque flagitiis miserè tenentur implicati. Illorum namque vitiorum vincula non nisi post multos conatus ac diuturna certamina rumpi posse tum Sancti Augustini exemplum tum ea quæ

scripsit ipse in suis confessionibus , satis testantur. *Lex enim peccati est violentia consuetudinis qua trahitur & tenetur etiam invitatus animus , ex merito , quo in eam volens illabatur.* Conf. lib. 8. cap. 5. & seq.

Quod non ita debet accipi quasi certam quamdam legem figi oporteat Pœnitentes per quatuor , per sex menses , per annos etiam integros removendi. Ex hac ancipiti atque alternâ loquendi ratione satis patet ab iis quos impugnat Propositio , certam ac fixam regulam non statui. Non ex diuturnitate temporis computanda regula est sed ex affectu & pietate Pœnitentis , quam ut compertam habeas ut plurimum quidem intervallo quodam opus est , sed non eodem cum omnibus , cum nonnullis longiori , cum aliis breviori. Ac quemadmodum nonnulli forte reperiuntur quos necesse non fuerit per quatuor & sex menses probari , non desunt etiam qui post anni experimentum iidem omnino sunt , aut etiam peiores quam cum peccata sua primum deposuere.

Neque expedit quemvis peccatorem , per quatuor , per sex menses , per annum integrum remove , ita ut qui absolutionem ei differt Sacerdos prohibeat ne ille se ante consumptum istud tempus ad Confessionem sistat , imo optimum factu est si jubeatur aliquoties peccata sua Confessurus accedere donec absolutionem receperit , ut quicquid inesse potest in admonitionibus in cohortationibus roboris ac subsidii , id illi omne conferatur. Exigit etiam plerumque prudentia ut non Statim Pœnitentis animo terror incutiat , quod ita contingeret aliquando si confessarius ei renunciaret non esse cur ante quatuor aut sex menses , absolutionem vel communionem dari sibi posse speret. Poterit ei significari , nullo certi temporis definito spatio , omnia in bonis quas comparabit atque exeret dispositionibus , esse posita.

2. Nullatenus id ferri potest quod affirmat propositio , nimirum dum homines in gravissima scelera prolapsi , *per quatuor per sex menses , &c.* à sacra communione remouentur id effici , *ut illi omne desiderium , sensum omnem , omnem divini illius alimenti recordationem abjiciant , postremo ut in iis fastidium quoddam , quædam ab Eucharistiâ , imo*

Confessione ingeneretur averſio. Reſilit illud crimen in Eccleſiam univerſam cujus vetus hæc Diſciplina fuit ut homines gravibus peccatis obſtriſtos per plures aut menſes , aut etiam annos a Sacra Chriſti menſa repelleret ; reſilit in omnes Epiſcopos qui eaſdem quæ modo ſunt ſtabilitæ , regulas etiamnum præcipiunt. Si quâ alia re effici poteſt , *ut omne deſiderium, ſenſus omnis, omnis Divini illius alimenti recerdatio abjiciatur* præſertim vero feſtinatâ illâ ac præcipitatâ communionem quæ hoc ipſo indigna evadit. *Hoc eſt enim indignè accipere , ſi eo tempore accipiat quo debet Pœnitentiam agere* ut loquitur antiquus ſcriptor , atque ut Tractatus Sancti Cypriani de lapſis nimis inviſtè probat quam ut alia quæ in Sanctorum Patrum ſcriptis innumera occurrunt huius rei argumenta referre neceſſe ſit.

3. Non poteſt ſine horrore quodam ac tacitâ indignatione audiri quod in eadem propoſitione ſubjicitur. *Sacrae communionis dilatio iis hominibus præcipienda qui in graviffimis ac maximè portentofis criminibus diù jacuerunt, & inveteratam contraxerunt fœdiſſimorum peccatorum conſuetudinem ultra decem aut quindecim dies protrahi non debet, nonnunquam quatuor aut quinque ſufficient.* Non tantòpere in illam propoſitionis partem reclamaretur, ſi Pœnitentis nomine intelligi voluiſſet iſte Author , homines ſuorum ſclerum verè pœnitentes , peccatores contritos , humiliatos , ad Deum converſos quos non tam probari neceſſe eſſet quàm magis ac magis in dies repurgari quò digniores fierent qui ad Sacram Synaxim admitterentur , poſtremò quibus nihil jam agendum ſupereſſet niſi ut recuperatam in Pœnitentiæ Sacramento gratiam novâ ſanctitatis & aliarum quæ communionis fructum augent piæ mentis affectionum acceſſione cumularent. Sed obſcurum non eſt illud nomen ab Authore propoſitionis iis omnibus promiſcuè tribui qui peccata ſua deponunt , in quem ſenſum accipi ſolet quoties pœnitens cum Confefſario comparatur. Inde fit ut illa propoſitionis pars ab Eccleſiæ Doctrina , ab frequentata primis ſæculis , & noſtris etiam temporibus reſtentâ conſuetudine , ut ſuprà demonſtratum eſt, tam longè abhorreat.

Quidam è Societate Jesu vir tum Doctrinâ tum pietate conspicuus qui sub finem posterioris sæculi tractatum quemdam de Eucharistiæ Sacramento composuit videtur istud tam periculosæ opinionis monstrum præsensisse atque ut ei responderet occupasse. *Est qui postquam innumera crimina & horrenda sceleva Sacerdoti patefecerit, perendino aut tertio die carne & Sanguine Christi refecti non timeat; quod sanè non est permittendum; quoniam qui habitum peccati contraxit, non nisi magno nisu respiscere magnâque animi contentione excitare in se salutiferum peccatorum dolorem valet.* Addit postea ejusmodi homines in sua crimina citò referri quod ipsis sat graves ac operosæ pœnæ non infligantur unde sentire possent quæ sit scelerum suorum atrocitas, eaque gemitibus ac lacrymis expiare. In hujus rei confirmationem adducit multorum pietatis ac sapientiæ non contemnendæ Confessariorum experientiam qui innumeros homines, ab imbibitâ gravissimorum peccatorum consuetudine retraxerunt quod dilatâ absolutione sæpius ad Tribunal ut animi statum identidem aperirent, illos redire jussissent, impositâ interim delictorum pœnâ Emericus de Bonis de Sanctiss. Sacr. altaris. c. 19. apud Contensonum to. 8. dissert. 4. cap. 2. quod apprimè congruit cum S. Ambrosii Doctrinâ lib. 2. de Pœnit. cap. 9. *Nonnulli ideo poscunt pœnitentiam, ut statim sibi reddi communionem velint. Hi non tam se solvere cupiunt, quam Sacerdotem ligare: suam enim conscientiam culpâ non exuunt, & Sacerdotis induunt, cui præceptum est. Nolite dare sanctum canibus, &c. neque miseritis margaritas vestras ante porcos, hoc est immundis impuritatibus sanctæ communionis non impertiendo consortia.*

Est etiam dignissima reprehensionis ea ratio, quam affert idem Author in stupendæ suæ opinionis argumentum *Ne pœnitentes maximo quod eorum infirmitati possit afferri subsidio priventur.* Possent ea verba benigniùs in sensum laudabilem inflecti si illa de qua mentio fit infirmitas esset quid aliud à peccato mortali vel à peccati amore ac studio. Neque enim negatur necessarium non esse ut per longum aliquod temporis spatium à communione rejiciantur ii qui nullum residuum habere peccati studium qui à criminibus suis sincerè recepti, uno verbo qui absolutione digni prudenter

ac consideratè judicantur. Sed quoniam ii qui propositionis Authori poenitentes appellantur adeo non sunt ejusmodi ut etiam vulgo legitimus sit credendi locus, nunquam fore ut postquam *in sædissimis ac maximè portentosis criminibus diu jacuerunt*, ab iis se decem, aut quindecim, quanto minus quatuor, aut quinque dierum spatio, prorsus expediant; quandiu non habent nisi nascentem illam criminis relinquendi voluntatem quæ nondum sat firma est ut vincat affectum peccati, quemadmodum describit Augustinus lib. 8. Confess. cap. 5. imbecilliores æstimari debent quam qui solidum ferant Eucharistiæ panem, quod robustius ipsis alimentum est, eosque prægravaret ac suffocaret potius quam juvaret ac sustentaret.

Quæcumque in hanc propositionem observata sunt ed collimant ut astruatur communionis aut absolutionis dilationem non ex temporis spatio sed ex Poenitentium dispositionibus esse computandam; alii namque cum primùm se offerunt facilè reconciliari possunt & in Sacramentorum participationem venire, utpote qui statim verè poenitentes accedant; alii contra cum nomine tenus poenitentes sint etiam postquam se vicesies per annum stiterunt usque debent differi ac excludi, usque dum rite, ut decet affecti ac comparati veniant.

XXVII. PROPOSITIO.

Salutationes, profana cantilena, aliaque id genus nugæ bacchanales (eo nomine appellat Author propositionis infames illas choreas ac tripudia, insanos larvatorum hominum concursus, aliasque scandalosas ac criminosas actiones quæ ea de quibus agit facinora comitabantur) *ludi sunt innoxii, voluptates honestæ, ita ut propter illos nemo sit à Parochis vel Confessariis, neque absolutione fraudandus, neque rejiciendus à communione, neque ad publicam ullam satisfactionem cogendus.*

VIGESIMA septima propositio falsa est, scandalosa, Christianæ austeritati ac sanctitati contraria, ad fovendas libidines & depravationem morum propagandam idonea.

Huic tam laxo , tam turpi , tam à Christianæ religionis institutis degeneri placito , trium ævo posteriore celeberrimorum Antistitum sententiam sufficiet opponere.

Insidebat in animo S. Caroli longè discrepans ab illa propositione opinio cum è recenti pestis morbo convalescens , institutionem quâ populum suum edoceret Italicâ linguâ exaravit. In ea Bacchanalis temporis oblectationes appellat *reliquias Etônicae superstitionis*, choreas illas ac tripudia , illos larvatorum hominum insanos concursus vocat oblectamenta detestanda , execrabilia , perniciofa ; ex illo quasi fonte maxima quæque vitia diffuere ac permanere asserit , iis corpus , famam , æstimationem , modestiam , & quidquid est Christianarum virtutum fatiscere omnino ac pessumdari. Ad illa deinde hâs Apostoli voces accommodat *Hoc igitur dico & testificor in Domino , ut jam non ambuletis sicut & gentes ambulant in vanitate sensus sui , &c.* & Paulo post , *nemo vos seducat inanibus verbis : propter hæc enim venit ira Dei in filios dissidentie* S. Car. lib. memoriales cap. 7.

Similem de illis oblectamentis opinionem imbiberat Cardinalis Paleotus , sub illis fraudes dæmonis callidas , & laqueos latere existimat , eoque præsertim Bacchanali tempore pronos præcipientesque esse in flagitia mortales , & omne omnium vitiorum genus quasi orto diluvio abundare : *Ut soluti teterrimi hostis nostri laqueis quos hoc præsertim tempore solet tendere , caute agentes , non luxui , non ludis ; non choreis , aliisque hujusmodi diaboli artibus vacent. Hujusmodi temporibus maximè propensiones in peccata , & peccata ipsa abundant.* Orat. in Septuag. de Bonon. Eccles. admin. p. 4.

S. Franciscus Salesius in suâ ad piam vitam introductione de choreis ac saltationibus mentionem facit. Eas non omninò tanquam res per se malas , neque enim sunt in speculatione atque abstractione quadam metaphysicâ , condemnat , sed ab iis duntaxat tanquam à rebus periculosissimis Philotheam suam avertit : ac si videtur annuere ut quandoque illis interfit , cum videlicet ineluctabilis urgebit necessitas , ad id conditiones præscribit ejusmodi ut multò facilius sit abstinere ab iis omnino quam , si non

abstineat , præscriptas leges non infringere. Verumtamen quamvis supponat ibi affore neminem nisi pium & moratum , quamvis istiusmodi oblectationibus nonnisi cautè ac prudenter usuram Philotheam suam intelligat , quamvis inde sublatam procul dubio velit omnem luxuriæ ac intemperantiæ suspicionem nihilominus ita totum hunc locum absoluit. *Supponantur quamlibet honestæ , saltationes illæ ac choreæ , non tamen certè carebunt periculo. In illos caliginosos cætus velut in commune quoddam receptaculum confluunt quæcumque alicubi regnant vitia , iurgia , rixæ , odia , divisiones , lasciviæ , Facile deliniuntur mollia pectora in ea se dulce Venenum sensum insinuat o Philothea , insulse istiusmodi oblectationes sua fere secum pericula important , pietatem debilitant , nervos omnes mentis frangunt , charitatis ardorem imminuunt ac mille in animâ cuiusvis generis malos affectus excitant.* p. 3. chap. 33. Illa verba cum propositione non congruunt : qui sic loquitur ille choreas & saltationes non appellat : *Ludos innoxios , voluptates honestas futesque nugas.*

Quantum ab Authore propositionis hac in parte dissideat Ecclesia satis intelliget qui attendere voluerit ad ea quæ illo tempore fieri atque observari sollicitè præcipit. Eo argumento utitur S. Carolus in Concilio suo Provinciali 3. Idem fusius explicat in Pastoralis Septuagesimæ institutione. Hinc etiam Cardinalis Paleotus ea colligit quæ supra retulimus , additque Ecclesiam ut vitia virtutibus retundat , consentaneè ad antiqua Patrum instituta ac decreta Conciliorum postulare uti per illos dies jejuniis , orationibus , Litiis , supplicationibus aliisque tum privatis , tum publicis exercitationibus operam fideles impensius navent. *Cum itaque ex antiquo Sanctorum Patrum instituto , decretisque plurium Conciliorum Statutum sit . &c.* Quod attinet ad satisfactionem publicam de quâ sub finem propositionis sermo fit : si publica fuerunt ejusmodi flagitia , tenendus erit ordo ac disciplina Dioeceseos. Sunt quædam Bacchanalium dierum oblectationes quas non modo publicis poenis publicæque satisfactione expiari Canones volunt , sed etiam excommunicatione feriunt , *ipso facto.* Hanc poenam Aquense Concilium in eos statuit qui

in aliquo larvatorum aut saltantium conventu vestes sibi Religiosorum hominum aut mulierum adsciverint. Nullus etiam vestibus Religiosorum hominum aut mulierum utatur ad larvas vel ad scurrilia sub pœnâ excommunicationis ipso facto incurrens. De Ecclesiis & earum cultu.

XXVIII. PROPOSITIO.

In eo loco qui ad Sacram Missam divinaque Officia celebranda consecratus est, possunt ex ipsis Ecclesiæ regulis nullâ aliâ præmissâ benedictione sine ullo singulari privilegio corpora humari Christianorum; cum enim ille locus ad sacratissimum Religionis nostræ Mysterium sit inauguratus, ejusmodi consecratio alterius cujuscunque vices supplere potest. Quod si Episcopus istud improbet dici potest majori apud eum in honore ac studio esse putidum cadaver, quam Augustissimum Eucharistia Sacramentum, nihilque tum vivis tum mortuis, injuriosius, nihil nec in seculares iniquius excogitari posse quam si tales sepultura prohibeantur.

VIGESIMA octava propositio quoad rem ipsam spectat falsâ est atque Ecclesiæ regulis & usui contraria; quoad verba quibus illa exprimitur, immodica, impudens, temeraria. Prætermittimus, quod Author propositionis tam acerbè convicietur judicium ab Episcopo latum de illâ re quam pro suo jure perpendere ac decidere potest.

Erat hæc olim instituta lex, ut ne cujusquam corpus in sacris ædibus humo mandaretur. Ex quo tempore id juris Ecclesiæ concessit ad humana in templis corpora fidelium necesse non est ut in iis consecrandis alii ritus adhibiti fuerint quam qui in Pontificali præscribuntur si solemnis à Præsule fiat dedicatio, aut in Rituali libro, si simplex à Sacerdote benedictio.

Sed præter solemnem illam inaugurationem templorum, sunt & aliæ quædam exque non ita solemnes benedictio-

ries ac cæremoniæ quæ in privatis quibusdam ædibus domesticisque sacellis consecrandis observantur. Ejusmodi loca ad Sacram Missam divinaque Officia celebranda consecrata sunt, in iis tamen mortuos sepulturâ afficere non licet, nisi potestatem hujus rei fecerit Episcopus quem penes est locum ad fidelium sepulturam assignare.

XXIX. PROPOSITIO.

In hominibus Religiosis id immerito reprehendit Episcopus tanquam prævum ac noxium, quod in eorum Choro, diversa extent Sanctorum è suo ordine vivorum Tabula quæ expressos præterea gerant eorum Religiosorum vultus qui tum aderant cum imagines illæ pingentur; imo neque improbare potest quod in Tabulis Sanctos tertii, ut vocant, ordinis sui homines exhibentibus intersint laicorum, ejusdem loci species adumbrata. Illud tanti non est ut reprehendi debeat aut refelli.

VIGESIMA nona propositio proferri non potuit illibatâ Sanctarum Ecclesiæ regularum autoritate. Derogat etiam illa debito Episcopis honori ac reverentiæ, quibus id muneris incumbit ut regulas, illas ac præcepta diligenter observari provideant.

Satis superque sunt sola Concili Tridentini verba in decret. suo de invocatis & veneratis, &c. sess. 15. tum ad illam propositionem refellendam, tum ad eos de quibus agitur Religiosos homines confodiendos. *Postremo, inquit Concilium, tanta circa hæc diligentia & cura ab Episcopis abhibeatur, ut nihil inordinatum, & præposterè ac tumultuariè accommodatum, nihil profanum, nihilque inhonestum appareat: cum Domum Dei deceat sanctitudo. Hæc ut fidelius observentur, statuit Sancta Synodus nemini licere, ullo in loco, vel Ecclesiâ, etiam quomodolibet exemptâ, ullam insolitam ponere, vel ponendam curare imaginem, nisi ab Episcopo approbata fuerit. Id tanti esse S. Carolus existimavit, ut excommunicationem ab Episcopo intentari crediderit posse Rectoribus locorum exemptorum licet ac libe-*

torum, qui hâc in re Synodi Tridentinæ decreto refragati essent Rectoribus etiam Ecclesiarum, qui ullam *Sacram imaginem insolitam*, contraque illius Concilii sanctionem, in suis Ecclesiis, etiam exemptis, poni permiserint, pœna etiam excommunicationis, multave constituta sit arbitrata Episcopi, pro ratione culpæ irroganda Concil. Provin. 4. de Sacris reliquiis &c. §. pictoribus.

At vero ut intelligatur eos de quibus agitur Religiosos homines à Synodi Tridentinæ decreto deflexisse, quæ à Sancto Carolo facta sit illius decreti interpretatio, legere sufficiat. Concil. Provin. 1. tit. quæ servanda sunt in sacris imaginibus deinde uniuscujusque imaginis os, corpus, corporis habitum & statum, ornatum, & locum inspiciendum curent Episcopi, ut hæc omnia ad Prototypi dignitatem & sanctitatem apta sint & decora, atque ex imaginis inspectione pietas excitetur, nulla verò turpis cogitationis detur occasio. Hæc & reliqua hujusmodi ex Concilii Tridentini præscripto ut commodius Episcopi exequantur, &c.

Facile quivis animadvertere potest illas in Sanctorum locum suffectas, tum Religiosorum, tum Laïcorum viventium ac passim in urbe cognitorum, effigies, haudquaquam idoneas esse ad afflandam spectantibus pietatem, neque sanctorum dignitati respondere quos ibi depictos esse oporteat.

In easdem B. Caroli voces plura observare necesse non est. Pius ille Cardinalis Conceptis verbis ac nominatim illas de quibus in propositione agitur, picturas prohibet: eas ex illarum rerum numero esse affirmat quæ possunt lædere pietatem, quævè aut amovendæ omnino sunt, aut saltem in melius corrigendæ, si decreti à Synodo Tridentinâ editi ratio haberi velit. In illis autem, sicut Sancti cujus imago exprimenda est, similitudo, quoad ejus fieri potest, referenda est; ita cautio sit, ut ne alterius hominis viventis vel mortui effigies de industriâ representetur. Instruc. Fabr. Ecclesiæ lib. 1. cap. 17.

Idem omnino sanxit Cardinalis Paleotus. in 1. Provinciali Concilio Bononiensi Constit. c. 3 tit. de Imaginibus sacris, ubi id suscipit ut Concilii Tridentini decretum interpretetur ac observet, & imprimis; ne ipsa Sanctuatio Dei

profanae Imagines admittantur, non superstitiosae, non Apocryphae, non falsae, non otiosae, non novae, aut insolitae, non ridiculae, non monstruosae, non quae sanctorum specie, viventium faciem studiosè repraesentant; non alia hujusmodi quae à priscâ abhorrent disciplinâ.

Idem Dominus de Godeau in suis Institutionibus ac mandatis Synodalibus. tit. 13. n. 12. *Sanctorum imaginibus nullas profanas species inserent, aut quae vivos homines exhibeant, cujuscumque illi conditionis sint. Si forte quaedam hujusmodi pictura nostris in Parochiis extarent Parochis mandamus ac praecipimus ut illae quamprimum auferantur.*

Multa huc congeri possent alia testimonia, sed res per se patet; atque, etiamsi qui expenditur casus non esset in regulis Ecclesiae nominatim expressus, tamen Episcopi judicio standum esset cui Concilium Tridentinum eas partes demandavit, ut decerneret inter picturas quae in templis proponuntur quid permitti oporteat, quid prohiberi.

XXX. PROPOSITIO.

Non stultè, neque impiè, sed ad Summum inconsultè ac minus prudenter egerunt illi Religiosi qui novum Testamentum Montibus hannonia impressum affixis ad muros ac valuas Tabulis, aliisque hujusmodi pramissis apparatus, palam, in Templi sui vestibulo, quò frequens populorum multitudo confluxerat ad excipiendam Sanctissimi Sacramenti Benedictionem, privatâ auctoritate cremaverunt. Diocesano Antistiti Factum istud iisdem Religiosis in aliquo suo mandato exprobandi non immerito quis regefferit ipsum in Libros suos eam impietatis ac stultitiae labem traduxisse quam iis Religiosis inurere voluerat.

CRIMINIOSIUS est factum illud de quo in trigesima propositione sermo fit quam ut inconsultò tantum ac minus prudenter egisse Religiosi dicantur. Id jure ac merito potuit Episcopus improbare.

Verecundiæ fines transfilit propositionis Author , verbisque utitur non impudentibus modo, sed etiam quæ impietatem ac stultitiam redoleant dum quâdam se à crimine vindicandi libidine , quod nunquam licet , illam impietatis ac stultitiæ labem in ipsius Episcopi mandatum refundit.

XXXI. PROPOSITIO.

Qui existimat Episcopalem Diœceseos lustrationem signum esse quoddam publicum ac Solemne Catholicæ Societatis , is opinionem sibi fabricavit singularem omnino ac novam , nulloque innixam fundamento. Ea opinio Papas ac Reges Catholicæ Societatis destructores Constituit.

TRIGESIMA prima ptopositio falsa est ac contumeliosa. Episcopalis Diœceseos lustratio actus quidem est autoritatis , sed hoc ipso signum quoddam est Catholicæ Societatis. Ideo enim jus istud in Episcopo residet quod ille sit quasi vinculum ac origo Societatis ejus quâ Diœceseos suæ fideles inter se devincti sunt ; in eo quippè fons est Ecclesiasticæ communionis , unde in populos permanet ac derivetur , ut aiunt Episcopi ann. 1645. congregati , in epistolâ suâ circulari.



XXXII. PROPOSITIO.

Est hoc nova prorsus & inusitata Theologia genus nullius neque concilii, neque Doctōris auctoritate corroboratum, quod Episcopus universos familia cujusdam Religiosos ideo schismaticos appellaverit, quia nimirum illi præsulem aedes suas lustrare ac recognoscere cupientem admittere noluerunt, objectisque ad id templi sui foribus scripto ei publico renuntiaverunt illum se ad Sacram Missam celebrandam nullatenus posse admittere nisi tanquam privatum Sacerdotem. Ea schismatis nota in Sedem Apostolicam ac Reges nostros refunditur, eosque schismatis fautores facit.

TRIGESIMA secunda propositio perinde condemnari debet & quod suum Episcopis jus Tempa regularium recognoscendi detrahare aggrediatur, & quod probet ac tueatur improbam hominum illorum contumaciam qui præsulem ad lustrandas ædes suas venientem admittere noluerunt.

Jus illud quod obtinent Antistites, regularium templa quantumvis immunium, perlustrandi consentit omninò cum Tridentinæ Synodi Doctrinâ Ecclesias quascumque, quomodolibet exemptas sess. 7. de Reform. cap. 8. & sess. 11. ca. 8. quæcumque in Diœcesi ad Dei cultum spectant, ab ordinario diligenter curari atque iis, ubi oportet diligenter provideri æquum est, &c. Ab illo eodem jure regulas suas orsi sunt generales Cleri Gallicani Conventus an. 1625. 1635. & 1645. habiti de Regularibus. Est etiam illud plurimis edictis ac Sanctionibus confirmatum quæ legi possunt in actis Cleri Gallicani to. I. c. 14. Et vero non multos ante hos menses Illustrissimus Archiepiscopus Remensis quasi qui jus illud pro vero ac contestato haberet ita scripsit in mandato suo die 24. Maii anni proximè elipsi edito. Id ipsis ultrò indulsumus ut ab inspiciendo in eorum sacellis Sanctissimo Sacramento temperaremus, quamvis id ab Episcopo per suam latè Diœcesim fieri posse certissimum sit.

Utrum Schismaticorum nomen eis compeat qui contra jus tam legitimum insurrexerunt, in ea re diligentius expendenda non immorabimur, id nominis non usque ad pressiore significationem urgetur, neque semper consummatum Schisma integramve ab Ecclesia sejunctionem sonat; licet inferioribus legitimam inire jura sua suasque immunitates tuendi, viam ac rationem, si ea injuste a superioribus impugnari existiment, at quod legitimo Antistitis sui juri pertinaciter atque obfirmato animo obfistant, id vero haberi debet pro quodam Schismatis ac dissidii nocentissimi initio, præsertim si res ad manum & contumelias veniat. *Non obedire præceptis cum rebellionem quãdam constituit Schismatis rationem. S. Th. 2. 2. q. 39. a. 1. ad 2. Schisma disciplinam Ecclesiasticam labefactare nititur, & Episcopalem auctoritatem concutere* inquit Gonzales ad cap. fraternitati tuæ de Schismat. juxta S. Basilium Epist. Can. c. 3. & Hieronymum in c. 3. ad titum, quos appellat Gonzales.

Profecto *disciplinam Ecclesiasticam labefactare nituntur & Episcopalem auctoritatem concutere* qui Episcopo Diocesano templi fores objiciunt, renuntiantque illum se ad Sacram Missam celebrandum nullatenus posse admittere, nisi tanquam privatum Sacerdotem. Quantum id Ecclesiæ disciplinæ atque Episcoporum auctoritati deroget satis perspectum habebit qui articulos. 20. & 21. regularum a comitiis cleri Gallicani jam citatis constitutarum legent. Legi quoque potest & Epistola circularis quam clerus an. 1661. congregatus ad Episcopos Galliæ scripsit. Ibi extat latum ab ipso de simili prope facto judicium, quippe præmonstratenses Laudunæi Episcopo suo, nunc Cardinali d'Etres cum in eorum ædem S. Martino Sacram, conferre se voluisset ad Sacros Ordines administrandos, fores pariter objecerant qua de re edictum intervenit supremi consilii die 22. sept. 1663. quod extat in actis Cleri.

Possent igitur hæc Epistolæ circularis verba à Præfulibus an. 1655. Congregatis scriptæ, in eos de quibus agitur Religiosos non ineptè transferri ac intorqueri. *Certè licet ii de quibus loquimur, homines, in aperto schismate non versentur, dici tamen non immeritò potest, neque eos in integrâ & per-*

fectâ Societate ac concordia esse constitutos, sed mediam quamdam inter hæc duo viam insistere, ac tertium veluti statum reperisse qui impedit quidem quominus Schismatici appellentur cum visibili Ecclesiæ duci ejusque disciplina ad eorum mentem explicata subjacere se profiteantur sed qui tamen eos in perfectâ Societate non constituit, cum se ducibus privatarum Ecclesiarum surripiant, quibus ut illa societas servetur, subiectos eos esse oportet, imò, quibus ad regendas animas subijci omnes jubet qui totius Societatis caput ac quasi centrum est.

XXXIII. PROPOSITIO.

Vexationem ac Tyrannidem cum manifestam omnibus, tum novam omnino & institutis Ecclesiæ contrariam exercet is Episcopus, qui publico mandato sanxit, intemperatâ excommunicationis pœnâ ut ne ulli è Diœcesi sua fideles Divinis Officiis intersint in eorum Religiosorum templo qui ei ad inspiciendas ades suas venienti templi ejusdem aditum obturaverunt.

DUO in trigessimâ tertiâ propositione veniunt expendenda. 1. Utrum potuerit Episcopus in Religiosos censuris aut pœnis animadvertere. 2. an ea pœna quam inflixit, justa fuerit ac Canonica.

Quod ad 1. attinet, si Episcopi jus certum ac contestatum sit, ut est, extra omnem controversiam poni debet, potuisse, imò debuisse præsulem in eos animadvertere qui suo illi juri tam audacter, tam pervicaciter, tam contumeliosè se interposuerunt. Ea clausula conceptis verbis enuntiatur sub finem regularum à Clero Gallicano constitutarum. Atque ut hiscè regalis obtemperetur, licet Episcopo, Vicariis Generalibus ac Officialibus refragantes ad eas observandas censuris excommunicationibus & aliis hujusmodi juridicis pœnis adigere, idque, non obstante ullâ vel interpositione vel provocatione. Et vero Agathensis Antistes hujus decreti vi Augustinianorum, Observantium, & Recollectorum Tempia interdixit ut legere est, in epistolâ die 15. Junii an. 1646. à Clero Gallicano qui ipsius defensionem suscepit, conscriptâ.

Pœna in propositione relata mitior multo est quam vel excommunicatio, vel interdictum. Non est ea quidem omninò usitata. Quanquam dici potest.

1. Non Deesse omnino hujus rei exempla quædam. Plures Episcopi numerantur qui olim à suâ proindeque ab universi populi sui communione nonnullos homines rejecerunt quos non ideo ab Ecclesiæ corpore sejunctos aut Excommunicationis pœnâ afflictos volebant. Sic Imperatorem Maximum à communione suâ rescidit S. Ambrosius, tametsi eum excommunicationis fulmine non perculerit, utpote qui illius Antistes non erat. Sic in 43. & 47. Canone inter eos qui appellantur Collectio Africana, sic in Epistolâ S. Leonis ad Anatolium Constantinopolitanum memorantur quidam Episcopi quibus hæc una injuncta pœna fuerat. *Ut suarum Ecclesiarum essent communione contenti.* Sunt & alii hujusmodi Canones qui in jus Canonicum inserti fuerunt. Eos multi Authores ita interpretantur quasi partialem hanc, si ita loqui fas est, excommunicationem significant; citantur illi tum Canones tum Authores apud Suarem, tametsi eorum ipse opinionem non amplectatur. De cons. disp. 24. sect. 1. n. 2. & seq. ea quæ in propositione refertur pœna, cum hæc coincidit. In suam & populi sui communionem quosdam Episcopus admittere recusavit, quamvis non ideo societatem omnem excommunicationis fulmine abrumpi voluerit.

2. Quantumvis non extarent similia omnino hujus rei monumenta, egit tamen Episcopus consentaneè ad Canonici juris instituta; non solum enim in eo facultas Antistiti conceditur populum suum ab omni quod ipsorum salutis detrimentum importare posset *tum in divinis, tum in humanis* commercio retrahendi, sed etiam agnoscit genus quoddam suspensionis quo qui mulctantur aliis tantum non sibi suspensi sunt, hoc est muneris quidem sui partes clam & remotis arbitris, non vero palam & cœteris spectantibus exequi possunt.

De illo suspensionis genere tam novi Canonistæ loquuntur quam antiqui, licet omnes fere fateantur eam non esse veram censuram ac propriè dictam suspensionem, addantque præterea his temporibus eam abolitam esse.

Ita loquitur Navarrus. *Sexto dico quod illa divisio suspensorum Panormitani & aliorum, scilicet quod quidam sunt quoad se solum, alii quoad alios solum, alii & quoad se & quoad alios, licet communis sit & vera, accipiendo vocabulum suspensum generaliter, non tamen accipiendo ut hic pro impedito per suspensionem speciem censuræ Ecclesiasticæ. Man. c. 27. n. 155.*

Dicit Faghanus suspensionem hanc esse dumtaxat indirectam neque, si prohibeatur aliis ne Missæ à Titio celebratæ adsint, ideo & Titio ne Missam celebret, prohiberi hæc est suspensio indirecta respectu aliorum, ad effectum, ut ab eo non audiant divina, nec est bona consequentia præcipio vobis ut non audiat Titium legentem: ergo Titius est suspensus à lecturâ, ut inquit Abbas c. vestra n. 7. de cohabit. Cleric. & mul.

Videtur inflicta ab Antistite in mandato suo multa posse ad istud suspensionis genus reduci. Enimvero iisdem ferme vocibus constat quibus apud Fagnanum suspensio quoad alios; vera suspensio sit, vera censura, nec-ne, haud multum interest satis est istud Canonico jure approbari, tametsi non sit fortâsse vulgò usitatum.

3. Inter Authores convenit suspensionem in societates integras ferri posse. Davil. 3. p. disp. 3. dub. 2. cumque suspensiones sint aliæ totales aliæ partiales posse superiorem quorundam dumtaxat muniorem exercitio interdicere salvis aliis, unde sequi videtur quod etiamsi Missam Sacerdoti celebrare non prohibeat, huic tamen vetare possit ne palam celebret, Sacram. Communionem administret, &c,



XXXIV. PROPOSITIO.

Non potest Episcopus mandatum ejusmodi emittere quod censuras in refragantes indicat, quodque ea quibus ad illud edendum adductus fuerit, delicta verbis acribus ac asperis denotet, quin eharitatis leges infringat & ab illâ mansuetudine declinet quam & inculcavit aliis Christus & in omnes ipse exercuit.

EPISCOPI AN. 1645. & 46. frequentes Congregati af-
finem huic accusationem elevaverunt. Res tum prope
similis agebatur, nimirum Regulares quidam Agathensi
Episcopo regulas jam supra laudatas observare volenti se se
pertinaciter interposuerant. Ita illi Antistites loquuntur in
Epistola suâ circulari 15. Junii 1646. scripta. *In his occa-
sionibus indulgentia non ab Ecclesiasticâ mansuetudine, sed ab
socordiâ quadam & Ecclesiasticarum legum violatione proficis-
citur. Debemus profecto ludentibus nos ignoscere ut Pastorem
Pastorum imitemur, sed ejus quoque firmitudinem animi ac
sanctam iracundiam tenemur imitari . . . S. Carolus Vir ille ad-
mirabilis ad cujus velut perfectissimi exempli mores formare se
nostrum unusquisque debet eâ mansuetudine fuit quæ nullis in-
juriis poterat egrescere. At quemadmodum, ubi sua res age-
batur, obmutescibat, ita pariter, ubi ulla muneris sui pars in
discrimen adducebatur omnibus Ecclesiæ fulminibus detonabat.
Incidit ille in similes iis de quibus scribimus difficultates ac
molestias; at cum in iis tranquillitatis ac charitatis usque reti-
nentissimus fuit, tum incredibile animi sui robur exercuit, atque
ut Patrum Verbis utamur, Vere se Episcopali fortitudine mu-
nitum ac circumseptum exhibuit, tam adversus regulares quam
adversus laicos quotiescumque illi jugum obsequii detrectare
atque excutere voluerunt.*

Profecto, quod unum hic adjicietur, concinunt omnino
illa Episcoporum verba S. Augustini Doctrinæ. Etenim
advertit pius Doctor quandoque. *Dominum amarè & acerbè
arguisse Judæos sed amando; Serm. 307. n. 5.* Concinunt D.
Bernardi menti qui credebatur debere se nonnumquam eò

asperius arguere quo amabat vehementius. *Dura loquor quia duriora vobis formido, sed mementote a sapiente dictum, meliora esse verba amici, quam fraudulentia oscula inimici* Epist. 121. ad Ludov. Regem. h. 4. *Acrius loquor, quia acriora vobis formido: quod non ita vehementer timerem nisi vos vehementer diligerem.* S. Bern. Epist. 220. n. 2.

XXXV. PROPOSITIO.

Qui asserunt Principum Sacularium auctoritatem simul cum Ecclesiâ conspirasse ad retundendos Regularium conatus & consilia dissipanda ii Reges, Summos Pontifices sequè ipsos, hostes totius Religiosi ordinis infensissimos profitentur. Præterea tantam universo Regularium ordini singulisque Religiosis familiis, ne unâquidem exceptâ contumeliam inferunt, quam qua maxima, qui regulares novorum consiliorum Architectos appellant: inurunt quoque turpissimam opprobrii labem Regibus, supremis Senatibus, ac ipsa Pontifica Sedi quos fingunt ad retundendos Regularium conatus & consilia dissipanda conspirasse. Quin etiam duplex sit Apostolica Sedi injuria unde illorum immunitates fluunt ac permanent. Uno verbo ministri Calvinista nihil unquam in Ecclesiam probrosius evomuerunt quam qua leguntur in mandato Antistitis Sancti Pontii, videlicet Principum sacularium auctoritatem simul cum Ecclesiâ conspirasse ad retundendos Regularium conatus & consilia dissipanda.

TRIGESIMA quinta propositio immani exaggeratione amplificat ac inani injuriosaque censurâ notat propositionem quandam ab uno Episcopo prolatam eo sensu quo vera est & fuit jam à multis præsulibus aliis emissâ.

D. De Montchal Tolosanus Archiepiscopus in Congregatione an. 1645. habitâ dixit Religiosos nimiam gratiæ ac auctoritatis alienæ fiduciâ multum excessisse, & immunitates suas, ad intolerabiles usque terminos protendisse.

Eodem modo loquuntur Episcopi an. 1640. congregati, initio regularum jam antea laudatarum, & 1625. in circulari Epistola ad regulas adjectâ. *In id præcipuè sedulo nobis incumbendum putavimus ut novis quotidie Regularium immunitium contra dignitatem ac honorem ordinis Hierarchici conatibus & consiliis quoquo modo obviam iremus.*

Idem frequentium Episcoporum cætus an. 1650. convocatus in Epistola circulari die 22. Novembris an. 1651. scripta conqueritur etiam de quotidianis plurium Regularium moliminibus Nihil est eâ querimonia frequentius in cujus gratiam tot à S. Pontificibus Bullæ, tot à Regibus edicta, declarationes, decreta concessa sunt quæ Episcopale jus ac dignitatem asseruerunt.

Huc etiam accedit quod illæ voces quas adeo insectatur propositionis Author eadem omnino sint ac illæ quas adhibuit Illustrissimus Harlæus nuper Parisiensis Archiepiscopus in cœtu an. 1685. habito cui præerat. Anno 1632. inquit. *Eminentissimus Cardinalis de Grimaldi Nuncii Vices tum in Galliâ fungens in manibus Episcoporum reposuit Breve quoddam ab Urbano VIII. concessum quo Religiosorum immunitium conatus retundebantur.*

Qui sic loquitur, non ideo vel singulos Religiosos vel ordinem universum accusat, sed eos duntaxat quorum consiliis obfisti non potuit nisi objectâ Sanctæ Sedis auctoritate innumerisque tum hoc sæculo tum post habitam Tridentinam Synodum impetratis Edictis.

Non hodie primum extiterunt ejusmodi accusationes ac querelæ. Sciunt omnes quam acriter invectus sit S. Bernardus in quorundam sui tum ævi tum etiam ordinis Abbatum ambitionem qui id moliebantur ut Episcoporum suorum auctoritati se subriperent, suisque immunitatibus ac privilegiis abutebantur. De Confid. lib. 3. cap. 4. & de Offic. Episc. ad Henricum cap. 9. Narrat scriptor quidam vetustioris ævi, qui ante absolutum sæculum 11. floruisse creditur vi atque auctoritate repressum fuisse Abbatis cujusdam consilium qui subjacere Episcopo suo recusabat. Digna sunt illius Authoris verba quæ hic inserantur *Subradus contra Evangelica & Apostolica decreta Episcopo subjugari detestabatur. Postcâ tamen multâ.*

thoritate subiectus esse convincitur, tandemque respiciens ad deditiois jugum quamvis invitus reflectitur; quia quicumque jugum Episcopi declinare contendit etiam Christi resugere convincitur, nemo enim absque Episcopalis ministerii conditione ad unitatem Ecclesie cogitur. Chron. Camerac. & atrebat. lib. 1. cap. 106.

XXXVI. PROPOSITIO.

Non satis est si quis errorem summoperè excretur. Debet etiam pari in omnes quos illius venenum infecit, odio ferri. Etenim fieri nullomodo potest ut B. Virgini placeamus absque Fide vivâ, quam Fidem repurgat ac vividam facit summum in homines erroris fuligine afflatus odium.

TRIGESIMA sexta propositio falsa est, scandalosa veritati & charitati in Evangelio toties inculcatis omnino contraria.

Pietas in B. Virginem non alio fundamento innititur quam verâ sanctitate cujus hæc nota ac proprius quasi character est ut malum aut errorem impugnet, aversetur, profliget, eos autem qui in illa prolapsi sunt amet ac foveat, quo inde extrahantur. Id docet passim S. Augustinus. Illum affectum animi errores execrantis & diligentis homines non tantum pro Sancto ac pio haberi vult, adeoque vivæ Fidei quæ solâ charitate vivit, & pietati in B. Virginem cui placere nullo modo possumus absque vivâ Fide, consentaneo Facile est atque proclive malos odisse quia mali sunt: rarum autem & pium eosdem ipsos diligere, quia homines sunt; ut in uno simul & culpam improbes, & naturam approbes, ac propterea culpam justius oderis, quod eâ fœdatur natura quam diligis. Epist. 153. alias 54. ad Macedonium cap. 1. Sed etiam alibi asserit eum divino præcepto imperari, *Quoniam enim Dominus per servos suos regna subvertat erroris ipsos tamen homines, in quantum homines emendandos esse potius quam perdendos jubet.* contra Epist. Manich. c. 1.

CONCLUSIO.

Qui Augustini locus subscriptis Doctoribus occasionem suggerit totam hanc responsionem his aliis ejusdem Augustini verbis concludendi. *Hæc cum impigrâ mansuetudine agenda & prædicanda retinete : Diligite homines , interficite errores : sine superbiâ de veritate præsumite , sine savitiâ pro veritate certate : orate pro eis quos redarguitis atque convincitis vivatis & perseveretis in Christo , & multiplicemini atque abundetis in charitate Dei , & in invicem , & in omnes contra litt. Petiliani lib. I. c. ultimo.*

COETERUM denuntiant illi has se propositiones , quales in se sunt , atque sibi traditæ fuerunt , non cognitis authoribus , non lectis iis unde excerptæ sunt , libris , expendisse. Quoniam igitur accidere potest ut quædam propositio quæ cum operis serie connexa nihil habet quod reprehendatur , ea si à toto quasi contextu ac tenore orationis sejuncta dissolutaque sit , videatur & quoad rem ipsam & quoad voces quibus exprimitur condemnanda , sensumque præ se ferat cum ab Authoris animo tum ab operis sensu alienum , declarant item iidem Doctores nolle se neque in Authores neque in scripta refundi eas quas in omnes supra relatas propositiones conjece-
runt , notas , nisi forte bonâ Fide expressæ fuerint (quod ita esse confidunt , cum sibi traditæ sint ab Episcopo quem penès est doctrinam & libros quæ per suam Diæcesim vulgantur expendere ac judicare) & præterea ab Authoribus in eo sensu defendantur , in quo reprehendendas eas esse demonstratum est.

Deinde sui muneris esse arbitrantur tria insuper observare quæ ex harumce propositionum examine resultant quævè ad Librorum ex quibus exscriptæ sunt Authores vel ad Episcopum qui in eis impetitur pertinent.

Ac I. contendunt ii falsò , injustè , temerarie , nec nisi violatis omnibus pietatis ac sinceritatis Christianæ legi-

bus id molitum esse Authorem propositionis ut Episcopi hujus facta ac Doctrinam condemnaret, vel suspiciosa faceret. Causam suam agere videtur in omnibus factis in quibus agendi rationem Episcopi sui coarguit, factum vero ne unum quidem affert, in quo quidquam reprehensione dignum occurrat. Quod spectat ad Doctrinæ capita quæ impugnat, ea sunt aut dogmata Fidei, aut vulgares ac trita, imo certissimæ apud Theologos opiniones, aut saltem recepta vulgò & probata Ecclesiæ placita quæ non solum omni veneno, sed vel minimâ mali suspicionem carent.

Deinde declarant, authorem hunc non sine gravissimo peccato & maximâ offensione omnium, tot quibus propositiones scatent, injurias ac crimina in Episcopum evomuisse. Esset profectò ille Author non mediocris flagitii reus, & perfractis omnibus officii, charitatis ac justitiæ regulis ad satisfactionem publicam teneretur si privatum quemdam hominem aut Doctorem offendisset, jam verò cum Episcopum impetierit cujus ut sana ab omnibus Doctrina habeatur vitæque omnis nulli vel probro vel invidiæ pateat tantum interest ac ipsius muneris ratio postulat, quanto nocentior æstimari debet & ad satisfactionem cogendus severiorem & solemniorem? Dissimulanda tanquam parentis, Episcopi culpa est, & quibusdam involucris obtegenda. Quantumvis certa ac manifesta sint errores ac facta quæ ipsi crimini vertuntur, nunquam est ad publicam accusationem descendendum, nunquam detrahendum illius famæ nisi prudenter ac consultò, nisi necessitas ineluctabilis urgeat. *Scriptum est, principem populi tui non maledices.* act. 23. chap. 5. quanto igitur & quam atroci scelere tenetur obstrictus ad quam satisfactionem cogendus, quam gravibus pœnis afficiendus privatus ille vir qui gratis atque ex animo libellos scribit ac disseminat quibus falsò accuset & in invidiam adducat unius Episcopi doctrinam & rationem totam administrationis? Idem statui debet pro sua parte in alios omnes qui eum impulsisse, instigasse, defendisse aut adjuvisse in ejusmodi scribendis aut vulgandis Libellisprehenderentur.

Ad extremum si ex istis Authoris propositionibus quæ-

dam esse possit illius Doctrinæ morum atque ingenii di-
 vinationo denuntiant habendum eum esse pro suspecto , pe-
 riculoso , indigno , atque etiam inepto , vel ob ignoran-
 tiam vel ob malitiam suam , vel propter utramque , qui
 ad Confessarii , Concionatoris , Doctoris Ministerium aut
 ad alia ulla quæ in erudiendis vel regendis fidelium ani-
 mabus occupantur munia , possit admitti , neminem ne-
 que Episcopum , neque Rectorem posse eum salvâ con-
 scientiâ , ad ullum hujus generis ministerium adhibere ;
 postremo idem observari debere in illos qui eadem cum
 Authore propositionum sentire , iisdem opinionibus
 adhærere aut in partem venisse calumpniarum quas ille ad-
 versus Episcopum pervulgavit usque dum culpam suam ido-
 neâ satisfactione emendaverint ac certa dederint poeniten-
 tiæ ac mutationis argumenta.





NOMINA DOCTORUM

qui consultationem de triginta - sex
Propositionibus subscripserunt.

- D**OMINUS LEONARDUS DELAMET , è
Regiâ Navarrâ Sancti Eustachii Pastor.
- D. NICOLAUS PETITPIED** è Domo & Societate
Sorbonicâ Canonicus & Succentor Ecclesiæ Parisiensis.
- D. JOANNES GERBAIS** , è Domo & Societate
Sorbonicâ Professor Regius.
- D. GUILLELMUS CHANU.**
Fr. **PHILIBERTUS BEZANCENOT** in Parisiensi Cisterciensium Collegio Doctor Regens.
- D. GERMANUS FROMAGEAU** è Domo & Societate Sorbonicâ.
- D. THOMAS ROULLANT** Canonicus & Præpositus Ecclesiæ Remensis atque Illustrissimi Remensis Archiepiscopi Vicarius Generalis.
- D. CLAUDIUS LE FEVRE** , è Regiâ Navarrâ Theologiæ Professor & Sacræ Facultatis olim Syndicus.
- D. SIMEON ROINETTE** , è Domo & Societate Sorbonicâ Abbas Alti Fontis nec-non Illustrissimi Archiepiscopi Parisiensis Vicarius Generalis.
- D. JOANNES JOLLAIN** , è Domo & Societate Sorbonicâ Sacræ Facultatis Syndicus.
- D. MARINUS HUMBELOT** , Canonicus Sancti Thomæ à Lupara.
- D. FRANCISCUS FEU**, Pastor Sancti Gervasii.
- D. ANTONIUS LE PECHEUX.**
- D. ARNALDUS TRISTAN DE S. AMANS**, Archidiaconus Agathensis.
- D. NICOLAUS BLAMPIGNON** , è Regiâ Navarrâ Primicerius Pastorque Sancti Mederici.
- D. PETRUS LEGER.**

D. LUDOVICUS HYDEUX , Sanctorum Innocentium Pastor.

Fr. LUDOVICUS DE BOURGE'S , Sancti Victoris Canonicus Regularis.

D. JOANNES SOULLET , è Regiâ Navarrâ.

D. CLAUDIUS GALLIOT, Collegii Questorum Gymnasiarchus.

D. PHILIPPUS DU BOIS.

D. CLAUDIUS BLOUIN, Præfectus Domus Hospitalis puerorum quos Rubros vocant.

D. JOANNES RABOUIN, è Domo & Societate Sorbonicâ Ecclesiæ atque Universitatis Parisiensis Cancellarii Vicarius.

D. GUILLELMUS BOURRET, è Domo & Societate Sorbonicâ Professor & Scripturæ Sacræ Lector.

D. THOMAS DURIEUX , è Domo & Societate Sorbonicâ, Collegii Sorbonæ-Plessæi primarius.

Fr. LUDOVICUS L'ATTAIGNANT , Canonicus Regularis & Prior Sancti Victoris Parisiensis.

D. JACOBUS LEULIER , è Domo & Societate Sorbonicâ Pastor Ecclesiæ Sancti Ludovici in insulâ.

D. JOANNES CAMIN.

D. ROBERTUS LAINE'.

D. NATALIS VARET , è Regiâ Navarrâ Canonici Sancti Jacobi ab Hospitali.

D. JEANNES DESMOULINS , Ecclesiæ Parisiensis Pœnitentiarum Vicarius.

D. ANDREAS TULLOU DESMARETS , Ecclesiæ Sancti Benedicti Pastor.

D. JOSEPHUS LAMBERT , è Domo & Societate Sorbonicâ Prior Paleseau.

D. DIONISIUS LE BRETON , è regiâ Navarrâ.

D. DIONISIUS LEGER , Archidiaconus nec-non Illustrissimi Andegavensis Episcopi Vicarius Generalis.

D. JOANNES HEBERT.

D. CAROLUS NICOLAUS GARSON , Ecclesiæ Sancti Landerici Pastor & olim Facultatis Theologiæ Syndicus.

D. JOANNES TRIBOULART.

- D. NICOLAUS JUBINOT.
D. PHILIPPUS ANQUETIL.
D. ANTONIUS HERLAU, è Regiâ Navarrâ.
D. JACOBUS JOLLAIN, è Regiâ Navarrâ Ecclesiæ Sancti Hilarii Pastor.
D. JOANNES-BAPTISTA BOSSY, Ecclesiæ Sancti Ludovici in Insulâ Vicarius, nunc Briæ Ecclesiæ Pastor.
D. JOANNES SARRASIN.
D. JOANNES-FRANCISCUS RUFFIN, Canonicus Regularis Sanctæ Crucis.
D. MICHAEL PHILIPPUS BONNET, è Domo & Societate Sorbonicâ Ecclesiæ S. Pauli Vicarius.
D. ANDREAS MANSEL, Prior & Primarius Collegii Magistri Gervasii.
D. LUDOVICUS ELLIES DUPIN, Professor Regius Philosophiæ.
D. FLORIDUS MOLIN.
D. LEONARDUS DOLLE.
D. JOANNES DESAYETTES, è Regiâ Navarrâ nec-non Illustrissimi Episcopi Montalbanensis Vicarius Generalis.
Fr. NICOLAUS LE BEAU, Sanctæ Crucis Canonicus Regularis.
D. JACOBUS PINSSONAT, Professor Regius Collegii des Grassins Gymnasiarchus
D. JOANNES VIVANT, è Domo & Societate Sorbonicâ, Canonicus Ecclesiæ Parisiensis atque Ecclesiastici Fori Procurator.
D. FRANCISCUS ROBERTUS SECOUSSE, è Regiâ Navarrâ.
D. CAROLUS CHAUVIN, Pœnitentiarii Ecclesiæ Parisiensis Vicarius.
D. HYACINTUS RAVECHET, è Domo & Societate Sorbonicâ.
D. PHILIPPUS DE LACOSTE, Nozodochii Parisiensis Prefectus.
D. CLAUDIUS NICOLAUS DESPREZ.
D. GASPARDUS BRUNET.

- D. FRANCISCUS ARNALDUS D'ARNAUDIN
Sancti Martini Ecclesiæ Pastor in Oppido Sancti Dionisii
in Galliâ.
- D. FRANCISCUS VIVANT, è Domo & Socie-
tate Sorbonicâ Pastor Ecclesiæ Sanctorum Lupi &
Ægidii.
- D. JOANNES-BAPTISTA FAVART, è Regiâ
Navarrâ Collegii Remensis Gymnasiarchus.
- D. GASPARDUS CLAUDIUS NOLET.
- D. LUDOVICUS DE TARGNY, Collegii
Dainvillai Gymnasiarchus.
- D. ANTONIUS LE MOINE, è Domo & Societate
Sorbonicâ.
- Fr. GABRIEL DESLONDES, Theologiæ Pro-
fessor in Magno Dominicanorum Parisiensium Conven-
tu.
- D. NICOLAUS L'HERMINIER.
- D. PETRUS D'AVOLE', è Regiâ Navarrâ.
- D. CAROLUS UVITASSE, è Domo & Societa-
te Sorbonicâ Professor Regius Theologiæ.
- D. GUILLELMUS DE LAMARE, è Domo &
Societate Sorbonicâ.
- D. BERNARDUS ANDRE'.
- D. QUINTINUS BOUDET.
- Fr. CLAUDIUS QUINQUET, Parisiensis Cister-
ciensium Collegii Provisor.
- D. SIMEON POTIER.
- D. GUILLELMUS DE VOULGES, è Domo
& Societate Sorbonicâ.
- D. NICOLAUS PETITPIED, è Domo & Societate
Sorbonicâ.
- D. STEPHANUS MILANGE, è Regiâ Navarrâ.
- D. ANTONIUS MORAN.
- D. CAROLUS FRANCISCUS DUFOUR.
- D. DIONISIUS PUYLON.
- D. GUILLELMUS BERNARDUS DE MONTEBISE, è
Domo & Societate Sorbonicâ Constantiensis Canonicus,
- D. ADRIANUS PICARD, è Domo & Societate
Sorbonicâ Constantiensis Canonicus.